

Mungu Akijificha Kwa Urahisi Halafu Akajifunua Kwa Jinsi Hiyo

Jeffersonville, Indiana, Amerika
Machi 17, 1963A

1 Asante, Ndugu Neville. Bwana na akubariki. Habari za asubuhi, marafiki. Kwa kweli nimeuhesabu huu mmoja wa nyakati kuu sana za maisha yangu, kuwapo katika maskani hii tena asubuhi ya leo, kuona mpangilio wake unaopendeza, na mpangilio wa watoto wa Mungu wakiwa wameketi katika nyumba Yake leo.

Nilishangaa sana nilipofika hapa jana na kuona sura ya jengo. Sijawazia kamwe kwamba lingekuwa namna hii. Nilipoona ramani zake, vile wakati walipokwisha kuzichora zile ramani, niliona tu chumba kingine kidogo kimekaa upande, lakini sasa ninapaona kuwa ni mahali pa-pazuri. Nasi tUnamshukuru Mwenyenzi kwa ajili ya mahali hapa pazuri. Nasi tunaninii...

2 Nimewaleteeni, asubuhi ya leo, salamu kutoka kwa mke wangu na watoto wangu ambao wanatamani kuwapo hapa wakati huu kwa ajili ya ibada hii ya kuweka wakfu, na juma hili la kujiweka wakfu kwa Kristo. Lakini watoto wako shuleni, na ni vigumu kuondoka. Nao karibu wamechoka kabisa kwa shauku yao ya kutaka kuwa nyumbani wakiikumbuka nyumba, lakini hatutachoka hata kidogo kuwaonea shauku ninyi watu. Huko hakuishi. Kuna kitu kama kuwa na marafiki. Nami nanawapenda marafiki, kila mahali, lakini kuna jambo fulani kuhusu marafiki wa zamani. Haidhuru wapi utapata marafiki wapya, bado siyo wale wa zamani.

Haidhuru ningezunguka wapi, mahali hapa daima patakuwa ni pa heshima sana. Kwa kuwa miaka kama thelathini iliyopita, chini kwenye kile kidimbwi chenye matope, niliweka wakfu sehemu hii ya ardhi kwa Yesu Kristo wakati haikuwa chochote ila lundo la matope. Hapa pote palikuwa ni kidimbwi. Hiyo ndiyo sababu barabara haikupitia hapo, babarabara ilibidi izunguke, kusudi ikwepe hicho kidimbwi kilichokuwa hapa ndani. Na ndani hapa, palikuwa na mayungiyungi, mayungiyungi ya kidimwi yaliota.

3 Na yu-yungiyungi ni ua la ajabu sana. Ingawa huzaliwa kwenye matope halina budi kupenyeza njia yake kupitia kwenye matope, na halafu hupitia kwenye maji na matope yanayoteleza, ili ipate kupenyeza juu, kuonyesha uzuri wake.

Nami na-nafikiri, asubuhi hii, ya kwamba hivyo ndivyo karibuni hasa ilivyotukia hapa. Ya kwamba, tangu wakati huo, yungiyungi dogo la kidimbwi limejipenyeza; na wakati lilipojitokeza juu ya maji, lilitandaza mbawa zake, petali zake ndogo zikatokeza, na likaakisi Ua la Uwandani.

4 Naomba lidumu kwa muda mrefu! Na iwe nyumba iliyowekwa wakfu kabisa kwa Mungu!

Maskani yenyewe ilikwishawekwa wakfu katika mwaka wa 1933. Lakini nilikua ninawazia, asubuhi hii lingekuwa ni jambo zu-zuri sana kufanya tu ibada ndogo ya kuwekwa wakfu tena, na hasa kwa watu ambao, kwa upendo wao na kujitolea kwao kwa Kristo, wamefanya jambo hili lote liwezekane.

5 Nami nataka kumshukuru kila mmoja wenu kwa ajili ya matoleo yenu, na kadhalika ambayo mmetoa kwa ajili ya kuliweka wakfu kanisa hili kwa Kristo.

Nami ninafurahi sana, na ninalishukuru kusanyiko, kusema maneno haya kwa niaba ya ndugu zetu wazuri hapa wa kanisa hili, ambao wamejitolea huduma zao kwa ajili ya jambo hili. Ndugu Banks Wood ndugu yetu mzuri sana, Ndugu Roy Roberson, ndugu yetu mzuri sana; na wengine wengi ambao, kwa unyofu na kwa weupe wa moyo, wamejitolea miezi mingi katika kupajenga mahali hapa jinsi ambavyo pamekuwa, wakakaa hapa kuona ya kwamba palijengwa vile hasa inavyotakiwa.

6 Nami nilipoingia ndani, kuona mimbara hii, ya aina ile ambayo daima nimetamani, maishani mwangu mwote! Mimi ... Ndugu Woods alijua kile nilichopenda. Hakusema kamwe angeijenga, lakini ameijenga. 10 Nami naliangalia jengo hili na jinsi lilivyojengwa, ni ninii tu, loo ni zuri mno.

7 Na sasa sina maneno ya kuelezea ninavyojiskia. Hakuna tu njia ya kujieleza, mnaona. Na, lakini, Mungu anafahamu. Nami naomba kila mmoja wenu apate thawabu

kwa ajili ya michango yenu na yote yale mliyofanya kupafanya mahali hapa jinsi vile palivyo, katika namna ya jengo; nyumba ya Bwana. Na sasa ni-ningetaka kusema maneno haya. Sasa jengo hili, likiwa zuri kama lilivyo, ndani na nje ...

Shemeji yangu, Junior Weber, alishughulikia kujenga matofali. Sioni jinsi lingeweza kuwa kitu kizuri zaidi ya vile lilivyo sasa, kazi iliyo kamili

8 Ndugu mwingine aliyeko hapa (sijawahi kukutana na mtu huyo,) ndiye aliyeweka mitambo ya mawasiliano. Lakini ukiangalia hata kwenye jengo lenye kulala usawa kama hili, ninaweza tu....Hakuna mwangwi wa sauti. Hizo ziko kwenye dari hapa, njia mbalimbali. Haidhuru nisimame wapi, ni moja tu, unaona. Na kila chumba ki-kimejengwa, hivi kwamba ndani kuna maspika na unaweza kufanya namna yoyote unavyotaka kusikika. Ni nini, ninaamini ni mkono wa Mwenyenzi Mungu uliofanya mambo haya. Sasa kama ...

9 Bwana wetu ametupa jengo tunamoweza kumuabudia, kwa zaidi ya miaka thelathini. Tulianza na sakafu ya udongo, unga wa mbao, na tukaketi hapa karibu na yale majiko ya zamani ya mkaa. Naye kondrakta, Ndugu Woods, mmoja wao, na Ndugu Roberson, alikua akiniambia ya kwamba mahali pale zile nguzo zilipokuwa, na yale majiko ya kale yalipokuwa yakikaa kwenye zile mbao zilizokingama, hizo zilishika moto na kuungua kabisa, labda futi mbili ama tatu. Sababu ya kutoteketea kabisa ni Mungu tu aliyezihifadhi. Na halafu baada ya kuungua, na uzito wote wa maskani ukiegemea juu ya hizo, kilichozuia kuporomoka, ni mkono wa Mungu. Sasa zimeimarishwa kwa mihimili ya chuma cha pua zikisimama kwenye ardhi, zimejengwa imara.

10 Sasa nafikiri ni wajibu wetu kupafanya ndani pawe pazuri, kwa neema ya Mungu, kuwa na shukrani sana kwa Mungu ya kwamba ninii yetu ... Hili halitakuwa tu ni jengo zuri tutakamohudhuria, lakini kila mtu anayeingia ndani na aone tabia nzuri ya Yesu Kristo ndani kila mtu anayeingia ndani. Na pawe mahali palipowekwa wakfu kwa Bwana wetu, watu waliowekwa wakfu. Kwani, hata jengo hili liwe zuri namna gani, (hilo hakika twalifurahia,) uzuri wa kanisa ni tabia ya watu wake. Nina matumaini daima litakuwa ni nyumba ya Mungu, ya uzuri

11 Sasa, katika ile ibada ya kuwekwa wakfu kwa lile jiwe la kwanza la pembeni lilipokuwa likiwekwa, ono kuu lilikuja. Nalo limeandikwa kwenye hilo jiwe la pembeni, asubuhi ile nilipoliweka wakfu.

12 Nanyi huenda mlishangaa, dakika chache zilizopita, ni kwa nini nilichelewa sana kutoka. Wajibu wangu wa kwanza, nilipokuwa ninakuja kwenye kanisa hili jipya, niliwaunganisha katika ndoa kijana mwanamume na mwanamke wakiwa wamesimama ofisini. Na iwe ni mfano ya kwamba nitakuwa mhudumu mwaminifu kwa Kristo kumtayarishia Bibiarusi kwa ajili ya sherehe ya Siku hiyo.

13 Na sasa hebu tufanye kama tulivyofanya pale mwanzo. Tulipoanza kwenye kule kuwekwa wakfu kwa kwanza kwa kanisa, nilikua mimi ni kijana tu mwanamume, jamani, labda umri wa miaka ishirini na moja, miaka ishirini na miwili wakati tulipoweka jiwe la pembeni. ilikuwa kabla hata sijaoa Nami daima nilitaka kuo mahali palipo katika utaratibu halisi katika ninii ya Mungu ... Mungu apate kuabudu, unaona, pamoja na watu Wake. Nasi tunaweza tu kufanya jambo hilo, si kwa jengo zuri, bali kwa maisha yaliyowekwa wakfu ndiyo njia pekee tunayoweza kulifanya jambo hilo.

14 Na sasa kabla ya kuweka wakfu maombi ya kuweka wakfu-na tusome Maandiko machache kisha tuliweke kanisa wakfu kwa Mungu. Na halafu nina baadhi ... Nina ujumbe wa Kiinjilisti asubuhi ya leo kuweka utangulizi kwenye Ujumbe wangu unaokuja.

Na, usiku wa leo, ninataka kuchukua sura ya 5 ya Ufunuo, ambayo inaunganika pamoja, kutoka kwenye-kutoka katika zile nyakati saba za kanisa, kuingia katika ile Mihuri Saba. Ambayo nitaninii ... ndipo tutakuwa na nanii ...

Jumatatu usiku itakuwa ni yule mpanda farasi mweupe. Jumanne usiku ... Mpanda farasi mweusi, na kuendelea, wale wapanda farasi wanne. Na kisha Mhuri wa Sita ukifunguliwa,

Na halafu Jumapili asubuhi, Jumapili ijayo asubuhi, Bwana akipenda ... Tutaona baadaye, tutalitangaza baadaye. Labda Jumapili ijayo asubuhi, tutakuwa na mkutano wa maombi kwa ajili ya wagonjwa hapa kwenye jengo.

Na kisha Jumapili usiku, tumalizie na ... Bwana atusaidie kuufungua ule Mhuri wa

Saba, ambapo pana aya fupi tu. Nao unasema hivi, "Kulikuwa na kimya Mbinguni kwa muda wa nusu saa." Kwa kimya hicho.

15 Sasa, mimi sijui Mihuri hii inachomaanisha. Sijui kabisa habari zake, kama vile labda wengine wenu wasivyojua habari zake asubuhi ya leo. Tuna mawazo ya kidini ambayo yametolewa na mwanadamu, lakini hayo hayataugusa huo kamwe. Na kama mtaona, Huo hauna budi kuja kwa uvuvio. Haina budi kuwa ni Mungu, Mwenyewe, Ndiye pekee anayeweza kufanya jambo hilo, huyo Mwanakondoo.

Na usiku wa leo ni Kile Kitabu cha Ukombozi.

16 Sasa, katika jambo hili, sababu ya mimi kutotangaza mikutano ya maombi kwa ajili ya wagonjwa, ama chochote kile, ni kwa sababu ya kwamba mimi nina ninii ... ninakaa na baadhi ya marafiki, nami ninatoa kila dakika ya wakati wangu katika kusoma na kuomba. Nanyi mnajua ono lile nililokuwa nalo kabla tu ya kuondoka na kuelekea magharibi, la wale Malaika saba waliokuwa wakija wanaruka. Hivyo, mtafahamu baadaye kidogo.

17 Hivyo sasa, sasa, ndani ya jengo hili, ninafikiria ya kwamba itatupasa kuwa na ninii, katika jambo hili, kama limewekwa wakfu, au litawekwa wakfu mnamo dakika, chache kwa ajili ya kumuabudu Mungu, inatupasa kulidumisha jinsi hiyo. Haitupasi kamwe kununua ama kuuza ndani ya jengo hili. Haitupasi kufanya biashara yoyote katika jengo hili hapa la kukutania. Hayo yasifanyike kamwe hapa ndani, yaani, mambo kama kuwaruhusu wahudumu waje waingie na kuuza vitabu na kila kitu. Hata iwe ni nini, kuna sehemu nyingine za kufanyia mambo hayo. Kwamaana ha-hatupaswi kununua wala kuuza katika nyumba ya Bwana wetu. Panapaswa kuwa ni mahali pa-pa kuabudia; patakatifu, palipowekwa wakfu kwa kusudi hilo. Mnaona? Sasa, Yeye ametupa mahali pazuri. Hebu na tupaweke wakfu kwa ajili Yake, pia tujiweke wakfu sisi wenyewe, pamoja na mahali hapa, Kwake.

18 Na sasa jambo hili linaweza kidogo kuonekana kama ni kali, lakini, si mahali pa kutembea. Ni mahali pa kuabudia. Haitupasi hata kidogo kunong'onezana hata neno moja ndani hapa, nje ya kuabudu, mmoja kwa mwingine, labda iwe ni jambo muhimu kabisa kabisa. Mnaona? Hatupaswi kufanya shughuli zozote hapa. Hatupaswi kukimbia katika jengo hili, ama kuwaacha watoto wetu wakimbie humu jengoni. Na kwa hiyo tukifanya hivi, tulipojisikia si muda mrefu uliopita, kwamba tufanye jambo hili, tulipajenga kusudi tuweze kushughulikia mambo yote. Sasa, tunalo hili limewekwa hapa. Bila shaka watu wengi ni wageni. Watu wa maskani hii wanajua jambo hili, ya kwamba jengo hili litawekwa wakfu kwa ajili ya kumtumikia Mwenyenzi. Kwa hiyo, tunapojiweka wakfu sisi wenyewe, hebu na tukumbuke, tunapoiingia kwenye hema ile, tunyamaze, sisi kwa sisi, na kumwabudu Mungu.

19 Kama tunataka kutembeleana kuna mahali tunapoweza kufanya hivyo. Lakini, kamwe, kusiwe na kutembea-tembea, ambapo mtu huwezi kujisikia unawaza, na mtu anaingia ndani na hajui la kufanya, unaona, ni kelele nyingi sana na kadhalika. Ni jambo la kibinadamu tu, nami nimeliona makanisani hata limenifanya kujisikia vibaya sana. Kwa sababu, hatuji kwenye hema ya Bwana kukutana sisi kwa sisi. Tunakuja hapa ili kumwabudu Mungu, kisha tunakwenda majumbani kwetu. Madhabahu hii imewekwa wakfu kwa ajili ya ibada. Wakati ... Simameni huko nje, zungumzeni yote mtakayo, mradi tu ni mambo mazuri na matakatifu. Tembeleaneni manjumbani. Tembeleaneni ninyi kwa ninyi kwenye sehemu mbalimbali. Lakini mnapoiingia kwenye mlango ule, nyamazeni.

Unakuja hapa kuzungumza Naye, unaona, nawe mwache Yeye akujibu. Shida yenyewe ni kwamba, tunazungumza kupita kiasi, na hatusikilizi vya kutosha. Halafu, tunapoiingia ndani hapa, na tumngojee Yeye.

20 Sasa katika ile maskani ya zamani, huenda kusiwe na hata mtu mmoja aliyepo asubuhi ya leo ambaye alikuwako katika ile siku ya kuweka wakfu, wakati Jemadari Ulrich alipopiga muziki. Nami nilisimama nyuma ya misalaba mitatu hapa, kupaweka mahali hapa wakfu. Singemruhusu mtu yeyote ... Mabawabu walisimama mlangoni, kuona ya kwamba hakuna mtu anayezungumza. Wakati, ulipokwisha kuzungumza huko nje. Uliingia ndani. Kama ungetaka, kimya kimya, ungekuja madhabahuni na kuomba kimya kimya. Ungerudi kwenye kiti chako, ukafungua Biblia. Alilofanya jirani yako, hilo lilikuwa ni shauri lake. Hukuwa na jambo la kusema. Ukitaka kuzungumza naye, unasema, "Nitaonana naye huko nje. Niko hapa ndani kumwabudu Bwana." Ulisoma

Neno Lake, ama ukaketi kwa utulivu.

21 Halafu, basi, muziki. Dada Gertie, sijui kama yuko hapa asubuhi ya leo, ama hayuko, Dada Gibbs. lile piano la zamani, ninaamini, anaketi nyuma hapa pembeni, sana sana ninavyoweza kukumbuka. Naye angepiga kwa utulivu, "Pale msalabani alipokufa Mwokozi wangu," muziki fulani mzuri, mwororo sana na-na, halafu, mpaka wakati wa ibada ulipowadia. Naye kiongozi wa nyimbo akasimama na kuongoza nyimbo chache za kusanyiko. Halafu kama walikuwa a nyimbo nzuri sana za kuimba mtu mmoja-mmoja waliziimba. Lakini, kwa hali yoyote isiwe kupigapiga makelele tu. Halafu basi muziki uliendelea kupigwa. Nami nilipousikia, nilijua ilikua ni wakati wangu wa kutoka umewadia.

Wakati mhudumu anapoingia katika kusanyiko la watu wanaoomba, na ule upako wa Roho, hamna budi kusikia kutoka Mbinguni. Ni hayo tu. Hakuna njia ya kuzuia jambo hilo. Lakini kama ukiingia penye mchafuko, ndipo una-unanani ... ume-umechanganyikiwa sana na Roho amehuzunishwa; nasi hatutaki jambo hilo, la. Tunataka kuja hapa kuabudu. Tuna nyumba nzuri sana, jambo ambalo nitalizungumzia, hivi punde na kadhalika; huko majumbani ambapo tunawatembelea marafiki zetu na kuwapelekea huko. Hii ni nyumba ya Bwana.

22 Sasa, kuna watoto wadogo, sasa, watoto wachanga. Sasa wao hawana wanachojua. Wao, njia pekee wanayoweza kupata wanachokitaka, ni kukililia. Na wakati mwingine ni maji ya kunywa, na wakati mwingine wanataka kushughulikiwa, Na kwa hiyo, kwa neema ya Mungu, tumeweka chumba kimoja wakfu ... Kiliitwa, kwenye orodha, "chumba cha kulialia," lakini kiko moja kwa moja mbele yangu. Ni kama kwa maneno mengine, mahali ambapo akinamama wanaweza kuwapeleka watoto wao.

Sasa, siyo akina ndugu, labda, mimi hapa mimbarani. Huenda hata sitakuwa na habari juu ya jambo hilo, kwa kuwa nina upako. Lakini kuna watu wengine wanaoketi karibu linawasumbua, unaona, nao wanakuja hapa kusikiliza ibada. Kwa hiyo akina mama ni ... Watoto wenu wachanga wanaanza kulialia; huwezi kuzuia jambo hilo. Mbona, hakika, ninii...Unapaswa, unapaswa kumleta. Mama halisi anapenda kumpeleka mtoto wake mchanga kanisani, na hivyo ndivyo ungepaswa kufanya.

Nasi tuna chumba kule ambapo unaweza kuona kila kona ya jengo, chumba kizima cha mkutano; na spika iko kule ambapo unaweza kurekebisha ukubwa wa sauti vyo vyote vile utakavyo ; pamoja-pamoja msala mdogo kule mwisho, na bakuli la maji, na kila kitu kwa manufaa halisi ya mama. Pamoja na viti na vitu vinginevyo, unaweza kuketi mahali pa kumbadilishia mtoto wako mchanga, kama atahitaji kubadilishiwa, na kila kitu kipo hapo. Kila kitu kimeandaliwa.

23 Na halafu, mara nyingi watoto matineja na wakati mwingine watu wazima wataninii ... Mwajua, vijana, watapitishiana vikaratasi, ama kumuudhi mtu, ama kitu fulani, kanisani. Sasa ninyi ni watu wazima vya kutosha kujua jambo lililojema. Mnaona? Unapaswa kujua jambo lililo jema. Unaona? Hupaswi kuja hapa ... Kama unatarajia kuwa mtu wa maana kweli kweli siku moja na ukalee jamaa fulani kwa ajili ya Ufalme wa Mungu, basi anza tangu mwanzo, unaona, na-na utende mambo yanayofaa na kufanya mambo yanayofaa, na sasa, hiyo ni kweli.

Sasa, mabawabu wanasimama pembeni ya majengo, na kadhalika. Na kama kuna upuzi wo wote, wao-wao wamechaguliwa, kama wajibu wao, na wadhamini wanaketi hapa mbele, ili kwamba kama mtu fulani anaanza kukosa adabu, wameagizwa kumwambia mtu huyo anyamaze.

24 Halafu, kama hawastahili heshima hiyo, ni afadhali kwamba mtu mwingine angekalia kiti hicho, kwa maana kuna mtu anayetaka kusikia. Kuna mtu anakuja kwa kusudi hilo, kusikiliza. Na hilo ndilo limetuleta hapa, ni kusikia Neno la Bwana. Na kwa hiyo kila mtu anataka kulisikia, na wanataka wawe kimya iwezekanavyo. Kimya tu kama wawezavyo kuwa; hiyo ni kusema, si kuzungumza tu na kupiga makelele.

Bila shaka, mtu fulani anayemwabudu Mungu, hilo ndilo linatazamiwa. Hivyo ndivyo ingepaswa kuwa. Hilo ndilo lililokuleta hapa, ni kumwabudu Bwana. Ukijisikia tu kama kumsifu Mungu, ama kupaza sauti, endelea tu, unaona, kwa maana hilo ndilo lilokuleta hapa, unaona, lakini, ni kumwabudu Bwana kwa njia yako mwenyewe ya kuabudu. Lakini hakuna mtu anayemwabudu Mungu wakati mtu unazungumza na kupitishiana vijikaratasi, na unamsaidia mtu fulani mwingine atoke kwenye kumwabudu Bwana, mnaona, kwa maana hiyo tunaona ya kwamba jambo hilo halingekua sawa. Na tunataka

kufanya uwamuzi huo kanisani mwetu, ya kwamba katika kusanyiko letu, ya kwamba, kwenye jengo hili, kanisa hili litawekwa wakfu kwa ajili ya Ufalme wa Mungu na kwa ajili ya kuhubiriwa kwa Neno. Ombeni! Abuduni! Hiyo ndiyo sababu inawapasa kuja hapa, kuabudu, basi.

25 Halafu jambo lingine, wakati wa ibada imemalizika, kwa kawaida watu makanisani ... Sidhani-sidhani hilo liko hapa, maana ...Mara nyingi nimesafiri, mnaona, maana mimi huondoka.

Kwa kawaida hata katika kuhubiri ibada nyingine, upako unakuja, na maono yanatokea. Nami nimeishiwa na nguvu kabisa, na nina ondoka kwenda kwenye chumba kile. Na labda Billy, ama baadhi ya hao watu pale, wananipeleka nyumbani, na kuniacha nipumzike muda kidogo, mpaka nitokapo katika hilo, kwa maana inachosha akili sana.

Na halafu nimeona makanisa, hata hivyo, ambapo watoto wanaachiwa kukimbia kila mahali madhabahuni, na-na watu wazima wamesimama na kuitana tokea upande wa pili wa chumba, wao kwa wao. Hiyo ni njia nzuri ya kua ibada inayokuja usiku huo, ama wakati wowote ule uwao. Unaona?

26 Mara ibada inapokwisha, ondokeni kwenye ukumbi wa kukutania. Ndipo mmemaliza ibada. Basi tokeni nje mkazungumze, na lolote mnalotaka kufanya. Kama mtu fulani una jambo lolote unalotaka kuzungumza na mtu fulani, ku-kuwaona, vema, fuatana nao, ama nyumbani kwao, ama chochote kile, lakini usifanye jambo hilo kwenye ukumbi wa kukutania. Hebu na tupaweke hapa wakfu kwa Mungu. Mnaona? Hapa ni mahali Pake pa kukutania, mahali ambapo tunakutana Naye. Mnaona? Na Sheria hutokea kwenye madhabahu, bila shaka. Nami ni-ninaamini ya kwamba jambo hilo lingempendeza Baba yetu wa Mbinguni.

27 Na basi wakati mnapokuja, na mnaanza kuona ya kwamba karama zinaanza kushuka miongoni mwenu ... Sasa, kwa kawaida ni ...

Ninatumaini hilo halitatukia hapa; lakini, watu wanapopata kanisa jipya, muda si muda unajua, kusanyiko linajivuna. Hutaki jambo hilo litukie hata kidogo. Hata hivyo hapa ni mahali pa kuabudia. Hii ni nyumba ya Bwana. Na kama karama za kiroho zinaanza kuja kati yenu...

Ninasikia, ya kwamba tangu nilipoondoka, kwamba watu wamehamia hapa kutoka sehemu mbalimbali nchini, kuifanya hii kuwa maskani yao. Ninashukuru, ninamshukuru Mungu, ya kwamba, ninaamini ya kwamba...

Asubuhi ile wakati nilipoliweka wakfu na kuliweka lile jiwe la pembeni pale, kama kijana mwanamume, niliomba lidumu lipate kuona kule Kuja kwa Yesu Kristo. Na ninapofanya hivyo, nikiwa nina deni la maelfu ya dola, nao ... Ungeweza kuchukua sadaka katika kusanyiko la ukubwa huu na kupata senti thelathini ama arobaini, na malipo yetu yalikua kama dola mia moja na hamsini, mia mbili kwa mwezi. Ningelimudu jambo hilo namna gani? Nami nilijua ya kwamba nilikua ninafanya kazi, nami ningelilipa lote. Mimi ... Miaka kumi na saba ya kazi ya uchungaji bila kuchukua senti moja, bali nikitoa kila kitu nilichokuwa nacho, mimi mwenyewe, nje ya riziki yangu; na zote hizo ziliwekwa kwenye kijisanduku kidogo kule nyuma, kwa Ufalme wa Mungu.

Na watu wakatabiri na kubashiri ya kwamba katika muda wa mwaka mmoja lingekuwa gereji.

28 Shetani alijaribu kutunyang'anya hilo wakati mmoja kwa kesi, kesi ya mahakamani. Mtu fulani alidai aliumia mguu alipokuwa akifanya kazi hapo, halafu akaacha kazi, na halafu ... na akashtaki na akataka kuichukua maskani. Nami kwa majuma kadhaa nilisimama mahakamani. Lakini ijapokuwa kulikuwa na kutoelewana kote huko na ubashiri mwingi, na yale waliyosema, linasimama leo kama mojawapo ya majumba ya mikutano yaliyo mazuri sana na mojawapo ya makanisa yaliyo mazuri sana yaliyoko Marekani. Hilo ni sahihi.

29 Kutoka hapa limetoka Neno la Mungu aliye hai, likaenda kila mahali ulimwenguni, unaona, kila mahali ulimwenguni; na daima limezunguka dunia nzima, kwa kila taifa chini ya Mbingu kadiri tujuavyo sisi, kuzunguka na kuzunguka dunia. Na tushushukuru kwa ajili ya jambo hili. Na tuwe na shukrani kwa ajili ya jambo hili.

Na sasa kwa kuwa tuna mahali pa kukaa, dari chini ya vichwa vyetu, kanisa zuri safi la kukaa ndani, hebu na tujiweke wakfu upya kwa ajili ya kazi, na tujiweke wakfu

kwa Kristo.

30 Na ndugu Neville ndugu yetu mzuri sana, mchungaji halisi, mtumishi wa Mungu aliye hai. Kadiri mtu huyo anavyojua Ujumbe, anaushikilia, kwa yote aliyo nayo. Hiyo ni kweli. Yeye ni mtu mnyenyekuvu. Yeye anogopa kuninii... Ama, si kuogopa; simaanishi jambo hilo. Lakini yeye ni ninii sana, ni mpole sana, hata haneni kitu, mwajua, kama vile ku-kusema jambo lililo kali na la kuumiza, ama, "keti chini" ama, "nyamaza!" ninimeona jambo hilo, na kusikiliza kanda zake.

Lakini inakuwa kwamba mimi ninaweza kufanya hivyo. Hivyo mimimimi ... Nami na-nawatakeni mkumbuke maneno yangu, mnaona. Na haya yote yanarekodiwa, mnaona. Kila kitu kinarekodiwa. Na, tafadhalini, kila shemasi na asimame kwenye wajibu wake wa kazi, na kumbuka ya kwamba uko chini ya agizo la Mungu, kushikilia wajibu huo mtakatifu. Unaona? Kila mdhamini, vivyo hivyo. Mchungaji anapaswa kuleta...

31 Si wajibu wa mchungaji kupaswa kusema jambo hilo. Ni wadhamini ... ama ninamaanisha mashemasi, kwa maana wao ndio mapolisi wa kanisa. Yaani, kama vijana waliofunga ndoa huko nje wanakuja na kupiga honi, na mwajua, jinsi wanavyofanya hivyo kwa kawaida, ama kitu kama hicho, mikutanoni, ama wanapotoka huko nje. Na mama anamtuma msichana wake huku, naye anaondoka aende zake na kijana fulani mhuni, nao wanatoka kwenda kutembea na gari, na mama yake anafikiri yuko kanisani, namna hiyo. Shemasi anapaswa kuangalia jambo hilo "Aidha utaingia ndani hapa na uketi, la sivyo nitakuchukua kwenye gari langu na kukupeleka nyumbani kwa mama yako." Mnaona? Ninyi, hamna budi kufanya jambo hilo.

32 Kumbukeni, upendo husahihisha, unaona, daima. Upendo halisi husahihisha, kwa hiyo hamna budi kustahimili masahihisho . Na, enyi akina mama, jueni sasa ya kwamba kuna mahali kule kwa ajili ya watoto wenu wachanga. Ninyi vijana wadogo mnajua isivyopaswa kukimbiakimbia kote kote ndani ya jengo. Mnaona? Na ninyi watu wazima mnajua isivyopaswa kuzungumza na kuendelea na mazungumzo yenu ndani ya mahali pa kukusanyikia. Mnaona? Msifanye jambo hilo. Ni makosa. Halimpendezi Mungu.

Yesu alisema "imeandikwa, nyumba Yangu itakuwa nyumba ya ibada, maombi. Jinsi ilivyoitwa nyumba ya maombi na mataifa yote!" Nao walikua wakinunua na kuuza, Naye akasokota kamba na kufukuza hao watu watoke hapo mahali pa kukutania. Na bila shaka sisi hatutaki jambo hilo litukie kwenye madhabahu hii hapa. Kwa hiyo hebu tuyaweke maisha yetu wakfu, kanisa letu, kazi zetu, utumishi wetu, na kila kitu tulicho nacho, kwa Ufalme wa Mungu.

33 Sasa, sasa nataka kusoma Maandiko fulani kabla ya maombi ya kuweka wakfu. Na-na, halafu, ni kuweka wakfu tena tu, kwa maana kuweka wakfu halisi kulifanywa miaka thelathini iliyopita. Sasa katika ... Halafu, basi tunapo-tunaposoma Maandiko haya na kuzungumzia kwa dakika chache nina matumaini ya kwamba Mungu atatuletea baraka Zake. 55 Na sasa kulikua na jambo lingine nililokuwa ninataka kusema. Naam. Pale mahali tulipozoea kuwa tuna vinaso sauti, na kadhalika, tuna chumba chenye utaratibu hapo, ambamo wale wanaotaka kunasa sauti. Kuna sehemu maalum za kuchomekea, na kila kitu humo, kinachotoka moja kwa moja kutoka kwenye kipaza sauti kikubwa, mle ndani. Kuna vyumba, mavazi kila kitu kwaajili ya ibada ya ubatizo.

34 Na halafu tena jambo moja, watu wengi daima wamenikasirikia, watu wengi ambao kweli hawakujua Maandiko, kuhusu kuweka msalaba wenye sanamu ya Yesu kanisani. Ninakumbuka jambo fulani lilitukia hapa juu ya jambo hilo. Nilikuwa na misalaba mitatu, na ndugu mmoja alishtuka sana kwa sababu alisikia dhehebu lingine likisema kwamba msalaba wenye sanamu ya Yesu ulimaanisha Katoliki.

Ninataka mtaalamu fulani, ama mtu fulani, ama Mkristo fulani aliyezaliwa mara ya pili kusema ya kwamba Wakatoliki ndio waliyo na haki ya kuwa na msalaba wenye ile sanamu. Msalaba wenye sanamu ya Kristo hauwakilishi Ukatoliki. Huo unamwakilisha Mungu, ule Ufalme. Sasa, watakatifu wanawakilisha Ukatoliki. Tunaamini kuna "Mpatanishi mmoja kati ya Mungu na mwanadamu, na huyo ni Kristo." Lakini wakatoliki wanaamini katika kila namna ya wapatanishi, maelfu ya wanawake na wanaume, na kila kitu; Mkatoliki yeyote mzuri, karibu, kila mmoja aliyekufa, huwa mpatanishi. Sasa, msalaba wenye sanamu ya Kristo unamwakilisha Yesu Kristo.

35 Je ulijua ya kwamba Wakristo wa mwanzoni kulingana na-na historia ya kale ya kanisa la mwanzoni, walivaa misalaba migongoni mwao, po pote walipokwenda, kuonyesha na kujitambulisha kama Wakristo? Sasa, Wakatoliki wanadai ya kwamba hao

walikuwa ndio wao. Bila shaka, wanadai walikuwa ndio wa kwaza, lakini kanisa Katoliki hata halikua limefanyika madhehebu wakati huo. Mnaona? Lakini Wakristo walivaa msalaba kwenye ... Mmewasikia watu wakisema, "msalaba mgongoni." Mnalichukulia hilo kuwa ni Katoliki?

Ni yule Mkatoliki halisi, lile Kanisa la Roho Mtakatifu la mahali pote ulimwenguni, ndilo lililo sahihi. Sisi ni Wakatoliki. Sisi ndio wale wakatoliki wa mwanzoni, wakatoliki wanaoamini Biblia. Unaona? Wao ndio kanisa, Katoliki, dhehebu. Sisi tumetoka kwenye jambo hilo. Sisi ndio mfululizo wa Mafundisho ya mitume. Sisi ndio mfululizo wa ubatizo wa Roho Mtakatifu na mambo yote yale ambayo Kanisa la mwanzoni lilitetea, na kanisa Katoliki halina hata moja ya mambo hayo. Unaona?

36 Kwa hiyo, wao waliweka msalaba wenye sanamu ya Yesu hapa, ulioletwa, uliokatwa kutoka kwenye mti wa mzeituni chini ya mahali ambapo Yesu aliombea. Huo ndio msalaba wenye sanamu ya Yesu uliochukua miaka kadhaa, na niliupewa na Ndugu Arganbright. Nami nataka kuuweka wakfu pamoja na kanisa hili.

Na ninashukuru iliyoje, jambo hilo, yeyote yule aliyetundika pale. Sijui alikua ni nani, aliyeuning'iniza hapa kwenye-kwenye mkono wangu wa kushoto. Yeye alimsamehe yule mwizi aliye kuwa mkono Wake wa kuume; huyo ni mimi.

Na jambo lingine unaloliwakilisha, kama ambavyo kichwa Chake kimeinamishwa, unapoona mateso Yake. Watu wowote ambao ana nanii ... Anaangalia madhabahuni. Naye anakutarajia wewe hapa, ewe mwenye dhambi, naye atakuangalia wewe hapo chini. Baadaye wataweka taa ndogo hapa, ili kwamba wakati wito wa madhabahuni unapofanywa, nuru itamulika hapo, ili kwamba wakati watu wako hapa kwa ajili ya...

37 Unasema, "Unauhitaji huo kwa ajili gani? Hupaswi kuwa na sanamu."

Vema, basi, Mungu yule yule aliyesema, "Usijifanyie sanamu zozote za kuchonga," Mungu huyo huyo alisema, "Fanya makerubi wawili na ncha za mbawa zao zishikane, ukawaweke kwenye kiti cha rehema pale watu wanapoomba."

Unaona, ni-ni, kutofahamu. Unaona?

Kwa hiyo, huo ni uongozi wa Mungu nao unaning'inia moja kwa moja mahali pake panapofaa. Nami ninashuru sana kwa upande wa kuume. Ninatumaini ya kwamba Yeye amenisamehe, kwa kuwa mimi, kuhusu kweli kuiba kitu chochote, nijuavyo mimi, sijaiba maishani mwangu; lakini nimetumia sana vibaya wakati Wake hata nikaiba namna hiyo. Na nimefanya mambo mengi ambayo sikupaswa kuyafanya. Nami ninamshukuru Mungu, asubuhi ya leo, ya kwamba amenisamehe dhambi zangu.

38 Na sasa ninataka kusoma katika Kitabu cha Mambo ya Nyakati wa Kwanza 17, na kuzungumza tu yapata dakika tano juu ya ibada ya kuweka wakfu, tuombe, kisha tuingie kwenye Ujumbe. Sasa, katika Mambo ya Nyakati wa Kwanza, su-sura ya 17.

Ikawa Daudi alipokuwa akikaa nyumbani mwake, kwamba Daudi akamwambia nabii Nathani, Angalia mimi ninakaa katika nyumba ya mwerezi bali sanduku la agano la Bwana linakaa chini ya mapazia.

Naye Nathani akamwambia Daudi, Haya zanya yote yaliyomo moyoni mwako; kwa maana Mungu yu pamoja nawe.

Ikawa usiku uo huo, ya kwamba neno la BWANA likamjia Nathani, kusema,

Nenda, kamwambie Daudi mtumishi Wangu ... Nenda, kamwambie, mtumishi Wangu, Daudi, (hasa), BWANA asema hivi, Wewe hutanjengea nyumba ya kukaa:;

Kwa maana sikukaa ndani ya nyumba tangu siku ile nilipowaleta Isriaeli hukun hata leo; lakini hema kwa hema nimehamia, na maskani kwa maskani.

Basi katika mahali mwote nilimwokwenda na Israeli wote, je! Nimesema neno lolote na mtu yeyote wa waamuzi wa Isreli, niliowaagiza kuwalisha watu Wangu, nikisema, Mbona hamkunijengea nyumba...?

Basi sasa ndivyo utakavyomwambia...Daudi, BWANA wa majeshi asema hivi, Nalikutwaa katika zizi la kondoo, katika kuwaandama kondoo, ili uwe mkuu juu ya watu Wangu Israeli;

Nami nimekuwa pamoja nawe kila ulikokwenda, na kuwakatilia mbali adui zako wote mbele yako; nami nimekuzanyia jina kama jina la...hao wakuu walioko duniani.

39 Ngingependa kusema, mahali hapa, ya kwamba-ya kwamba Daudi aliona jambo lile tuliloona. Daudi alisema, "Si vizuri kwamba ninyi watu mmenijengea mimi nyumba ya mwerezi na sanduku la agano la Mungu wangu lingali chini ya mapazia." Hizo zilikuwa ni ngozi zilizoshonwa pamoja, za kondoo na wanyama. Akasema, "Si vizuri kwangu kuwa na nyumba nzuri, na sanduku la agano la Mungu wangu likiwa linakaa katika hema." Kwa hiyo, Mungu akaweka ndani ya moyo wake kujenga maskani.

Lakini, Daudi, ingawa alikuwa m-tu wa-wa upendo na wa kujitolea kwa Mungu, hata hivyo alikuwa amemwaga damu nyingi sana. Kwa hiyo akasema...Daudi, akisema haya mbele ya nabii wa wakati huo, ambaye alikuwa ni Nathani. Naye Nathani, akijua ya kwamba Mungu alimpenda Daudi, akasema, " Daudi, fanya yote yaliyomo moyoni mwako, kwa kuwa Mungu yu pamoja nawe." Ni maneno ya ajabu jinsi gani! "Fanya yote yaliyomo moyoni mwako, kwa maana Mungu yu pamoja nawe." Na usiku uo huo...ikionyesha kujiweka wakfu kwa Daudi kwa kumpendeza Mungu.

40 Na halafu kuona, usiku uo huo, akijua ya kwamba alikuwa makosani, ya kwamba hakuruhusiwa kufanya jambo hilo, Mungu alikuwa mwingi wa neema vya kutosha kushuka na kunena na Nathani. Nami daima nimeyapenda maneno haya, "Nenda ukamwambie Nathani nanii Wangu...Nenda ukamwambie Daudi mtumishi Wangu, ya kwamba, nalikutwaa katika zizi la kondoo." Ni kwamba yeye hakuwa chochote.

Nami ni-ningetaka kulitumia jambo hilo hapa, kwa muda kidogo tu. "Nalikutwaa ukiwa huu chochote, nami ni-ni nikakupa jina. Una jina kama la watu wakuu walioko duniani." Nami ningekutaka utumie jina hilo katika-katika njia ya kibinafsi, walakini katika n-njia ya kusema jambo fulani. Nilikuwa nikifikiri ya kwamba...

Miaka michache iliyopita, mimi nikiwa nimesimama mjini hapa, wala hakuna mtu aliyenijali. Hakuna mtu aliyenipenda. Nami niliwapenda watu, lakini hakuna mtu aliyenipenda, kwa sababu ya historia ya jamaa yangu. Si kuwadharau mama na baba yangu wapendwa.

Jinsi ninavyotamani kwamba mama angaliishi hata afikie wakati atembeke katika madhabahu hii, asubuhi hii. Wengi wa watu wa zamani waliotoa fedha zao kusaidia kupajenga mahali hapa, labda Mungu, asubuhi hii, atawaruhusu kuangalia upande wa pili wa safu ya pazia.

41 Lakini ukoo wa Branham haukuwa na jina zuri sana mahali hapa, kwa sababu ya ulevi. Hakuna mtu aliyejijhusisha nami. Nami ninakumbuka kumwambia mke wangu si muda mrefu uliopita, kumbuka tu ya kwamba si-sikuweza kumpata mtu wa kuzungumza nami. Hakuna mtu aliyenijali. Na hivi sasa inabidi kujificha, kusudi nipate kupumzika kidogo.

Na sasa Bwana ametupa mahali hapa pazuri sana, na-na mambo haya makuu ambayo yeye amefanya. Naye amenipa mimi ninii...Mbali na-na jina baya, Yeye amenipa jina kama la baadhi ya watu wakuu. Naye amewakatalia mbali adui zangu popote nilipokwenda. Hakuna kitu kilichowahi kusimama mbele Yake, popote ulipokwenda. Lakini, na jinsi ninavyoshukuru kwa ajili ya jambo hilo.

42 Nami ningepataje kujua; nikiwa ni mtoto mdogo anayevaa matambaa juu hapa, umbali wa safu ya majumba mawili ama matatu ya mji kutoka hapa, hadi kwenye Shule ya Ingramville, wakati nilipokuwa ni kicheko cha shule, kwa kuvaa nguo zilizoraruka sana, na kujitelezeshwa kwenye kidimbwi kilichokauka? Nilipataje kujua ya kwamba kule chini ya kidimbwi hicho kulikuwa na mbegu ya yungiyungi ambalo lingeweza kuchanua namna hii? Na nilipataje kujua, ya kwamba, hakuna mtu wa kuongea nami, na hata hivyo Yeye angenipa ji-jina ambalo lingeheshimiwa miongoni mwa watu Wake?

43 Na, sasa, Daudi hakuruhusiwa kujenga lile hekalu. Hangeweza kufanya jambo hilo. Lakini Yeye alisema, "Nitainua katika mzao wako, naye atajenga hekalu hilo, na hekalu hilo litakuwa hekalu la milele. Na kwa mwanao, mwana wa Daudi, utakuwako ufalme wa milele; yeye atatawala." Sulemani, mwana wa Daudi kimwili, kutokana na nguvu zake kimwili, alimjengea Bwana nyumba, hekalu.

Lakini wakati Mzao wa kweli wa Daudi ulipokuja, Mwana wa Daudi, Yeye aliwaambia utakuja wakati ambapo hapatasalia jiwe juu ya jiwe, la hekalu hilo. Lakini alijaribu kuwaonyesha hekalu lingine.

44 Yohana, mfunuzi katika Kitabu cha Mafunuo, aliiona maskani hii. Ufunuo 21, yeye aliona, "Lile Hekalu jipya likija, likishuka chini kutoka Mbinguni, limepambwa kama

bibiarusi aliyekwisha kupambwa kwa ajili ya mumewe. Na Sauti kutoka katika lile Hekalu, ikasema, 'Tazama Maskani ya Mungu ni pamoja na wanadamu, naye Mungu atakuwa pamoja nao, nao watafuta machozi yote katika macho yao. Wala njaa haitakuwepo tena, wala huzuni tena, wala maumivu tena wala mauti; kwa kuwa mambo ya kwanza yamekwisha kupita.'

Basi Mwana halisi wa Daudi, kama tutakavyoona katika masomo haya yajayo kwenye juma hili, atakuja kwenye Hekalu Lake, Hekalu la Mungu, ile Maskani halisi ambayo Yeye ameondoka kwenda kuitengeneza sasa. Kwa kuwa Yeye alisema, katika Yohana 14, "Nyumbani mwa Baba Yangu mna makao mengi, nami nitakwenda..." Yeye alimaanisha nini kwa jambo hilo? Tayari limekwishaamriwa tangu zamani. Nami nitakwenda kuwatengenezea Mahali, kisha nitarudi, na kuwapokea Kwangu. Na, bila saka, tunajua hilo litakuwa katika Wakati ule mkuu ujao. Na yule Mzao wa kweli wa Daudi atatawala kwenye Kiti cha Enzi, ambaye ni Yesu Kristo naye pale atatawala juu ya Kanisa, kama Bibiarusi Wake, katika Nyumba hiyo pamoja Naye na juu ya yale makabila kumi na mawili ya israeli, katika milele yote.

45 Na maskani hizo ndogo ndogo; kama vile Daudi hangeweza kujenga Maskani ya kweli ya Mungu, kwa maana yeye hakuwa amejitayarisha kuijenga. Hakuna kitu yeye angeweza kufanya. Yeye alikuwa mwanadamu, na alimwaga damu. Ndivyo na ilivyo leo, kwetu sisi, hatujawa tayari kuijenga Maskani ya kweli ya Mungu. Kuna mmoja tu anayeweza kuijenga hiyo, na hivi sasa ndiyo inajengwa.

Lakini maskani hii ndogo, pamoja na lile hekalu ambalo Sulemani alimjengea Yeye, na pamoja na zile zingine, ni mahali pa muda tu pa kuabudia mpaka utakapowadia wakati ambapo Maskani ya kweli itakapojengwa duniani "Na haki itatawala kutoka mbingu hadi mbingu. Na hakutakuwako na huzuni tena." Hakutakuwako na mazishi yatakayohubiriwa katika Maskani hiyo. Hakutakuwako na harusi tena, kwa maana Harusi itakuwa ni Harusi moja kuu ya Milele. itakuwa ni wakati wa namna gani.

46 Lakini hebu na tukusudie moyoni mwetu, leo, ya kwamba kwa ukumbusho na kungojea kuja kwa Maskani hiyo, ya kwamba tutujifanani na Roho Wake, hivi kwamba tutaabudu katika mahali hapa kana kwamba tulikuwa katika Mahali pale pengine, tunapongojea Mahali pale paje.

Sasa na hebu tusimame kwa miguu yetu, wakati ninaposoma Maandiko Matakatifu.

Kisha nikaona mbingu mpya na nchi mpya; kwa maana mbingu za kwanza na nchi ya kwanza zimekwisha kupita ,wala hapana bahari tena.

Mimi Yohana nikakuona mji ule mtakatizu Yerusalem mpya, ukishuka kutoka mbinguni kwa Mungu amewekwa tayari, kama Bibi arusi aliyekwisha kupambwa kwa mumewe.

Nami nikasikia ninii...sauti kubwa kutoka mbinguni ikisema, Tazama, maskani ya Mungu ni pamoja na wanadamu naye atazanya maskani yake pamoja nao, nao watakuwa watu wake, Naye Mungu mwenyewe atakuwa pamoja nao, nao watakuwa watu wake. Na tuinamishe vichwa vyetu sasa

47 Baba yetu aliye Mbinguni, tunasimama kwa kicho. Tunasimama kwa heshima na kwa uchaji Mtakatifu. Nasi tunakuomba Bwana, ukubali zawadi yetu kwamba umetupa neema, fedha kutayarisha mahali pa kukuabudia. Hakuna kitu chochote, ama hakuna mahali ambapo tungeweza kutayarisha duniani, ambapo pangefaa kwa-kwa Roho wa Mungu kukaa. Lakini tunakutolea mahali hapa kama ishara ya upendo wetu na nia ya moyo wetu Kwako, Bwana. Nasi tunakushukuru kwa mambo yote uliyotufanyia.

Na, sasa, jengo na viwanja vyake viliwekwa wakfu muda mrefu uliopita kwa ajili ya ibada nasi tunamshukuru kwa ajili ya kumbukumbu ya yale yaliyotokea. Na sasa, Bwana Mungu, kama vile ono lilivyotokea, miaka mingi iliyopita, likionyesha jambo hili, ya kwamba niliona majengo ya kale ambamo watu waliishi wakati mmoja, na yalikuwa yamekarabatiwa na kufanywa mapya, nami nikatumwa nirudi kutoka ng'ambo ya mto.

48 Sasa, Bwana Mungu, Muumba wa mbingu na nchi, tunasimama kama watu wa zizi lako , tunasimama kama wa-wa-watu wa Ufalme Wako. Na pamoja na mimi mwenyewe, na mchungaji, na kanisa, watu hawa, tunaliweka wakfu jengo hili kwa ajili ya utumishi wa Mwenyenzi Mungu, katika jina la Yesu Kristo, Mwanawe kwa ajili ya utumishi wa Mungu na kwa uchaji na heshima ya Mungu. Na naomba injili imiminike kutoka mahali hapa kiasi kwamba itaufanya ulimwengu uje kutoka pande nne za dunia, kuona Utukufu

wa Mungu ukitoka kutoka kwake. Kama vile Wewe ulivyotenda huko nyuma, naomba wakati ujao uwe wenye nguvu mara nyingi zaidi.

49 Baba, sasa tunajiweka wakfu kwa ajili ya ibada, kwa Neno, kwa yote yaliyomo ndani yetu. Bwana, kusanyiko hili pamoja na watu wanajiweka wakfu asubuhi hii, wapate kusikia Neno. Nasi, kama wahudumu, tunajiweka wakfu, "Kwa ajili ya kulihubiri Neno; tukiwa tayari wakati ufaao, wakati usiotufaa; tukikaripia, tukikemea kwa uvumilivu wote." Kama ilivyoandikwa pale kwenye jiwe la pembeni, toka miaka thelathini iliyopita. Wewe ulisema. "Utakuja wakati watakapoyakataa Mafundisho yenye uzima, ila watajipatia waalimu makundi makundi, kwa kuwa wana masikio ya utafiti; nao watajiepusha wasisikie yaliyo Kweli, na wazigeukie hadithi za uongo."

50 Bwana, kama vile tulivyojaribu kuwaonyesha watu Neno, twaomba utujalie tuvuviwe na kutiwa nguvu kwa jitihada maradufu. Bwana, wakati sehemu maradufu ya Roho inapopagusa mahali hapa, twaomba ujalie Roho Mtakatifu...

Kama ilivyokuwa ile siku ya kuwekwa wakfu kwa lile hekalu, wakati Sulemani alipoomba; Roho Mtakatifu, katika mfano wa Nguzo ya Moto pamoja na Wingu, aliingia kupitia mlango wa mbele, akawazunguka wale Makerubi, akaenda pale Mahali Patakatifu na hapo akapatwaa mahali Pake pa mapumziko. Ee Mungu! Sulemani alisema, "Kama watu Wako wakiwa katika shida mahali popote, wakiangalia Mahali hapa Patakatifu na kuomba, basi sikia kutoka Mbinguni."

Bwana, jalia Roho Mtakatifu, asubuhi ya leo, aingie katika kila moyo, kila nafsi iliyowekwa wakfu iliyopo hapa ndani. Na Biblia inasema, ya kwamba, "Utukufu wa Mungu ulikuwa mwingi sana hata mpaka wahudumu hawakuweza kuhudumu, kwa ajili ya Utukufu wa Mungu."

51 Ee Bwana Mungu, Jalia irudie tena tunapojitwaa Kwako, pamoja na kanisa hili, katika kujiweka wakfu kwa ajili ya ibada. Na imeandikwa, "Ombeni, nanyi mtapokea."

Nasi tunajitoa pamoja na matoleo yetu ya kanisa hili, asubuhi hii, Kwako, kwa ajili ya ibada, kwa ajili ya Nuru za siku za mwisho, kwa ajili ya Nuru za wakati wa jioni; ili kwamba tupate kuleta faraja na imani kwa watu wanaongojea ambao wanangojea kule Kuja kwa Bwanaarushi, kumvalisha Bibiarushi injili ya Kristo, Bwana Yesu apate kumpokea. Tunaliweka hili wakfu, mimi mwenyewe, Ndugu Neville, na kusanyiko, kwa utumishi wa Mungu, katika Jina la Yesu Kristo. Amina.

Mnaweza kuketi.

52 Daudi alisema, "Nilifurahi waliponiambia, 'Na twende nyumbani kwa Bwana.'" Basi jalia daima iwe kwetu, kwamba, wakati jambo hilo linapotajwa, tutafurahi kukusanyika katika nyumba ya Bwana. [Kusanyiko linasema, "Amina."-Mh.] Amina.

53 Sasa, baada ya hiyo ibada ndogo ya kuweka wakfu, nina saa moja sasa.

Na, sasa, kumbukeni tu sasa tumejiweka wakfu kwa ajili ya kitu gani; kwa uchaji, utakatifu, utulivu mbele za Bwana, kuabudu mbele za Bwana. Na mwe wenye uchaji tu muwezavyo kuwa, katika nyumba ya Bwana. Na sasa, na wakati ibada inapofungwa, mara baada ya ibada kufungwa, tokeni humu jengoni. Mnaona? Na jambo hilo linampa mfagizi wakati wa kuingia hapa na kulisafisha kwa ajili ya wakati mwingine, na kulitayarisha. Ndipo hapatakuwa na machafuko katika nyumba ya Bwana.

54 Na ...?... Ninafikiri ninyi ... mahali hapa patasafishwa katika muda wa kama dakika kumi na tano baada ya ibada kufungwa. Hakikisheni mnashikamana. Peaneni mikono na kila mtu, na alikeni kila mtu arudi tena.

Na-na tunatarajia kupata, juma hilo lijalo sasa, moja ya ibada takatifu sana ambazo zimewahi kufanywa hapa hekaluni. Tunatazamia jambo hilo.

55 Sasa, mimi-mimi...sikung'amua hata kidogo jambo hilo mpaka jambo fulani ... mpaka usiku sana, majira ya usiku sana, mpaka usiku, katika maombi, nilianza kuona jambo fulani. Kwa hiyo nitatumaini huu utakuwa ni wakati mkuu, ambao ninaamini utakuwa mkuu, kama Bwana atatusaidia. Sasa, sasa niliposema, "wakati mkuu," sasa, nitazungumzia jambo fulani kuhusu jambo hilo, asubuhi hii. Mnajua, yale mwanadamu anayoita "makuu" wakati fulani siyo makuu. Lakini yale Mungu anayoita "makuu," mwanadamu huyaita upumbavu; na ni yale Mungu aliyoyaita "upumbavu," mwanadamu huyaita makubwa. Kwa hiyo hebu na tuliweke jambo hilo niani mwetu, tupime kila Neno.

56 Sasa, ibada ni ndefu. Zitakuwa ndefu, kwa sababu ni ibada ngumu, mafundisho

mengi, kujiweka wakfu. Nami ninaninii.

Mahali ambapo ninakaa, watu wanajaribu tuu, wanataka kunilisha kila kitu, lakini mimi....Kasema, " Vema umepoteza uzito mwingi mno, Ndugu Branham, kila kitu." Lakini daima nimekuwa katika utumishi. Sina budi kuondoka hapa Jumapili ijayo usiku, kwenda kwenye ibada nyingine, upesi sana, huko Meksiko. Kwa hiyo, ni jambo tu gumu. Kwa hiyo, ninajaribu tu kuacha kula sana, na-na ninajitayarisha.

Nami nina furaha, asubuhi ya leo, kumwona Ndugu Junior Jackson, na-na Ndugu Ruddell, na-na wahudumu mbalimbali, na kadhalika, hapa. Mungu awabariki nyote.

57 Sasa na-nataka ku-kuwazungumzia asubuhi ya leo, juu ya somo ambalo nimeliandika mihtasari michache hapa. Nami nataka kusoma kwanza kutoka katika Kitabu cha isaya, sura ya 53. Sasa, wakati mnapoifungua, ningetaka kutangaza tangazo moja, ama mawili.

Ya kwamba, usiku wa leo, ninataka kuzungumza juu ya kitabu hiki, kukiunganisha kati ya wakati wa mwisho wa kanisa na kule kufunguliwa kwa ile Mihuri. Sasa, pana pengo kubwa sana hapo.

Na, hapo nyuma nilipomaliza zile nyakati za kanisa, nilizungumza pia pale juu ya yale majuma sabini ya Daniel, mara baada yake, maana hayo yaliunganisha. Nami nikasema "Sasa, kama nikiwahi kuhubiri ile Mihuri Saba, itanibidi kumaliza haya majuma sabini ya Daniel, kusudi nipate kuingiza ile Mihuri." Nikiacha jambo moja wazi, na hilo lilikuwa ni sura ya 5, ya kile Kitabu kilichotiwa Mihuri Saba. Nasi tutakichukua hicho usiku wa leo.

58 Tunataka kujitahidi kuanza mapema usiku wa leo. Jinsi ambavyo mimi...Tayari umelitangaza jambo hilo, sivyo, kuanza mapema? [Ndugu Neville anasema, "Ndiyo."-Mh.] Vipi kuhusu, je, kila mtu anaweza kuwa hapa kwenye saa moja hivi? [Kusanyiko linasema "Amina."] Vema. Hebu na tuanze ibada ya kawaida saa kumi na mbili na nusu, ibada ya nyimbo, nami nitakuwa hapa kwenye saa moja. Na halafu katika juma lote zima tutaanza mapema. Na-nasi, sasa, tunakuja ..

Hakuna mtu anayependa kuimba kama vile Wakristo wanavyopenda kuimba. Tunapenda kuimba. Tunapenda mambo hayo.

Lakini sasa tuko-tuko kwenye jambo lingine sasa. Tuko-tuko kwenye Neno, unaona, kwa hiyo hebu-hebu tuendeleo moja kwa moja na jambo Hilo sasa.

59 Tutafanya hivyo.Tuko kwenye kufundisha. Nanyi mnaweza kujua jinsi nilivyo na uchovu mkuu wa akili, unaona, kwa sababu, kama nikifundisha jambo lolote la makosa, itabidi kuja kujibu kwa ajili ya jambo hilo. Mnaona? Na kwa hiyo sipaswi kuchukua lile analosema mtu mwingine yeyote. Sina budi...Halina budi kuvuviwa. Nami ninaamini ya kwamba wale Malaika Saba, ambao wanazishikilia hizi Ngurumo Saba watatujalia. Unaona?

60 Na sasa katika isaya, sura ya 53 ya isaya, aya ya 1, ama mbili. Ninataka kuuliza swali hili.

Sasa, hili halihusu ile Mihuri Saba, hata kidogo. Huu ni Ujumbe tu. Kwa kuwa, ilinibidi kufanya ibada ya kuweka wakfu, nami nisingeweza kuingilia Hilo kwa maana nisingekuwa na wakati. Lakini nilifikiria, kwa ajili tu ya ibada ndogo ya kuweka wakfu, ibada ndogo ya kumbukumbu kwa ajili ya kanisa hili, ama ibada ndogo ya kuweka wakfu, hasa, basi waowao....Kusingekuwa na wakati basi wa kuingilia jambo ninalotaka kusema, unaona, juu ya huku kufunguliwa kwa Kitabu hiki, kwa hiyo nitafanya hivyo usiku wa leo.

61 Na sasa hii ni ibada ndogo tu, ambayo, ita-itaingiliana moja kwa moja nayo, hata hivyo.

Kwa, hiyo sasa, sikiliza kila Neno. Likamate. Na-na iwapo mnaunasa huo kwenye kanda, ama chochote kile, basi shikilieni Mafundisho hayo ya kanda. Msiseme kitu ila kile kanda hiyo inachosema. Semeni tu yale hasa kanda inayosema. Mnaona? Sasa, kwa maana, baadhi ya mambo hayo, tutafahamu mengi ju ya jambo hili sasa, kwa nini linafahamika vibaya. Unaona? Nanyi mwe na hakika, semeni tu yale kanda inayosema. Msiseme jambo lingine lolote. Mnaona? Maana, sisemi jambo hilo kwa nafsi yangu mwenyewe. Yeye ndiye anayesema hilo, mnaona. Na mara nyingi sana, vurugu, watu wanainuka na kusema, "Vema, Fulani alisema ilimaanisha hivi na-hivi." Liache tu jinsi

lilivyo.

62 Unaona, hivyo ndivyo tunavyoitaka Biblia. Ni jinsi vile Biblia inavyosema tu, hivyo ndivyo jinsi tunavyotaka iwe, namna-namna Hiyo tu. Usiweke maelezo yako kwake. Tayari imefasiriwa, unaona. Sasa:

Ni nani aliyesadiki habari tuliyoileta? Na mkono wa BWANA amefunuliwa nani?

Hebu nipasome tena sasa, kwa makini.

Ni nani aliyesadiki habari tuliyoileta? (Swali!) na mkono wa BWANA amezunuliwa nani?

Kwa maneno mengine, "Kama umesadiki habari tuliyoileta, basi mkono wa Bwana umefunuliwa." Unaona?

Ni nani aliyesadiki habari tulitoileta? Na mkono wa BWANA amezunuliwa nani?

63 Sasa nataka kusoma pia Kitabu cha injili ya Mathayo Mtakatifu, sura ya 11 ya Mathayo Mtakatifu. Na, sasa, leteni makaratasi yenu na kadhalika, kwa sababu daima tutaninii...Kama huna kinasa sauti, le-lete ninii... karatasi yako ili kwamba tuweze kulichukua. Sura ya 11 ya Mathayo Mtakatifu aya ya 25 na 26, 11;26 na 27. Vema, Yesu akinena, katika maombi. Ninataka kuanza kidogo nyuma ya hapo. Hebu na tuchukue aya ya 25 na 26. Naamini hapo ndipo nilipotangaza, hata hivyo, kwa maana nilikuwa nimepatia alama hapa katika Biblia yangu.

Wakati ule Yesu akajibu, akasema, Nashukuru, Ee Baba, Bwana wa mbingu na nchi kwa kuwa mambo haya uliyazicha wenye hekima na akili, ukawazunulia watoto wachanga.

Naam, Baba: kwa kuwa ndivyo ilivyopendeza mbele zako.

64 Yashike Maandiko haya mawili "Ni nani aliyesadiki habari tuliyoileta? Na mkono wa Bwana amefunuliwa nani?" "Hata wakati huo Yesu akamshukuru Mungu ya kwamba alikuwa amezificha zile siri kwa wenye hekima na akili, na angewafunulia watoto wachanga ambao wangejifunza, kwani ndiyo iliyopendeza Mungu kufanya jambo hilo. Sasa, kutoka kwenye fungu hili la maneno, ama ninii...

Kutoka kwenye kusoma huku kwa Maandiko, ninatoa fungu hili la maneno: Mungu Akijizicha Katika Urahisi Halazu Akajizunua Kwa Jinsi Hiyo. Sasa, kwa ajili ya kanda ninarudia na kurudia namna hiyo, kwa ajili ya kanda, mnaona, maana wao-wao wanarekodi Haya. Mnaona? Mungu Akijizicha Katika Urahisi Halazu Akajizunua Kwa Jinsi Hiyo.

65 Ni ajabu kuwazia jinsi Mungu anavyofanya jambo kama hilo. Mungu atajificha katika kitu ambacho ni rahisi sana ambacho kitawafanya wenye hekima kukikosa maili milioni moja; kisha ageuke moja kwa moja, katika jambo hilo, jambo fulani rahisi katika urahisi wa njia Yake ya kutenda kazi, na kujifunua Mwenyewe moja kwa moja tena. Nilifikiri nilifanya so-somo, ili kwamba tujifunze jambo hili kabla hatujaingilia yale Ma-Ma-Masomo makuu ya ile Mihuri Saba. Wengi humkosa kwa njia anayojifunua Mwenyewe.

Sasa, watu wana mawazo yao wenyewe ya vile Mungu anavyopaswa kuwa na yale Mungu anayokwenda kufanya. Na kama vile nilivyotoa yale matamshi ya zamani mara nyingi, ya kwamba mwanadamu bado anabakia kuwa mwanadamu. Mwanadamu daima anamsifu Mungu kwa yale aliyofanya, na daima anatazamia yale atakayoyafanya, huku akipuza yale anayoyafanya sasa hivi. Unaona? Unaona?

66 Hivyo ndivyo wanavyolikosa. Wanaangalia nyuma na kuona ni jambo kuu jinsi gani alilofanya, lakini wanakosa kuona ni kitu rahisi jinsi gani alichotumia, kulifanya jambo hilo kwa kitu hicho. Unaona? Na halafu wanaangalia mbele na kuona jambo kubwa linalokuja, litakalotukia, na, mara tisa ya kumi, tayari linatendeka papo hapo walipo. Nalo ni rahisi mno hivi kwamba hawana habari nalo.

Unaona?

67 Siku moja, m-mtu fulani juu hapa huku Utica...Na kama baadhi ya watu wake wako hapa, sisemi jambo hili kwa ajili ya jambo lolote-kwa ajili ya jambo lolote la kumwaibisha mtu huyo. Alikuwa askari mzoefu wa Vita vya Ndani. Nami naamini

alikuwa....Sijui alikuwa ni wa upande gani, lakini naamini alikuwa ni mwasi. Lakini, ali-alikuwa ni kafiri, naye alidai kwamba hakukuwa na kitu kama Mungu . Aliishi huko Utica. Jina lake alikuwa ni Jim Dorsey. Wengi wenu ninyi watu huenda mlimjua.

Amenipa matikiti maji mengi, nilipokuwa jamaa mdogo, alikuwa akilima matikiti maji mtoni, kule-kule mabondeni. Naye alikuwa rafiki sana wa baba yangu. Lakini yeye alisema, siku moja, moja ya mambo makuu sana yaliyopata kusemwa kumhusu yeye mwenyewe, dhidi yake. Sasa, mimi nilikuwa ni mvulana mdogo tu siku hizo. Lakini, kinyume cha aliyoamini, jambo hilo lilimfanya aondoke na kuinamisha kichwa chake na kulia. Nami nalisikia kwamba, kwa jambo hili, mtu huyo aliokolewa kiajabu kwa Kristo akiwa na umri wa yapata miaka themanini na mitano.

68 Yeye alimuuliza msichana mmoja mdogo, siku moja, ambaye alikuwa anatoka shule ya Jumapili, kwa nini alipoteza wakati wake akifanya jambo kama hilo? Akasema, ni kwa sababu aliamini ya kwamba kulikuwako na Mungu. Naye Bw. Dorsey akasema ya kwamba, akasema, "Mtoto, umekosea, kuamini kitu kama hicho."

Naye akasema ya kwamba huyo msichana mdogo aliinama chini akachuma ua dogo kutoka... kutoka ardhini, akaling'oa kutoka kwenye petali zake, na kusema, "Bw Dorsey, unaweza kuniambia jinsi hili linavyoishi?"

Hivyo ndivyo ilikuwa. Wakati alipoanza kuwazia akilini mwake, angaliweza kumwambia yule mtoto. "Vema, linaota ardhini." Na hapo ndipo maswali yangezuka tena. "Hiyo ardhi ilitoka wapi? Hiyo mbegu ilifikaje hapa? Ilitokeaje?" Kuendelea na kuendelea, na kuendelea na kurudi nyuma mpaka akaona. Unaona?

Si yale mambo makuu yanayovutia macho kwa uzuri tunayowazia habari zake, bali ni mambo rahisi ambamo humo Mungu ni halisi sana, ule urahisi.

69 Kwa hiyo, inampendeza Mungu kujifunua Mwenyewe, na kisha ajifiche Mwenyewe; halafu anajificha Mwenyewe, na kujifunua Mwenyewe, katika mambo madogo, yaliyo rahisi. Hayo yana-yanaruka juu ya kichwa cha mwanadamu.

Kwa sababu, kama ungesema, "Kwa nini Mungu mwenye haki afanye jambo hilo?"

Ni kwa sababu kwamba binadamu alifanywa, hapo mwanzo, kutojaribu kujichunga yeye mwenyewe. Mwanadamu alifanywa apate kumtegemea Mungu kabisa kabisa. Hiyo ndiyo sababu tunafananishwa na wanakondoo, ama kondoo. Kondoo hawezi kujiongoza; hana budi kuwa na kiongozi. Naye Roho mtakatifu anapaswa kutuongoza. Kwa hiyo, mwanadamu ameumbwa namna hiyo.

70 Na Mungu alifanya kazi zake zote rahisi sana, ili watu wa kawaida wangeweza kufahamu. Na Mungu hujifanya rahisi, pamoja na walio rahisi, kusudi apate kufahamika na watu wa kawaida. Kwa maneno mengine Yeye alisema, katika isaya 35, ninaamini Yeye alisema "Ajapokuwa mjinga, hatapotea katika njia hiyo." Ni rahisi sana!

Na tunajua ya kwamba Mungu ni mkuu sana, mpaka tunatarajia iwe ni kitu fulani kikuu, nasi tunakosa jambo lililo rahisi. Tunajikwaa kwenye jambo rahisi. Hivyo ndivyo tunavyopitwa na Mungu, na nikwa kujikwaa kwenye urahisi. Mungu ni rahisi mno mpaka wanachuoni wa siku hizi, na wa siku zote, wanamkosa maili milioni moja. Kwa sababu, katika akili zao, wanajua ya kwamba hakuna kitu kama Yeye, aliye mkuu sana, lakini, katika kujifunua Kwake, hulifanya jambo hilo rahisi sana watu wanaliruka na kulikosa.

71 Sasa, jifunzeni jambo hilo. Jifunzeni hilo lote. Nanyi watu ambao ni wageni hapa, mtakaporudi kwenye vyumba vyenu vya hoteli, yachukueni mambo hayo na kuyatafakari. Hatuna wakati wa kuyavunja-vunja kama vile yanavyopaswa kuvunjwa-vunjwa, lakini nawatakeni mfanye hivyo mtakapofika kwenye loji, ama hoteli zenu, ama popote pale mnapokaa, ama nyumbani. Kusanyikeni na kujifunza jambo Hilo.

72 Wanamkosa kwa njia ambayo Yeye anajifunua; kwa kuwa yeye ni mkuu sana, hata hivyo, Yeye hujificha katika urahisi, apate kujijulisha kwa watu wa chini kabisa. Mnaona? Usijaribu kupata yaliyo makuu, kwa maana Yeye huyaruka hayo. Bali sikiliza urahisi wa Mungu, na ndipo unampata Mungu papa hapa katika njia rahisi.

Watu wenye akili nyingi, wenye hekima ya ulimwengu, walio na elimu, siku zote humkosa. Sasa, mimi siko hapa...Nami ninajua kuna waalimu wa shule, wawili ama watatu, ninaowajua walioketi hapa. Nami siko hapa kupinga shule na elimu, na kujaribu kuunga mkono kutokujua kusoma. Siko hapa kwa ajili ya jambo hilo. Lakini, vile ilivyo ni

kwamba, watu wameweka juhudi zao sana katika hilo mpaka wao wananinii, hata katika seminari na kadhalika, wanakosa jambo lenyewe hasa ambalo Mungu ameweka mbele zao.

Hiyo ndiyo sababu mimi siwapingi ndugu walio katika madhehebu, lakini ninapinga

73 mfumo wa madhehebu, kwa maana unajaribu kujitukuza wenyewe, na-na-na kuwaelimisha wahudumu wake sehemu fulani, hivi kwamba, endapo kama wao hawana elimu ya kutosha na kisomo, wanafukuzwa. Nao-nao hawana budi kupita mtihani wa kuchunguza mawazo, na kadhalika. Sijawahi kuwazia yalikuwa ni mapenzi ya Mungu kumhakiki mhudumu kwa elimu ya mawazo, bali kumhakiki kwa Neno. Unaona? i-i- ingekuwa ni njia ya Mungu ya kumpa jaribio mtu wake aliyemtuma, kuwa analo Neno.

"Hubiri Neno!" Sasa, siku hizi tunahubiri falsafa, tunahubiri kanuni ya imani na umadhehebu, na mambo mengi sana, na kuliacha Neno, kwa sababu wao wanasema haliwezi kufahamika. Linaweza kufahamika. Yeye aliahidi kufanya jambo hilo. Sasa tunamwomba afanye jambo hilo.

74 Sasa tutachukua watu wachache hapa kwa dakika chache.

Hebu na tuone katika siku za Nuhu. Siku ya Nuhu, Mungu alipoona hekima ya ulimwengu ikiwekewa sana mkazo na kuheshimiwa, Yeye alituma ujumbe rahisi kwa mtu wa kawaida, apate kuwaonyesha wao ukuu Wake.

Sasa, tunajua ya kwamba katika siku ya-ya-ya Nuhu, wanadai kwamba ustaarabu ulikuwa wa hali ya juu sana, wakati huo, hata hatujafikia kiwango hicho bado, katika ustaarabu wetu wa kisasa. Nami ninaamini ya kwamba hatimaye kitafikiwa, kwa sababu Bwana wetu alisema "Kama ilivyokuwa katika siku za Nuhu, ndivyo itakuwa katika kuja kwake Mwana adamu." Yeye alitoa mifano.

75 Nao walijenga piramidi ya sfiksi kule Misri, nao walijenga madubwana makubwa mno ambayo hatuna uwezo, leo, wa kuyajenga. Walikuwa na da-da-dawa ya kuhifadhi maiti hivi kwamba wangeweza kuuhiadhi mwili, kuufanya uonekane mzima kabisa hata unadumu mpaka leo. Sisi hatuwezi. Hatuwezi kutengeneza mwili wa maiti usioze. Hatuna vitu vya kutengeneza. Walikuwa na rangi ambazo-ambazo zinashika sana kwa miaka elfu nne ama elfu tano iliyopita, zingali zinabaki rangi za namna ile ile tu zilivyokuwa Unaona? Hatuna vitu kama hivyo leo.

76 Na mambo mengi ya ustaarabu huo yanaonyesha umaarufu wake juu ya ustaarabu wetu wa kisasa. Na kwa hiyo unaweza kuwazia jinsi elimu na sayansi, kuhusu amana kuu tulizoacha, kuonyesha ya kwamba kulikuwako na ustaarabu kama huo. Huo-huo ulikuwa ustaarabu mkuu iliyoje, vema, kumbukumbu hizi, jinsi ambavyo sayansi na-na ustaarabu wa kisasa na elimu vilikuwa-vilikuwa ni vya lazima kwa hao watu. "iliwabidi. ilipasa." ilikuwa ni vigumu kabisa, nadhani kumpata, yeyote asiyesoma kati yao, hata kidogo.

Na kwa hiyo, Mungu, akichunguza katika ule uchumi mkuu wa siku ile, katika taratibu zao, hawakuweza, labda, kumpata mtu anayefaa, mpaka alipompata mtu asiye na elimu, labda, mkulima jina lake Nuhu, mchungu kondoo. Naye akampa ujumbe Wake apate kuwahubiria watu, ambao ulikua mrahisi sana, kwa nanii yao-kwa elimu yao ya siku hiyo hata watu wakajikwaa katika urahisi wa ujumbe huo.

77 Na, hata hivyo huo ujumbe ulikuwa, mbele ya sayansi, "Wa kimapinduzi! Kungewezaje kuweco na mvua huko juu?" Unaona? Na ule Ujumbe rahisi wa-wa kujenga safina, kujenga kitu fulani cha kuingia humo, kwamba hakuna maji ya kuifanya iele. Mbona, yeye amekuwa ni mshupavu wa dini. Na akawa wa-wa-wawa...kile ambacho tungeita, kama mkiruhusu msemu wa siku hizi, "mtu wa kipekee."

Na karibu watu wote wa Mungu ni "watu wa kipekee," unaona. Wao ni watu wa kipekee. Nina furaha kuwa mmoja wao. Kwa hiyo, mnajua, wao-wao ni tofauti na-na mwelekeo wa sasa wa ustaarabu, kwa hiyo wanakuwa wa kipekee, wasio wa kawaida. Yeye alisema watu Wake walikuwa "watu wateule, wa kipekee wasio wa kawaida; lakini ukhani wa kiroho, taifa la kifalme, wanaomtotea Mungu dhabihu za kiroho, matunda ya midomo yao, wakilisifu jina lake." Ni watu wa-wa ajabu iliyoje! Yeye anao.

78 Na angalia, sasa, lazima hilo lingeweza kuwa jambo kuu iliyoje siku hiyo, kwa mshupavu fulani wa dini kuja kanisani; mshupavu wa dini, na kuhubiri injili ambayo ilionekana imeruka mstari, kwa jinsi wao walivyoamini. Na wanasayansi, "Mbona, ili- ilikuwa ni wenda wazimu kabisa." Jinsi wangeweza kuthibitisha kisayansi hakukuwako na

mvua kule!

Lakini huyu mchungaji wa kawaida wa kondoo aliamini, "Kama Mungu alisema itanyesha, itanyesha." Unaona?

Na kwa hiyo hebu linganisha jambo hilo na siku hizi, kuhusu mtu kuponywa. Wao husema, "Ni kuhamanikia moyo tu. Ninaweza kuthibitisha kisayansi ya kwamba hiyo kansa, ama dutu lake, ama-ama-ama kitu hicho kingalipo." Lakini kwa mwamini wa kawaida, imeondoka. Mnaona? Kwa sababu yeye haangalii hilo dutu, anaangalia ahadi, kama vile vile tu alivyofanya Nuhu.

79 Hivi hamwoni, "Kama livyokuwa katika siku za Nuhu ndivyo itakavyokuwa kuja kwake Mwana adamu"?

Kisayansi, hakuna mtu...Daktari angeweza kusema, "Angalia hapa, uvimbe wako ungalipo. Kansa yako ipo. Mkono wako ungali umelemaa kama ulivyopata kuwa. Wewe una kichaa."

Na, kumbuka, hiyo ndiyo roho ile ile tokea zile siku za Nuhu ambayo alisema, "Hakuna mvua huko juu. Tunaweza kuulenga mwezi kwa vyombo, wala hakuna mvua kule." Lakini Mungu alisema kutakuwako na mvua kule!

"Kwa maana imani ni kuwa na hakika ya mambo yatarajiwayo, ni bayana ya mambo yasiyoonekana." Nayo imani huchukua mahali pake pa mwisho pa kutulia juu ya Neno la Mungu. Hapo ndipo inapopata mahali pake pa kutulia. Mnaelewa? [kusanyiko, "Amina."-Mh.] Mahali pake pa kutulia ni kwenye Neno la Mungu.

80 Hapo ndipo Nuhu alipoiweka, "Ndivyo Mungu alivyosema." Hilo lilitosha. Sasa kama ukiangalia tena, wakati huo, sasa, Nuhu, katika kuamini jambo hilo, alikuwa mshupavu wa dini.

Na watu wa leo wanaoamini katika ubatizo wa Roho Mtakatifu. Sasa, kanisa linasema, "Watu hawa ni washupavu wa dini. Si chochote bali ni kundi la watu waliochelewa, wenye msimko, waliojaa woga mwingi." Lakini hawajui ya kwamba Neno la Mungu linafundisha jambo hilo. Ni ahadi.

81 Na, kwa Nuhu, haidhuru walisema mangapi, "Mzee huyu amerukwa na akili; ya kwamba alikuwa amekosea kulingana sayansi; na-na-na kimawazo, alikosea." Lakini, kwa Nuhu, lilikuwa ni Neno la Bwana, naye Nuhu alidumu nalo. Nao wenye hekima na akili wakajikwaa juu ya urahisi wake, na kupoteza maisha yao. Ni ke-ke-kemeo la jinsi gani sasa, lilivyo, kwa kizazi kile!

Watu wengi wanasema, "Laiti ningaliishi zama zile!" La, ungalichukua msimamo ule ule. Kwa sababu, leo, katika jambo lile lile likitendeka tena leo, ila tu katika mamna nyingine, wao wanajikwaa kwenye hilo leo kama tu walivyojikwaa wakati huo.

82 Hapana shaka, katika siku hizo, walikuwa na wahubiri wengi sana, lakini Nuhu alikuwa ametiwa upako na Mungu. Naye Nuhu angaliweza kuangalia huko nje na kuona yale yaliyokuwa yakikaribia kutukia, na kujua ya kwamba kizazi kizinifu na kiovu, kama hicho, ya kwamba Mungu asingeweza kukiacha kiendele. Kwa hiyo tunaweza kufanya nini, leo, ila kuona jambo lile lile! Sodoma na Gomora ya kisasa, unaona, watu waovu, wazinzi, waliosoma sana hivi kwamba wanajikwaa katika urahisi wa madhihirisho ya Mungu ya Utu Wake na Neno Lake, akionyesha Neno Lake.

83 Hakuna mtu duniani, Rosella, ambaye.. ama, na-na anayeweza kusema ya kwamba - ya kwamba hatuoni Neno lile lile la Mungu likidhihirishwa kati yetu. Ahadi ile ile ya siku za mwisho, Nuru zile zile za jioni zinazipaswa kuangaza, sisi ni watu waliotunukiwa kuona jambo hilo. Na, ambapo, ulimwengu uliosoma sana, limefichwa kwao. Yesu alimwambia Mungu, Baba alisema, "ilikupendeza kuwaficha. Hata hivyo, Baba, wewe umelificha." Waache na hekima yao...

Unaona, hekima ndiyo iliyofanya jambo lote kwanza kuingirika katika kinyaa cha dhambi, hapo mwanzo; kwa maana Hawa alikuwa akitafuta hekima wakati alipokutana na Shetani, naye Shetani akampa, unaona. Na hekima ni kinyume cha Neno. Hatutakiwi kuwa na hekima. Tunatakiwa kuamini yale yaliyokwisha kusemwa Hiyo. Unaona? Lakini, leo, wanachuoni wanaliwekea elimu hivi kwamba, na kuliweka kule, na kuliweka tafsiri yao wenyewe, kwake, wamefanya hivyo daima.

84 Wanafanya jambo lile lile leo; ni katika kipimio kile kile. Sasa, watu, lakini ninii ...

Ama, watu basi walilikosa, kama vile tu wanavyolikosa na kufanya hivyo leo. Jambo lile lile. Wanafanya jambo lile lile kwa kuwa, wao...Sababu ya wao kulikosa ni kwamba walikuwa wenye akili sana kuweza kuliadini. Unaona? Sasa, Ujumbe wenyewe ulikuwa ni rahisi sana, hivi kwamba watu waliokuwa ni werevu na walikuwa werevu mno kuadini urahisi wa huo ujumbe. Loo; jamani! Mungu aliufanya rahisi sana, katika Kweli, hivi kwamba watu werevu na wenye akili walishindwa kuuona, kwa maana ulikuwa ni rahisi sana. Naam, hilo ndilo linaloufanya ukuu wa Mungu kuwa mkuu hivyo; kwa sababu, Yeye akiwa mkuu kuliko wote, anaweza kujifanya rahisi.

85 Wanadamu leo, wakionyesha ya kwamba wao si wa Mungu, eti wao ni wakuu na wanajaribu kujifanya wakuu zaidi, na kujionyesha kwamba ni wakuu zaidi, na, "Askofu mkuu, Daktari Papa Mtakatifu," kila kitu, wakijifanya wao ni kitu fulani ambacho kwa kweli hawako hivyo. Naye Mungu, akiwa ni mkuu hivi, anajishusha kwa urahisi. Urahisi ni mkuu.

Tunaweza kutengeneza ndege aina ya jeti, tunaweza kurusha roketi kwenye...kwenye...ama kutupa ko-ko-kombora kwenye obiti. Nasi tunaweza kufanya mambo yote haya, hata hivyo, lakini hatuwezi kutengeneza jani hata moja. A-ha. Amina. Mnaonaje hilo? Lakini badala ya kujaribu kurudi na kuona ni kitu gani kitengenezacho jani hilo, na kumkubali Mungu Mwenyewe aliyeumba unyasi ile, tunajaribu kuunda kombora litakalofika kule haraka zaidi ya mwingine awezavyo kuunda lingine. Mnaona?

86 Sisi ni werevu sana na wenye akili nyingi, makanisani mwetu, hata tunaweza kujenga jengo la dola milioni moja, ama jengo la dola milioni kumi, lakini hata hivyo, na kujaribu kujenga moja lililo bora kuliko Wamethodisti ama Wabatisti wanajenga moja bora kuliko la Wapresbiteri, na Wapentekoste wameingia katika mashindano haya yasiyo na mwanzo wala mwisho. lakini jambo lenyewe ni kwamba, ni hili; sisi ni, hata hivyo sisi ni werevu sana na tumeshikilia njia zetu sana hata tunashindwa kujinyenyekeza kumtambua Mungu aliye kwenye mishi ndogo pale pembeni. Mnaona? Hivyo ni kweli. Vema, hiyo ni kusema, tunajikwaa kwenye urahisi. Wamefanya hivyo daima.

87 Sasa, wao walikuwa-walikuwa werevu sana wasingeweza kuadini ujumbe rahisi kama huo. Haukuwa sanifu vya kutosha kwa utafiti wao wa kisayansi waliokuwa nao. Haukuwa-haukuwa sanifu, ujumbe huo haukutosha, kwa ajili ya mipango yao ya elimu waliokuwa nayo siku hiyo. Unaona? Walikuwa wamesoma kujua ya kwamba kulikuweco na Mungu, nao walisoma kujua ya kwamba Yeye alikuwa ni mkuu, nao wakajaribu kujijenga wawe wakuu kama Yeye. Ambapo, njia ya kupanda juu daima ni kushuka.

Sasa, ninani anayejua kama ncha ya kaskazini ni kaskazini, ama ncha ya kusini ndio kaskazini? Ama ncha ya kaskazini ni kusini, ncha ya kusini ni kaskazini? Ni upande gani uliojuu na upi ulio chini? Tunaning'inia angani. Tunasema, " ncha ya kaskazini ni upande wa juu." Mnajua? Ncha ya kusini huenda ikawa upande wa kaskazini. Mnaona, hujui. Kwa hiyo hebu na tukumbuke, na Neno hili

Ungesema, " Basi ungewezaje kusema, Ndugu Branham, ya kwamba, ' juu ni chini?'"

Juu ya msingi wa Neno la Yesu Kristo! Yeye alisema, "Yeye ajidhilie atakwezwa, bali yeye ajikwezaye atadhiliwa, atashushwa." Kwa hiyo basi, kwa kweli, juu ni chini, na chini ni juu.

88 Kama yule mtakatifu wa zamani alivyosema huko Chicago, ya kwamba ...Mtu fulani, mhudumu fulani kutoka katika madhehebu fulani aliinuka, katikati ya Wapentekoste. Alikuwa amekusanya mambo yake yote ya kielimu . Alipanda akaenda kule na kutumia maneno ambayo Wapentekoste hawakujua kitu chochote juu yake, naye akapanda akaenda kule, ndipo akaona wale Wapentekoste hawakuwa wanayaelewa. Basi akapanda juu kifua mbele, naye alikuwa "Mtakatifu Daktari zulani," mwajua, kutoka shule zulani kubwa kule Chicago. Basi akaangalia pande zote, nao hao Wapentekoste walikuwa wanatazama. Hata hawakujua alichokuwa anasema; alikuwa na elimu nyingi sana, mwerevu sana, mwenye akili. Hawakujua.

89 ilikuwa kitu kama mbunge fulani, ama mtu ambaye alipigiwa kura siku za karibuni awe raisi lakini akashindwa. Tuck Coats aliniambia. Nilipokuwa nikihubiri kwenye mazishi ya Mama Ford, nami nilikuwa nikihubiri juu ya ufufuo, uhakika wa kufufuka, " Kwa hakika tu kama vile jua lilivyochochoza, vivyo hivyo nami nitafufuka. Kwa hakika tu

kama vile nyasi zinapokufa katika msimu wa kupukutisha Majani, na jani linaanguka kutoka mtini, linarudi tena. Wakati dunia inapojiratibisha katika mzunguko wake, halina budi kufufuka tena.”

90 Tuck akasema, “ Nilifurahia Ujumbe huo, Billy.” Mimi pamoja na Ndugu Neville tulikuwa tumeketi pamoja kwenye gari. Ndipo nikasema,

“Tuck...” Yeye akasema, “Mimi hufurahia Jumbe zako.” Nikasema, “ Tuck, mimi sina elimu,” nikasema.

Akasema, “ Huo ndio uzuri wake.” Unaona?

Na, sasa, yeye alisema alikwenda kumwona...Vema, nadhani mtu huyo atanisamehe, simaanishi... Adlai Stevenson, mwajua. Naye alisema alimsikiliza kwa dakika kumi na tano. Naye Bw. Stevenson ni mnenaji mwenye akili nyingi sana, watu wanaamini hivyo, mwajua mpaka Tuck akasema...Nadhani ana elimu ya chuoni. Akasema aliketi pale akalala usingizi. Na akasema aliingia usingizini, akiwa anamsikiliza, katika dakika kumi na tano. Lakini akasema, “Akiwa na elimu ya chuoni, sikuelewa ila maneno machache tu aliyosema; yalikuwa yenye ufasaha sana.” Akasema, “Hujaniona hata kidogo nikilala katika moja ya ibada zako, sivyo, Ndugu Branham?”

Kwa hiyo, unaona, ni ule urahisi Wake, ni rahisi sana, hapo ndipo Mungu alipo.

91 Sasa wao-wao walikuwa werevu sana, katika siku hiyo hata wangeweza kufahamu maana ya njia rahisi ya Mungu ya kufanya mambo. Haikuwa ya kielimu kwao. Haina budi kuwa ya elimu sana, haina budi kuwa imeng'arishwa sana, vinginevyo wataikosa. Sasa, lakini yule Yehova mkuu alikuwa amefichwa katika Neno Lake. Naye alijjulisha kwa watu walioamini Neno Lake, kwa kuwaokoa na kutimiza ujumbe rahisi. Ule ujumbe rahisi wa Nuhu, Mungu aliutimiza. Sasa angalia jambo hilo.

92 Sasa, basi tena katika siku za Musa, angalia wakati mwingine wa ukombozi.

Wakati Mungu tu anapokaribia kufanya jambo fulani kuwakomboa watu Wake, Mungu huwatumia hao watu Ujumbe. Na, Huo huwa rahisi sana, kama tutakavyoona katika kuvunjwa kwa Mihuri hii. Hilo ndilo lilikuwa kusudi langu la kulileta hili kwanza. Ya kwamba, tunaona ya kwamba kuvunjwa kwa Mihuri hiyo ni rahisi mno, wenye-wenye akili wanalikosa Hilo, maili milioni moja. Unaona? Natumaini kwamba Mungu atanipaka mafuta kwa ajili ya Hilo. Unaona? Unaona? Linapitia tuu juu yao. Na hilo ndilo sababu nilifikiri Ujumbe huu asubuhi hii ya leo, ungefaa ili kuweka, msingi juu ya urahisi wa Mungu, unaona, jinsi Mungu anavyojificha katika urahisi .

93 Hebu wazia, wao wanaweza kuvunja atomi na kufanya chochote kile; lakini inapofika kwenye kugusa uhai, hata hawawezi kukwambia unakotoka. Unyasi wa kawaida, na Mungu amejificha ndani yake. Wanaweza kutupa roketi mwezini, na-na kutupa rada kule juu, ama chochote kile, na hata hivyo hawawezi kuelezea uhai ulio katika unyasi. Hiyo ni kweli. Mnaona? Ni kwa sababu huo hauwezi kuelezewa. Ni rahisi sana, wanalipuza hilo.

94 Sasa angalia Musa, katika siku ambayo Mungu alikuwa anakwenda kuwakomboa wana wa israeli, kulingana na Neno Lake. Yeye-Yeye alifanya nini? Alichagua jamaa ya kawaida. Hatuna kumbukumbu yao. Unaona yote tujuayo tu ni, “mwana wa Lawi” . Mnaona? Na kwa hiyo sisi...na mke wake. Wa kawaida tu labda m-kanyaga matope, vile ambavyo ulimwengu ungefikiria, huko nje wakiwafyatulia adui matofali. Yeye alikuwa mtumwa tu wa kawaida katika israel, lakini Mungu aliichagua jamaa ile ili kuleta mkombozi; jamaa ya kawaida tu ya Kiyahudi. Yeye kamwe hakuondoka na akaenda na kuchukua watu wa jamaa ya mfalme ama watu maarufu, ama chochote kile, ama hata kumchukua kuhani fulani. Alichukua jamaa ya kawaida, jamaa ya kawaida Unaona? Urahisi!

95 Angalia alichofanya, basi Yeye alimzaa mwana, mwanadamu duni. Yeye kamwe...

Angeweza ku-angeweza kuchagua jua, kama angalitaka kufanya jambo hilo, kuwaokoa. Angeweza kuchagua upepo kuwakomboa. Angeweza kumchagua Malaika kuwakomboa. Loo, Haleluya! Mungu anaweza kufanya jambo lolote analotaka kufanya.

“Vema, unajuaje jambo hilo, Ndugu Branham?”

Mungu hataacha mpango Wake. Hiyo ndiyo sababu tunajua ya kwamba, siku hii ya leo, halina budi kuwa rahisi. Unaona? Sasa, Yeye daima hutenda kazi katika urahisi. Lakini Mungu, hapo mwanzo, ambaye angeweza kulifanya jua lihubiri injili ama pepo

zihubiri injili, ama Malaika ahubiri injili, bali yeye aliwachagua watu kwa kusudi hilo, Naye habadilishi jambo hilo hata kidogo. Yeye hakuchagua katika...Hakuyachagua madhehebu kamwe. Hakuchagua kamwe makundi ya watu. Aliwachagua binadamu wahubiri injili; si mitambo, vitu vya kimitambo, au Kiumbe chochote cha Kimalaika. ilikuwa ni mwanadamu!

Na wakati alipowaletea watu ukombozi kule chini, alimtuma mwanadamu wa kawaida, aliyezaliwa na jamaa ya kawaida katika kundi la watumwa. Loo, jamani! Yeye ni Mungu wa jinsi gani, akijifunua katika urahisi!

96 Sasa angalia. Naye alimfundisha katika hekima ya kilimwengu, ili kwamba apate kushindwa, na aonyeshe ya kwamba hatutakombolewa kamwe na hekima. Tunakombolewa na imani. Alimwachia aende akapate elimu nyingi sana hivi kwamba aliweza kuwafundisha Wamisri hekima; alikuwa mwerevu sana. Mungu alikuwa na jamaa hiyo ya kawaida ambao hawangeweza, labda, kuandika jina lao. Naye Musa alichukuliwa na kupelekwa katika kisomo kilichozidi kisomo chote, akapata elimu nyingi sana, hata angeweza kuwafundisha hekima waalimu. Aliweza kuwafundisha watu walio na bongo kupita kiasi. Naam. Na Mungu akamwacha awe hivyo kusudi aweze kujionyesha Mwenyewe katika unyenyekevu, apate kuonyesha ya kwamba hekima haina uhusiano wowote na jambo hilo. Naye Musa alishindwa kwa aibu katika akili zake nyingi sana. Yeye alimwacha awe namna hiyo kwa ajili ya kusudi Lake, ili kwamba apate kushindwa. Naye alishindwa, na akaanguka.

97 Kwa hiyo, ili kuonyesha, " Si kwa uweza, wala si kwa nguvu," lakini si kwa hekima ya Misri, wala si kwa hekima ya shule zetu, wala kwa nguvu za seminari zetu, lakini si kwa wingi wa madhehebu yetu, wala si kwa nguvu za mafundisho yetu ya kielimu, "Bali ni kwa Roho Yangu, asema Mungu." Hekima yake ilikwisha, na kufikia mwisho wake, wakati alipokutana na Mungu katika kile kichaka kilichowaka moto pale. Alivua viatu vyake pale na kujinyenyekeza mwenyewe katika unyenyekevu na akasahau yote yanayohusu hekima yake.

Mungu, akileta ukombozi, ilibidi amfundishe hekima, kumwacha aanguke, kuonyesha ya kwamba huwezi kutegemea mkono wa akili zako mwenyewe, ama akili za mtu mwingine yeyote. Akaacha aanguke, apate kuonyesha mkono Wake. Unaweza kuona jambo hilo? [Kusanyiko, "Amina."-Mh.] Kusudi la Mungu katika kufanya jambo hilo, lilikuwa ni kujionyesha Mwenyewe katika unyenyekevu.

98 Naye alimwachia Musa ainuke sana kuliko wote, mpaka yeye ange angekuwa Farao anayefuata. Yeye alikuwa jemadari hodari. Kulingana na historia, alishinda, Musa mwenyewe, nchi jirani. Ndipo wakati alipogeukia kazi ya Bwana, na yote aliyojaliwa nayo, Mungu alimwacha aanguke vibaya sana, kusudi aweze kumweka nje kule jangwani na kumwondolea hayo yote; ndipo amtokee, katika unyenyekevu, na kumtuma ashuke kule na fimbo mkononi mwake, kuwaokoa wale watu

Wakati, yeye hangeweza kufanya jambo hilo kwa mafunzo ya kijeshi, kwa elimu, kwa elimu ya kisayansi. Na kwa nguvu za kijeshi hangeweza kufanya jambo hilo. Ndipo akampa fimbo ya zamani iliyopinda kutoka jangwani, na akawakomboa kwa kumtumia yeye. Mungu katika unyenyekevu, urahisi! Mungu alikuwa ndani ya ile fimbo na ndani ya Musa. Na alimradi tu Musa alikuwa na ile fimbo, basi Mungu alikuwa nayo, kwa sababu Mungu alikuwa ndani ya Musa. Hakika.

99 Angalia, "Si kwa uweza, wala si kwa-kwa nguvu, bali ni kwa Roho Yangu." Lakini ni kwa imani rahisi!

Musa alifahamu ya kwamba alikuwa awe mkombozi, kutokana na mafundisho ya mama yake. Ndipo akajipa mazoezi katika nguvu za kijeshi, kwa madhumuni ya kufanya jambo hilo, lakini ilishindikana. Unaona? Yeye alikuwa na akili, na alikuwa na elimu, lakini hilo halikufaa kitu. Kwa hiyo ilibidi kusahau hayo yote, na aje kwenye jambo rahisi la kumchukua Mungu kwenye Neno Lake, na ndipo akawakomboa hao watu. Naam, bwana.

100 Mungu hukomboa watu kwa kutumia (kitu gani?) imani katika Neno Lake. Daima imekuwa hivyo. Tungeangalia kama tungalikuwa na wakati. Bado tuna dakika kama ishirini na kitu. Tulikuwa...

Tungeweza ku-kumwagalia Kaini na Habili, jinsi ambavyo-ambavyo Kaini alijaribu kumpendeza Mungu kwa uzuri fulani.

Njia nyingine, watu wanafikiri, "Kwa-kwa makusanyiko makubwa, yaliyovalia vizuri, kwa kasisi aliye na-aliye na...wahudumu wenye majoho, na kwaya zilizovalia majoho, na-nanii yote vitu vya kuvalia, eti hivyo vinampendeza Mungu." Unaweza kuona vinakotoka? Kaini alijaribu kitu kile kile. Naye akamjengea madhabahu, hapana shaka kwamba aliifanya ya kupendeza.

Na mtu huyo alikuwa mwaminifu. Aliabudu. Aliwazia, "Mradi tu mimi ni mwaminifu, haileti tofauti yoyote." inaleta tofauti. Unaweza kuwa mwaminifu makosani.

101 Angalia yeye-yeye alijenga madhabahu hii naye, namna hiyo, akaweka maua na kuyapanga vizuri, na kuweka matunda mazuri, kisha akawazia "Hakika Mungu mkuu, mtakatifu, msafi, na mzuri ataikubali dhabihu hiyo." Lakini, unaona, alifanya jambo hilo kwa hekima yake mwenyewe. Alifanya hivyo kwa mawazo yake mwenyewe.

Na hivyo ndivyo ilivyo leo. Yeye-yeye...Wanafanya jambo hilo kwa hekima yao wenyewe, kwa kisomo chao, kwa elimu yao na maadili ambayo wamejifunza.

"Lakini Habili, kwa ufunuo, kwa imani, alimtolea Mungu dhabihu iliyo bora zaidi." Haina cha usafi wowote, kadiri ilivyoonekana, tukinena kibinadamu. Maskini jamaa huyo, naye akimshika kwa nguvu shingoni na kumfunga kwa mzabibu, namna hiyo na kumkokota kwenda kwenye madhabahu hii. Hapakuweko na uzuri wowote sana kwenye jambo hilo. Akimweka juu ya madhabahu, na kukata koo lake dogo kwa-kwa mwamba mkali, mpaka damu yake ikamrukia kila mahali, naye huku analia, akifa. Lilikuwa ni tamasha la kutisha, unaona, kuliona. Lilikuwa ni jambo rahisi, hata hivyo.

Katika urahisi, yeye alijua ya kwamba alizaliwa kwa damu ya mama yake na baba yake, alizaliwa katika damu ya mama yake, kwa damu ya baba yake; na ilikuwa ni damu ambayo ndiyo ilisababisha kuanguka, kwa hiyo damu ndiyo ambayo ingelirudisha hilo, "Kwa hiyo akamtolea Mungu dhabihu iliyo bora zaidi, kwa maana ilifunuliwa kwake."

102 Na baadhi ya ndugu, leo wanaofikiri ya kwamba walikula matofaa na mapea! Nami niliona jambo la kiwendawazimu kabisa hivi majuzi, gazetini. Walisema, "Sasa wamethibitisha ya kwamba Hawa hakula tofaa." Kwamba, na-nafikiri wanadai, "ilikuwa ni aprikoti." Kwa hiyo, loo, unaona mahali roho hiyo inakotoka!

Nao walisema, ya kwamba, "Musa hakuvuka hasa Bahari ya Shamu. Ya kwamba, ilikuwa ni ki-kichaka cha matete sehemu zile, bahari ya matete. Naye aliwapitisha wana wa israeli katika bahari ya manyasi. Huko mwishoni mwa-mwa bahari, kuna kichaka kikubwa cha matete huko. Naye Musa alivuka bahari, lakini ilikuwa ni bahari ya matete ambayo alivuka; mwajua, nyasi, ndefu, kama manyasi makubwa na kadhalika, ambayo alivuka pale. Ni upuuzi jinsi gani!

Wakati, "Hayo maji," Bibilia ilisema, "yaligawanyika kutoka kushoto kwenda kulia, na Mungu akasababisha upepo wa-wa nguvu utokao mashariki kuyagawanya." Unaona? Unaona?

Wao, wanataka kujaribu kuliwazia katika njia yao wenyewe. Na hivyo ndivyo jinsi walivyoshindwa siku zote, nao wataendelea kushindwa. Wajua, mambo haya yote!

103 Naye Kaini alikuwa mfano halisi wa mtu wa nia ya kimwili leo ambaye ni mcha Mungu kwa nje. Anataka kufanya jambo fulani kwa nje, lakini yeye ni...anakwenda kanisani, na-na atafanya mambo mengi sana kwa ajili ya-ya jengo.

Kuna kanisa moja tu, na hujiungi na Hilo.

Haya ni maloji. Mnaona? Unajiunga na loji la Kimethodisti, loji la Kibatisti, loji la Kipresbiteri, loji la Kipentekoste.

Lakini unazaliwa katika Kanisa. Naam, Bwana. Unaona?

Haya yote ni maloji. Si makanisa. Ni maloji. Wala hakuna kitu kama "kanisa" la Kimethodisti ama "kanisa" la Kipentekoste. La, hakuna kitu kama hicho. La, hayo yote ni makosa. Unaona! Hayo ni...hiyo ni kweli. Hayo, hayo ni maloji ambayo watu wanajiunga nayo.

Lakini unazaliwa katika Kanisa la Mungu aliye hai, na hilo ni Mwili wa siri wa Yesu Kristo unaoundwa.

104 Sasa, lakini, ilimpendeza Mungu kumfunulia Habili siri Yake, kwa imani rahisi katika damu iliyomwagika. Loo, laiti ningalikuwa na wakati wa kuelezea hilo kwa muda mrefu kidogo. Unaona?

Hata hivyo, naye Kaini, na hekima yake yote, mtu mwerevu! "Loo," unasema, "sasa, Ndungu Branham, ulisema yeye...unajaribu kumfanya kuwa msomi wa bongo za kupindukia?" Alikuwa hivyo. Ati alikuwa mwerevu? Fuatilia ninii yake-fuatilia ukoo wake. Angalia watoto wake. Wote walikuwa ni wana sayansi, na madaktari, na watu werevu, kila mmoja.

Bali, hebu fuatilia uzao wa Sethi, walikuwa ni wanyenyekevu, wakulima wadogo-wadogo, na wakulima, na kadhalika na kuendelea hata kwenye maangamizi.

Lakini watoto wa Kaini walikuwa ni werevu, kundi lenye elimu. Hata wao wanadai, waliweza kufua shaba nyekundu, na kufua vyuma; na ni wajenzi. Nao walikuwa ni watu werevu.

Ambapo-ambapo, watu hawa wengine waliishi tu kwenye mahema, na kuchunga kondoo wao, na kusimama kwenye ahadi za Mungu. Unaona? Unaona? Unaona jinsi ilivyokuwa? Sasa hebu wewe fuatilia tu hivyo vizazi vyao toka mwanzo hadi mwaisho, uone kama jambo hilo si kweli. Unaona? Walidumu kwenye ahadi ya Mungu.

Hivyo ndivyo Nuhu alivyochaguliwa, kutoka kwa watu wa namna hiyo. Hivyo ndivyo Paulo alivyotolewa kutoka katika kundi lake. Unaona? Hivyo ndivyo John Weasley, Martin Luther na kadhalika. Hivyo ndivyo unavyokuja kuwa wewe leo hii, unaona, kitu kile kile, mnyenyekevu, kuamini ahadi rahisi ya Mungu.

105 Sasa, angalia, ilimpendeza Mungu ku-kujitambulisha. Sasa, Mungu daima atathibitisha kama ni Kweli ama si Kweli. Unaona? Sasa, watu wengi wanajaribu kujiingiza kwenye kitu fulani ambacho Mungu yuko umbali wa maili milioni moja nacho. Hiyo ni kweli. Lakini unapomwona Mungu akirudi hapo, asema ni...analiitikia, anasema, "Hilo ni kweli, Hilo ni kweli, Hilo ni kweli" basi unajua hilo ni kweli.

Sasa, wakati matoleo yalipokuwa kwenye ile madhabau, Mungu alikataa wazo lake la kiakili juu ya Mungu. Lakini wakati alipomwona Habili kwa imani rahisi ya kuamini kwamba hayakua ni matofaa wala matunda ya shambani, lakini ilikuwa ni damu; kwa imani aliamini hilo, kwa ufunuo kutoka kwa Mungu. Mungu alimthibitisha Adamu kwa kukubali sadaka yake. Unaona?

106 Hapo ndipo tunapofikiria juu ya kuwaombea wagonjwa, chochote kile. Yesu alisema, "Mkikaa ndani yangu, na Neno Langu likae ndani yenu, ombeni lolote mtakalo nanyi mtapewa."

Sasa tunapomalizia moja kwa moja, upesi sana, tumbakiza dakika ishirini.

107 Angalia, siku za Elia, Mungu alichagua kujificha katika mtu wa kawaida. Sasa hebu wazia tu jambo hilo Mungu alichagua. Hilo lilikuwa chaguo Lake. Kumbuka, walikuwa na marabi, makuhani. Walikuwa na watu mashuhuri siku hizo. Hata mfalme Ahabu, mwenyewe, alikuwa Myahudi. Alikuwa na watu mashuhuri nchini, katika siku hizo. Lakini Mungu alijificha katika mtu wa kawaida; si msomi; la, si mtu aliyetukuka wa dunia, mwanajeshi fulani hodari sana ama kitu fulani; la, si jina kubwa. Hata hatujui baba yake na mama walikuwa ni nani. Hatujui kitu chochote kuhusu ukoo wake. Ni mzee mkulima tu wa kawaida mahali fulani, aliyeinuliwa kusudi awe Nabii. Mungu alimfanya kuishi peke yake huko jangwani. Jambo pekee tunalojua, yeye alitokea mahali pasipojulikana, akaingia na moja kwa moja akaukemea utaratibu wote wa kidini. Jamani!

108 Na unajua vile walivyomfikiria? "Alitokea kwenye shule gani?" Unaona? "Yeye ni wa madhehebu gani? Yeye yuko pamoja na Mafarisayo, Masadukayo," ama wo wote wale wengine waliokuwa nao? Yeye hakuwa mmoja wao, lakini alilikemea jambo hilo lote. Mnaona? Mungu alichagua kufanya hilo.

Lakini, mtu wa kawaida, hana elimu. Hatuna mahali ambapo alipata kwenda shuleni. Hatuna habari zozote zake. Ni mtu wa kawaida tu, lakini Mungu alipendezwa kujificha katika mtu huyo wa kawaida. Mungu, kule nyuma, akiwa na mtu huyu wa kawaida, akijificha katika mwanadamu. Mnaweza kulielewa jambo hilo? [Kusanyiko linasema, "Amina."-Mh.]

Mungu akijificha katika "mtu wa kipekeepekee asiye na elimu" kwa ulimwengu. Maana, mwajua, wao-wao walimnenea kila mtu, hata ya kuwa ni "mchawi" Eliya. Manabii wote wanasemwa, jambo hilo, unaona.

Kwa hiyo, Yesu alisemwa kuwa ni mchawi, unaona, "Beelzebuli; kuwa mwenye kichaa." Kasema, "Mbona, Wewe ni mwendawazimu. Naam, tunajua una pepo. Wewe-

wewe umerukwa na akili." Unaona?

Hapo ndipo aliwaambia, "Wakati itakapofika siku za mwisho, ya kwamba wao wana...hilo lingekuwa ni kukufuru, kufanya jambo hilo." Aliwasamehe, lakini halitasamehewa katika siku hizi za mwisho. Litabidi kulipiwa, kwa kutengwa Milele, "Wala kamwe halitasamehewa, katika ulimwengu huu wala ulimwengu ule ujao."

109 Lakini walimchukia Eliya kuwa ni mwenda wazimu. Ungeweza kuwazia angewakabili...Hao hao wanawake wote walikuwa wakikata nywele zao kama siku hizi, nadhani na kujipodoa kamaYezebeli, bibi wa raisi nchini. Na-na wahubiri wote wamekuwa wa kilimwengu na kila kitu. Na halafu ni kitu gani kilitokea? Ndipo hapa akaja mzee Eliya, akikaripia jambo zima, kuanzia Yezebeli kwenda chini.

"Mbona," akawazia, si lazima tukusikilize! Sisi tuna wachungaji."

Hakika, haikuwalazimu kumsikiliza, lakini alikuwa mchungaji wao hata hivyo. Alikuwa ni mchungaji wa Yezebeli. Yezebeli hakutaka jambo hilo. Huenda alikuwa na wa aina nyingine. Lakini, lakini, Eliya alitumwa na Mungu. Mnaona? Alikuwa ni mchungaji aliyetumwa na Mungu kwa ajili yake. Alimchukia, bali alikuwa mchungaji hata hivyo. Angalia.

110 Naye Eliya alijinyenyekeza na kudumu na yale Mungu aliyosema, hivi kwamba ilimpendeza Mungu kuchukua roho hiyo hiyo kutoka kwa Eliya na kuahidi kuisukuma tena mara tatu katika siku zijazo toka wakati huo. Unaona? Amina. Na alifanya jambo hilo. Amina. Hakika, Yeye alifanya jambo hilo. Hakika Yeye aliahidi jambo Hilo, ya kwamba hiyo ingekuja. Nayo ikaja juu ya Elisha, aliyemfuata; kisha ikaja juu ya Yohana Mbatizaji; na, kulingana na Malachi 4, inapaswa kuwa hapa tena katika siku za mwisho. Unaona?

Mungu aliipenda Roho hiyo iliyokuwa juu ya mtu huyo wa kawaida, asiyekuwa na elimu, mtu anayeishi mwituni aliyetokea msituni ndani mahali fulani. Na, kwa hiyo, ilikuwa mtiifu sana kwa Neno Lake, hata angeweza kusema, "Eliya, fanya hivi," naye Eliya angelifanya hivyo. Na Mungu akajificha mle ndani, katika urahisi sana!

Wote walisema, "Yule mzee mwendawazimu, msiwe na uhusiano wo wote naye," na kadhalika.

111 Lakini siku moja, wakati yeye a-alipokuwa mzee, na kichwa chake kina upara, na ninii yake- na masharabu yake yakining'inia, yenye mvi, na nywele chache zikining'inia mabegani mwake; maskini mikono ya kizee iliyokonda, na nyama zilizotepwerekama namna hiyo; anashuka akija barabarani akienda zake Samaria, na hayo macho yakiangalia juu mbinguni, akiwa na fimbo iliyopindika mkononi mwake. Hakuwa mtu wa kutamanika ukimwanguka, lakini alikuwa na "BWANA ASEMA HiVi" kwa ajili ya siku hiyo. Hakusita na hiyo. Hakusema kwa kitata. Yeye hakusema, "Sasa, ewe Ahabu mkuu." Alitembea kupanda juu na kusema, "Hata umande hautaanguka kutoka mbinguni mpaka nitakapouagiza," Haleluya! Unaona? Mungu aliheshimu urahisi wake.

112 Sasa, unaona, wakati alipokuwa katika njia rahisi, na kila mtu-kila mtu anampinga, kila mtu alimkabili. Shirika lote la wahudumu, chochote kile, kilimkabili, hiyo ni kweli, wakijaribu kumuondosha, chochote kile. Lakini, katika urahisi huo, ingawa hawakuwa na ushirikiano na mikutano yake na yoyote yale zaidi aliyokuwa nayo. Kila mtu alifikiri alikuwa mwenda wazimu. Mungu alikuwa akijificha.

Lakini wakati ulipofika wa ile mbegu kukomaa, ambayo ilikuwa imepandwa, Mungu alijidhihirisha Mwenyewe kwa kutuma Moto kutoka Mbinguni na kuilamba ile dhabihu. Mungu akijificha katika urahisi, halafu akajifunua Mwenyewe tena. Unaona? Hakika. ilimpendeza Mungu kufanya jambo hilo. Yeye daima ametenda kwa jinsi hiyo. Naam, bwana.

113 Sasa tunaona ya kwamba Yeye-Yeye aliahidi mambo haya.

Shida ni kwamba, leo, kwa walio wengi wetu sisi watu tunataka kuwa wa ninii, mwajua, kuwa, wa kiseminari sana, na wa, kimadhehebu, wenye nia ya kielimu, hivi kwamba Mungu hawezi kukutumia. Mungu anaweza kumpa mtu uwezo wa kuanza jambo fulani, na kumpa huduma fulani; jamb la kwanza wajua, yeye atianza kushughulikia yale watu wengine wasemayo, na jambo la kwanza, wajua, atakuwa amefungwa kabisa katika lundo kubwa la mambo. Na ndipo Mungu anaondoa tu mikono Yake kutoka kwake, na kumwacha peke yake. Unaona? Unaona?

114 Ndipo atajaribu kupitia mtu mwingine, mtu fulani atakaye fanya jambo hilo. Unona? Hana budi kupata kitu ambacho kitananii-kitachukua Neno Lake, kitachukua ufunuo wa Mungu na hataondokana nao, atadumu imara na Neno hilo. Hivyo ndivyo Yeye-Yeye anavyofanya jambo hilo.

Yeye amelifanya hivyo daima.

Kwa hiyo mtu anapopata elimu nyingi sana na ni mwerevu, hata yeye hujaribu kuweka tafsiri yake mwenyewe. Vema, kama wanavyosema, "Ubatizo wa Roho Mtakatifu," watasema, "loo, huo ulikuwa wa siku za nyuma." Lakini, kama hawasemi hivyo, vema "haukuwa wa siku za zamani, lakini, nitakwambia, hauji kama vile tu ulivyokuja katika Siku ile ya Pentekoste. Tunampokea Roho Mtakatifu tunapoamini." Na-na kila namna ya upuuzi kama huo, unaona.

115 Na hebu zungumza juu ya ubatizo katika Jina la Yesu Kristo, wao...ambao Biblia inafundisha namna hiyo; vema, unasema, "Vema, lakini, seminari inasema! Na Fulani anasema!" Huko ni kupatana. Unaona? Mungu hawezi kumtumia mtu kama huyo. Unaona?

Anaweza kumwacha mtu ataabishwe kila mahali nchini namna hiyo, na mtu huyo atupwe nje na kuchekwa, na kufanyiwa mzaha, na kila kitu kinginecho namna hiyo. Lakini wakati onyesho halisi linapokuja, Mungu husimama na kujithibitisha papo hapo kwenye urahisi huo huo.

116 Anainuka moja kwa moja, kama ua. ile mbegu, inaonekana kama yote yamekwisha, inakufa na kuanguka ardhini. Chimbua mbegu hiyo ndogo, na imeza, na inaonekana kama ni mchafuko. Lakini kutokana na hapo uzima unatoka upate kuzaa tena ua lingine tena.

Mungu katika urahisi. Yeye hufanya jambo lile lile. Njia ya kupanda juu ni kushuka, daima. Jinyenyekezeni. Kamwe msiseme. "Vema, nina hiki na kile." Huna kitu. Kukumbuka tu, kama una neema ya Mungu, shukuru tu kwa ajili yake, na uwe mnyenyekevu kwa ajili yake. Unaona, endelea tu kujinyenyekeza.

117 Sasa itanilazimu kuharakisha, maana saa...Sitaki kuwachelewesheni sana, maana sitaki kuwachosha, mnaona. Tuna wakati mrefu sana bado katika juma hili.

118 Sasa, na sasa tunaona ya kwamba watu wanakuwa werevu sana na wenye elimu.

Sasa nataka kuwaonyesha jambo lingine. Hao-hao wengine wanakwenda mbali sana upande ule mwingine, wanakuwa washupavu wa dini, wakijaribu kuwa wa kidini. Sasa, tunajua tuna kundi hilo. Unaona? Wanakwenda ule upande mwingine.

Hapo ndipo sikubaliani na lile kundi la wandugu waliotoka si muda mrefu uliopita hapa kutoka kwenye-kwenye njia ya Nuru. Wao, wasingeweza kuona maajabu yaliyokuwa yanafanywa wasipojifanyia kundi fulani, kwa hiyo wakakusanyika huko Canada na-na kuunda kundi la watu ambao walikuwa wanakwenda kutoa na kuwekana mitume na manabii wenyewe kwa wenyewe, na mambo mengine. Nalo lilitawanyika moja kwa moja. Unaona? Na daima litatawanyika. Unaona? Wakawa...Wanajisikia ya kwamba kwa sababu wao ni...Kwamba hawa ninii...Wanalaumu sana mambo hayo mengine, na-na mambo kadha wa kadha, mpaka wanakwenda moja kwa moja upande ule mwingine. Unaona?

119 Kuna upande mmoja ambao ni wa kiakili sana, baridi na usiojishuhulisha na chochote, hapo wanakana kila kitu. Na hao wengine wanakwenda upande huo mwingine, upande huo wakiwa na kundi la kimapinduzi lenye msimko, na kukana Neno.

Lakini kanisa halisi la kweli linakaa moja kwa moja katikati ya barabara.

120 Sasa, kama ukiangalia, lina-lina-lina maarifa ya Biblia ya yale aliyosema Mungu, na ni-ni la kiroho vya kutosha kuwa na joto moyoni mwake, na liko tu barabarani. isaya alisema ingekuwa namna hiyo. Alisema, "Hapo patakuwa na njia kuu..."

Na marafiki wabarikiwa, watakatifu, wapendwa wa kanisa la Kinazarayo, ufufuo mdogo wenye nguvu ambao Mungu alianzisha, lakini walipata nini? Wakati Mungu alipoanza kunena kwa lugha kanisani, wao walikuwa wa kidini sana na wenye majivuno sana, hata waliita jambo hilo, "ibilisi." Nanyi mnaona kile kilichowapata? Mnaona? Mnaona? Wao, wao, "Mtakatifu kuliko wewe." Na-nasi tunaona ya kwamba mambo hayo yana mwisho na yanakufa moja kwa moja. Mnaona? Na upande huo mwingine.

121 Sasa upande mmoja unakuwa mshupavu wa dini. Upande huo mwingine unakuwa baridi na mkavu.

Sasa, isaya alisema, "Hapo patakuwa na njia kuu..."

Nao wanazarayo, na wengi wa hao watu wa holiness wa zamani, walizoea kusema, " ile njia kuu ya kale iliyobarikiwa! Utukufu kwa Mungu! Tunatembea kwenye njia kuu ya kale!" Lakini, mnakumbuka, hivyo sivyo alivyosema hasa.

Yeye alisema, "Kutakuwako na njia kuu, na," na ni kiunganisho, "na njia." Wala haitaitwa njia kuu ya utakatifu, bali, "Njia ya utakatifu."

122 Sasa, njia kuu ya utakatifu, watu hujaribu kujifanya watakatifu. Na unapofanya jambo hilo, ni kama tu nilivyosema hapo awali, ni kama ninii...ingekuwa ni kama koho akijaribu kuvaa manyoya ya hua, kujifanya hua, wakati asili yake ingali ni koho. Unaona? Yeye, ni...ingekuwa ni kama kunguru akijaribu kuvaa manyo-manyoya ya njiwa, ama tausi, na kusema, "Mnaona, mimi ni ndege anayependeza." Unaona, ni kitu cha kujitengenezea.

Lakini tausi hana haja ya kufadhaika kama atakuwa na manyoya ya tausi ama la. Hua hana haja ya kufadhaika kama atakuwa na manyoya ya hua ama hatakuwa nayo. ili mradi tu asili yake ni ya hua, atakuwa na manyoya ya hua.

Na, mnaona, watu wa holiness wanaanza kusema, "Wanawake hawana budi kuwa na nywele ndefu na mikono mirefu ya mavazi, na-na vitu hivi vyote, na marinda marefu, na hawapaswi kuvaa pete zozote za harusi ama johari za namna yoyote." Unaona, unakuwa utakatifu wa kujitengenezea. Unaona? Unaona? Huo-huo-huo ni utakatifu wa kujibunia. Lakini Kanisa halisi la Mungu aliye hai ni...

123 Tena angalia kile kilichoyapata madhehebu hayo. Sasa wote wamekata nywele zao, kama Wapentekoste, na-na kadhalika. Na-nao wote, karibu wote, wanavaa pete na kadhalika. Waangalie Wapentekoste, miaka mingi iliyopita, jinsi walivyokazia mambo hayo, unaona, na, "Sisi, kanisa! Sisi, kanisa!"

Kanisa ni Mwili wa Kristo. Ni mtu binafsi, miongoni mwa watu wengine binafsi, ambaye anazaliwa katika Ufalme wa Mungu. Hilo linatoka ndani kuja nje. Liko ndani ya mtu linaishi lenyewe.

124 Humwombi kondoo kutoa sufu...ama, kujitengenezea sufu, namaanisha. Kondoo halazimiki kujitengenezea sufu. Aseme, "Sasa, bwana wangu anataka nipate sufu kidogo mwaka huu. Sina budi kujitahidi." La, jambo pekee analopaswa kufanya ni kubaki kuwa kondoo tu. Hiyo ni kweli. Sufu itatoka yenyewe...itatoka. itatoka. Yeye ataitoa kwa sababu...

Nasi hatuombwi kutengeneza matunda. Tunapaswa kuzaa tunda, unaona, kuzaa matunda. Unaona? Tunapaswa kuzaa tunda. Na mradi wewe tu ni mti wa matunda wa Mungu, ukiwa na Neno la Mungu, Neno la Mungu litajithibitisha Lenyewe. Litazaa tunda mradi tu Neno Hilo limo mle. Yesu alisema, "Mkikaa ndani yangu, na Neno Langu likikaa ndani yenu, ombeni mtakalo lote nalo litatendeka." Mnaona? Hujitengenezei hilo. Hujishughulishi kulipata. Kwa kweli lipo tu pale, na linaendelea na kuendelea.

Sasa hebu na tuendele, kuharakisha tu sasa, tukiwa tu na dakika chache zilizosalia, na ndipo tutafunga.

125 Sasa, sasa, wengine wanakwenda mbali hata wanakuwa washupavu wa dini. Sasa, wao wanakwenda upande ule mwingine. Nao wanafikiri, kwa sababu eti tu wanarukaruka, ama wanapata namna fulani ya mhamaniko ama msisimko wananema kwa lugha, ama-ama-ama wanatoa unabii uliotokea kuwa ni wa kweli, ama kitu fulani kama hicho, wanafikiri Hilo ndilo jambo lenyewe, ya-ya kwamba wamelipata. Lakini, sivyo.

Yesu alisema, "Wengi watanijia Mimi siku ile, na kusema, 'Bwana, sikutoa unabii kwa Jina Lako? Katika Jina Lako nikafanya kazi nyingi, na kutoa pepo?'" Alisema, "Ondokeni, sikuwajua kamwe," Mnaona? Hilo silo, rafiki.

Hiyo ndiyo sababu...Na, lugha, ati ni ushahidi? Ninaamini katika kunena kwa lugha, lakini sikuchukui kuwa ndio ushahidi pekee wa Roho Mtakatifu. La, bwana. Tunda la Roho mtakatifu ndio ushahidi. Unaona? Naam. Sasa unaona, hiyo ndiyo sababu nimehitilafiana na mwenendo wa ndugu wa Kipentekoste, katika njia hiyo, kwamba wao wanasema, "Kama mtu akinena kwa lugha, yeye ana Roho Mtakatifu." Sikubali. Hiyo si ishara ya kwamba yeye ana Roho Mtakatifu. Unaona?

Nimesikia mapepo yakinena kwa lugha haraka tu yalivyoweza kunena, wanakunywa damu kutoka kwenye fuvu la kichwa cha mwanadamu, na kumwita ibilisi aje.

126 Nimewaona Wahindi wakichukua nyoka na kujisokotea katika miili yao katika-katika dansi la mvua huko Arizona; wanainua mikono yao juu namna hiyo, na kuzunguka mbio moja kwa moja. Mchawi anatokea, akijichanjachanja. Kisha anaweka penseli chini, nayo inaandika katika lugha isiyojulikana, na kuifasiri. Unaona?

Kwa hiyo, usininii, usiniambie jambo hilo. Mimi ni mzee sana kwa mambo hayo. Unaona?

Kwa hiyo-kwa hiyo tu-tunda la Roho ni ninii...Yesu alisema, "Kwa matunda yao," si lugha wala misisimko, "lakini kwa tuda lao mtawatambua." Unaona? Kwa hiyo hilo ndilo tunda la Roho. Ni Mungu akijifunua Mwenyewe katika unyenyekevu, utamu, na kila siku ni vile vile. Ni kitu fulani kuhusu jambo hilo, mtu ambaye hudumu moja kwa moja na Neno. Kila wakati anapoliona Neno, yeye huliitikia kwa "amina," haidhuru watu wengine wanasema nini. Hilo, yeye huliamini, unaona. Vema. Unaona?

127 Lakini tunakwenda umbali wa kutosha, halafu, kutegemea kitu cha ushupavu wa dini, na Shetani anaingia kati ya watu. Hiyo ndiyo kazi ya Shetani. Naye ni mfanyabiashara hodari. Naye anaingia kati ya watu, anawafanya kufikira ya kwamba wamempata eti kwa sababu tu wanaweza kuruka-ruka. Halafu eti umchukie jirani yako? La!. Unaona?...ku-kusema mambo, na kunena kwa lugha vizuri sana tu, na mambo kama hayo.

Na, kumbuka, unaweza kunena kwa lugha halisi za Roho Mtakatifu na bado usiwe na Roho Mtakatifu. Biblia ilisema hivyo. "Nijaposema kwa lugha za wanadamu na za Malaika, na nisiwe na upendo, hainifaidii. Nimekuwa ni shaba iliayo, na upatu uvumao." Wakorintho wa Kwanza 13. Unaona? Kwa hiyo huninii...Si kwa hilo, unaona.

128 Mmethodisti akasema, "Tulipopaza sauti kwa nguvu, tulimpata," lakini hawakumpata. Mnazarayo akasema, "Walipoishi kitakatifu, walimpata," bali hawakumpata. Mpentekoste akasema, "Tunanena kwa lugha, tumempata," lakini hawakumpata. Unaona? Unaona? 249 Mungu, akijifunua, si katika msisimko. La, hiyo...Misisimko, hata hivyo, huambatana Naye. Mnapaona mahali hapo? Linakuwa la kinyofu sana hata mtu yoyote anaweza kuliona, kama hu-kama hujaribu kuweka, kuingiza akili yako mwenyewe katika hilo, unaona, na mawazo yako mwenyewe. Ni Mungu.

Sasa, na ndipo wao wanakuwa kundi la washupavu wa dini. Halafu, hapa kuna wale baridi wa kifesturi upande huu; hapa kuna washupavu wa dini upande huu mwingine; na huyu hapa Bibi-arusi akienda moja kwa moja kuyapita hayo yote, akiita toka pande zote mbili. Hiyo ni kweli. Mungu akithibitisha jambo Hilo anapoendelea, Neno Lake. 251 Sasa, loo, sina budi kuruka baadhi ya aya kwa sababu nina mengi sana hapa. Nami nina-nina....Wakati wangu umekwisha. Nitaharakisha upesi niwezavyo sasa.

129 Tangu Edeni, limekuja toka Edeni, ime-imetabiriwa atakuja Masihi; kote kote tangu Edeni.

Sasa nitaruka baadhi ya Maandiko yangu machache niliyoandika hapa chini, na muhtasari, kusudi tuumalize Ujumbe huu, mapema, kama nikiweza. Mungu akijificha katika unyenyekevu. Sasa, nitazungumza kwa haraka, lakini, hata hivyo ni, ni-nitawataka mlipate jambo hili. Mnaona?

130 Tangu Edeni, ilikwisha kutabiriwa ya kwamba atakuja Masihi. ilitabiriwa atakuwa ni mtu wa namna gani. Tungekaa kwa muda mrefu. Mnajua Biblia, kile Yeye angekuwa, angekuwa ni mtu wa namna gani. Musa alisema, "Bwana Mungu wako atakuondokeshea Nabii, kama nilivyo mimi." Wao walijua ya kwamba Masihi huyo alikuwa awe nabii, namna ya huduma atakayokuwa nayo. Manabii wote walinena juu ya yale ambayo angefanya. Walinena hilo kwa mafumbo. Nalo likapita moja kwa moja juu ya vichwa vyao, na moja kwa moja chini ya wengine wao. Mnaona? Mnaona? ikapita chini ya mmoja, na juu ya mwingine. Unaona?

Hata wakati alipowasili kwenye jukwaa la wakati, watu ambao alitumwa kwao walikuwa na tafsiri yao wenyewe ya yale aliyopaswa kuwa, katika fasiri yao ya kuwazia.

131 Biblia haikubadilika kamwe. Biblia daima ni ile ile. Hiyo ndio sababu ninasema, "Maandiko yalisema, nami nadumu na Hilo, 'Biblia si ya kufasiriwa atakavyo mtu mwenyewe.'"

Kwa hiyo, Wamethodisti, Wabatisti, Wapentekoste, msijaribu kuweka fasiri zenu kwenye Hilo, kusema, "Halimaanishi Hivyo. Linamaanisha hivi."

Linamaanisha vile tu lilivyosema, ni sawa tu kabisa. Mtu fulani alisema, "inawezekanaje?" Sijui ni jinsi gani. Hilo si juu yangu kusema jambo hilo. Mungu ndiye anayepaswa kushughulikia jambo hilo. Yeye ndiye alisema jambo hilo, si mimi, unaona, naye atawashughulikia walio Wake.

132 Lakini sasa, lakini, Masihi huyu alikuwa ametabiriwa. Hao manabii walisema vile hasa yeye atakavyokuja, yale atakayoyafanya atakapokuja. Lakini, tafsiri yao wenyewe ya jambo hilo, miongoni mwa watu! Na wakati alipokuja, alikuwa katika namna rahisi sana, katika urahisi, mpaka kundi lote zima la kanisa likajikwaa kwenye jambo hilo. Hivyo ni kweli? [Kusanyiko linasema, "Amina."- Mh.] Hapo, watu wale, waliofundishwa...

Mtu hangeweza kuwa mwalimu, kuhani, mpaka awe alizaliwa katika ukoo fulani, baada ya Lawi. Na, wazia tu, babu wa babu wa babu wa babu wa babu wa babu wa babu wa babu yake alikuwa kuhani, amedumu moja kwa moja katika hilo Neno, hekaluni, usiku na mchana.

Kama vile kasisi wa Katoliki ama mhudumu ambaye-ambaye amerithi cheo hicho, kutoka kizazi, kwa makanisa fulani, na kadhalika, " babu wa babu wa babu yangu alikuwa askofu wa Methodisti. Babu yangu alikuwa askofu, na kadhalika." Unaona?

133 Hao wote, waliishi kulingana na Neno, bali walikuwa wametengeneza njia yao wenyewe ya jambo hilo. Na watoto wao walikuwa wamelikubali hilo kulingana na jinsi ambavyo baba zao walikuwa wamelifundisha. Mpaka, baba zao walikuwa wamewafundisha vibaya kutoka kwenye ile njia halisi, nao walikuwa wamejiundia madhehebu, mpaka, wakati Roho alipojaribu kuonyesha ile kweli, hawakuweza kuipokea.

Na ndio jambo lile lile leo. Sina maana ya kuwa mkali, bali hiyo ni kweli. Ni jambo lile lile leo. Wao wanalifanya kuwa ninii sana-gumu sana, na-na kuliweka vinginevyo. Wanafundisha nanii wao...Kama tu vile ilivyokwisha kunenwa, "Mungu hana wajukuu wowote." Mnajua jambo hilo? Mungu ana wana, na ana mabinti, bali hana wajukuu wa kiume na wakike. Kila mtu hana budi kulipia gharama ile ile na kupitia njia ile ile. Kama tu vile alivyofanya baba yako, nawe huna budi kufanya hivyo hivyo.

134 Sasa, kwa hiyo, Yeye alikuwa ni mrahisi sana. Wakati Masihi huyu...Kwa miaka elfu nne, kila nabii alinena habari Zake; Daudi aliimba sifa zake, na tokea zamani zote. Na hapo Yeye alipokuja, watu walikuwa wamejijengea wazo lao wenyewe, yale Yeye anayopaswa kufanya, jinsi gani atakwenda kutekeleza. Jinsi yote yalivyoelezwa, yakachorwa kwenye ramani na kila kitu, hivi kwamba, wakati ulipokuja kwa njia hiyo rahisi kabisa, jambo hilo lilininii tu-lilibomoa tu thiolojia yao. Unaona, wao hawakujua jambo hilo.

Yeye alikuja kulingana na Neno. Sasa, unaamini ya kwamba Mungu alinena kupitia kwa manabii, ya kwamba Masihi huyo angekuja kwa njia fulani? Ninasikitika sana hatuna kama saa moja lingine ambayo tungeweza kupitia hapo na kueleza jinsi ilivyokuwa. Unaona? Sote tunajua jinsi ilivyokuwa, hata hivyo, wengi wetu. Jinsi Mungu alivyosema angekuja, na jinsi ambavyo, "Nawe, Bethlehemu wa Yuda, hu mdogo kamwe katika..." na kupitia njakati zote kule, na jinsi vile angefanya, na yale angelifanya. Unaona?

135 Na, hata hivyo, Yeye alikuwa ni mrahisi sana! Mpaka, wale wanachuoni wakuu walichanganyikiwa sana na jambo hilo, hata wakalikosa. Lakini, mnajua Yesu hakuja kinyume na Neno. Alikuwa kulingana na Neno, lakini kinyume na fasiri yao. Unaona? Alifundisha mambo ambayo yalikuwa kinyume na mafundisho yao ya kidini kumhusu Yeye.

Sasa, wao walisema, sasa, kwa mfano, "Masihi ajapo bila shaka, Yeye atakuja hekaluni na kusema, 'Kayafa,' ama yeyote yule aliye kuhani mkuu, 'nimewasili'. Atakuja na gwaride la heshima la Malaika milioni kumi. Ndipo Mungu atasema 'Sawa, jamani, ninyi kule chini, kwa kweli ninyi nini kanisa kuu. Ninyi ndio watu wangu. Nitapiga hendeli hapa na kushusha chini vipandio vya Mbinguni. Nitawatumieni Masihi, asubuhi ya leo. Nitazishushia papo hapo uani, na watu wote na wakusanyike hapo.' Aseme, 'Daktari Fulani, wewe na Daktari Fulani, nyote mtangulie mbele ya yote, mpate kuwa wa kwanza kumsalimia, mnaona.'"

136 Sasa hilo labda ndilo jambo fulani ambalo ni kama vile wanaloliwazia leo. Sasa, ninajua kidogo ni...Linatikika kidogo kama ni la kijinga. Lakini mimi si ninii...ninajaribu kusema jambo muhimu.

"Na-na, hapo, hivyo ndivyo itakavyokuwa. Na kama haiji hivyo, si sawa; ni pinga-kristo. Mnaona? Kama tu haliji namna hiyo ni upinga kristo, unaona, kwa hiyo haitakuwa. Na kwa hiyo, basi, kutakuwako na...Halafu, kitu kingine kitakachoshuka, kitakuwa ni gwaride la hashima la Malaika kama milioni kumi, pamoja na bendi zao. Nao watashukia kule nje uani, pale ambapo Sulemani alijenga hekalu, na, loo, kila mahali hapa kupanda na kushuka, mahali hapa patakatifu ambapo walifia watakatifu na wenye hekima, na kadhalika!"

137 "Naam," Yesu alisema, "enyi wanafiki! Enyi wana wa ibilisi!" Kasema, "Mnayapamba makaburi ya manabii, na baba zenu ndio waliowaweka mle." Hiyo ni kweli. Hiyo nikweli. Mnaona? "Ni watu wangapi wenye haki na manabii waliotumwa kwenu, na hata hivyo mkawaua kila mmoja wao!" Mnaona? Lakini ni akina nani ambao Yeye angewaita "wenye haki" basi? Wale ambao wanawaita, 'washupavu wa dini na wenda wazimu.'" Naam.

Hapo, walidhani ndivyo ingetukia.

Lakini, wakati, yeye alipokuja kwenye hori, amezaliwa na bi-bikira, huku seremala wa kawaida tu akiwa ndiye baba yake wa kambo, na maskini, msichana mdogo asiyejulikana. Unaona, si binti wa kuhani mkuu, ama chochote kile. Yeye-Yeye alikuja kama...kutoka mama mdogo aliyeishi katika-katika maskini, nchi duni ya kale iliyoitwa Nazareti. Na ni mwanaume mjane wa kawaida tu; mkewe alikuwa amekufa. Alikuwa na watoto wachache; Yusufu. Na-yeye naye akaposwa. Na halafu Yeye akaja na jina baya, kwanza. Wao walisema Yeye alizaliwa kiharamu. Loo, jamani!

138 Hilo lilitwanga elimu yao kwa nguvu sana. Unaona? Maadili ya elimu yao hayangeweza kumeza hayo. Fasiri yao ya Maandiko haikujua kitu juu ya jambo hilo, lakini hata hivyo ilikuwa ni HiVi ASEMA BWANA. Loo, jamani!

Linanitetemeshwa, kuliwazia jambo hilo, na kuona jambo lilo hilo likitukia tena. Mungu hawezi kubadilika.

Ni saa sita tayari. Nawaombeni mninii tu...Nikome, ama ninii tu... [Kusanyiko linasema, "La. Endelea."-Mh.] Asanteni. Hebu tulieni tu kwa muda kidogo zaidi, mnaona. ["Endelea tu."] Sasa, hii ni, ninaweka msingi jambo fulani hapa kwa ajili ya Ujumbe unaokuja, unaona. Nami nitajaribu kuwaachieni mtoke upesi sana, labda katika dakika nyingine kumi ama kumi na tano zinazofuata, tukiweza. Mungu awabariki.

139 Angalia, sasa, ni rahisi sana, hata li-li-lilikosa tu shabaha, kwao. Lakini lilipiga shabaha ya Mungu. Unaona, liligonga Neno. Yeye alikuja sawasawa tu kulingana na alivyosema. Lakini, wao, tafsiri zao za jambo hilo zilikuwa mbaya. Tafsiri ya mkombozi katika wakati wa Munsa ilikuwa ni makosa. Tafsiri katika wakati wa Nuhu ilikuwa ni ya makosa, unaona, lakini Mungu huja kulingana na Neno Lake.

Na ndipo Yesu akaja, Naye-Naye alifundisha mambo yaliyokuwa kinyume. "Kama Wewe ndiwe Masihi, fanya "kadha wa kadha," unaona. "Kama Wewe ni nanii, shuka msalabani na utuonyeshe jambo hilo sasa." Unaona? Lakini Mungu si mtumbuiza watu kwa kuwachekesha. Mungu hufanya tu mambo yanayopendeza na yaliyo kweli.

140 Wao walidhani Mtu kama huyo bila shaka hana budi kuja na gwaride kuu la heshima la Malaika. Lakini alikuja kwa njia ya hori la ng'ombe. Na, kwa maadili yao ya kielimu, ilikuwa ni jambo la dhahaka kwa mwanadamu wa kawaida kufikiri ya kwamba, Mwenyenzi Mungu, yule Yehova mkuu na mwenye nguvu, Ambaye ndiye mwenye nchi na aliyeumba kitu hicho chote, hangeweza kumtengenezea Mwanawe Mwenyewe mahali pa kuzaliwa, mahali palipo pazuri zaidi, kuliko zizi fulani la ng'ombe juu ya lundo la samadi. Kungewezaje ... Unaona?

ilikuwa ni nini? Mungu katika urahisi. Hilo ndilo lililomfanya kuwa mkuu sana. Unaona, maadili ya elimu hayawezi kujidhili yenyewe namna hiyo; unaona, hayawezi kustahimili jambo hilo. Lakini Mungu ni mkuu sana hata alijishusha kufikia hapo, hana hata nguo ya kumvalisha Mtoto Wake Mwenyewe. Wazia jambo hilo! Na ulimwengu ... Hapakuwepo na nafasi katika nyumba ya wageni. Naye akaingia katika hori la ng'ombe, mwamba m-mdogo, pango do-dogo, kitu kama hicho, nyuma huko ndani ya kilima. Ndipo huko kwenye kitanda cha manyasi makavu akaja Mwana wa Mungu. Loo, hiyo

ilikuwa ni tofauti sana na mkutano kule ...

141 Na mama yake alikuwa anatazamia kujifungua. Alionekana ana mimba, loo, miezi kadhaa kabla hata wao hawajafunga uchumba wapate kufunga ndoa...ama hata kufanya ndoa. Unaona? Alikuwa anatazamia kujifungua. Nao watu waliona jambo hilo, nao walijua hali ilikuwa ya namna hii. Na, Mariamu, katika moyo wake mwenyewe, alijua yaliokuwa yanatendeka.

Na Yusufu hakuelewa. Lakini Malaika wa Bwana alimjia usiku, akisema, "Yusufu, wewe ni mwana wa Daudi. Usihofu kumchukua Mariamu mkeo, kwa sababu hilo si jambo baya lakini huyo ni wa Roho Mtakatifu." Hilo lilitosha.

142 Mtu huyo, Yusufu, alikuwa na uhusiano mkubwa sana na Mungu, mpaka Mungu aliweza kunena naye.

Lakini siku hizi tumevaa makoti yetu ya kidini yakiwa yametubana sana mpaka hakuna kitu kinachoweza kunena nasi, nje ya kundi letu la kanisa. Sitaki kuwa mkali ama mpinzani sana, kwa hiyo nitaachilia jambo hilo papo hapo. Angalia. Lakini mnafahamu ninalomaanisha. Angalia.

143 Zizi lilikuwa ni kichekesho, kwao, wasomi. Hata hatuna kumbukumbu yoyote na mahali pale alipowahi kuhudhuria shule siku moja; na hata hivyo, akiwa na umri wa miaka kumi na miwili, mvulana wa kawaida aliwafadhaisha makuhani hekaluni, kwa mafundisho yake. Loo, jamani! ilikuwa ni nini? Mungu akijificha...?...Ninajisikia wa kiroho sana sasa hivi. Mungu akijificha horini. Mungu akijificha ndani ya Mtoto mchanga.

Unaona? Angalia, itajidhihirisha, baada ya muda kidogo, hata hivyo, unaona. ilibidi kufanya hivyo.

Wakati alipopita mitaani, wazee bila shaka, wangenena na kusema, "Msicheze na Mtoto yule. Msishirikiane naye. Mamaye si kitu ila kahaba wa mitaani, mnaona. Na huyo baba yake na mama yake huyo mtoto alizaliwa...Kabla kweli hawajafunga ndoa, alikuwa anatazamia kujifungua. Achaneni na kitu hicho."

144 Ni ya ajabu vipi yale Mariamu aliyowazia! Lakini, yote kwa ujumla, haidhuru watu huko nje waliwazia nini, yeye aliyatafakari mambo haya yote. Waliyaficha mioyoni mwao. Walijua. Hawangesema jambo baya dhidi yake.

Mungu husema na mtu Wake, wakati mwingine, kama, "Tulia. Usiseme kitu juu ya jambo hilo."

Nimekuwa na watu katika mikutano yangu wakisema, "Vema, iwapo wewe ni mtumishi wa Kristo, unajua jambo hili linaendelea kule." 287 Hakika, nilijua lilikuwa linaendelea. Lakini basi utafanya nini wakati Yeye anaposema, "Nyamaza. Usiseme kitu juu ya jambo hilo?"

145 Niliwachukua watu fulani juzi juzi, na kuwaonyesha, kwenye kitabu. "Kitu fulani kilichonenwa, miaka mingi iliyopita", nikasema.

Kasema, "Vema, singeweza kuelewa jambo hilo."

Nikasema, "Mnaona hapo?" ilikuwa ni hili hapa, siku zilizopita huku nyuma, nimeandika tarehe yake na kila kitu, wakati ilipotukia huku nyuma. Watu wengi walikuwa wameliona humo kwenye kitabu. Nikasema, "itaja kuwa ya kwamba hili litafanyika hivi na vile."

Kasema, "Vema mbona hukusema neno juu ya jambo hilo?" ingesababi...ilipaswa kuwa namna hiyo. Unaona?

146 Naye Yusufu alijua vinginevyo. Alijua Mtoto huyo mchanga alikuwa ni wa Nani. Mariamu alijua alikuwa ni wa Nani. Yesu alijua Baba yake alikuwa ni Nani. Yeye alisema nini? "Sina budi kuwa katika kazi ya Baba Yangu." Si kupasua mbao kwa msumeno na kutengeneza mlango; lakini katika kazi ya Baba yake. Amina. Alimwambia hayo mama Yake, "Je, hamwezi kuelewa ya kwamba, Mimi, ni wakati Wangu wa kuwa katika kazi ya Baba Yangu?"

147 Sasa, wao walidhani, "Maskini Mtoto huyu aliyerukwa na akili..." Mtoto yeyote haramu kwa namna fulani amekaa kiajabuajabu, kitu cha ajabu, hata hivyo. Na hivyo ndivyo ilivyo, unaona, lakini, Mungu akijificha. Sikilizeni, Mungu akijificha katika yale yaliyowaziwa, na ulimwengu, kama, "Uchafu, upotovu, haramu."

Angalia, Mungu hujificha katika kuoza kwa mbegu iliyokufa, apate kuleta uhai.

Unaona? Mnalipata? [Kusanyiko, "Amina."]

Mungu hujificha katika maskini mwanamke dobi wa kawaida. Ama kwa mwanamume wa kawaida anayabeba chakula chake mkononi, anamuaga mkewe na watoto wake kwa busu, na kutoka aende zake huko, na pengine ajifiche katika mtu huyo apate kufanya kitu fulani ambacho askofu mkuu hangejua kitu hicho ni nini. Unaona? Humsikii akipiga mbiu zozote na kutangaza. Yeye, Mungu, ndiye anayepata tu utukufu, hivyo tu. Watu wa kawaida wamelisikia na wanafurahi, unaona.

148 Sasa, Mungu alikuwa akijificha Mwenyewe katika urahisi wa Mtoto mchanga, akijificha Mwenyewe katika urahisi wa jamaa ya ka-kawaida, Mungu! Nao watu wa dini, na watu wakuu, wenye bongo, wenye akili nyingi sana, na-na hao wote, na akina Herode, na kadhalika, wa siku zile, na akina Nero, na hao wote walilipuuza. Mungu akijificha katika urahisi.

149 Sasa, upesi. Yohana Mbatizaji, katika isaya 40. Tungeweza kuifungua kama mkitaka. Malaki 3. Yote, naam, iandikeni kama mkitaka. isaya 40, yote mnajua ikinena amani kwa...kama ilivyo. Labda mimi...Huenda ikawa ni jambo zuri ya kwamba ni-ni-ningeisoma papa hapa, kama mnamna wakati wa kufanya hivyo. [Kusanyiko linasema "Amina."-Mh] Hebu na tufanye hivyo, kwa muda mfupi tu. Tutafunga hapa katika kitabu cha isaya, sura ya 40, na-na tusome hapa na tuone tu yale anayosema juu ya jambo hili sasa. Angalieni hapa, "Watulizeni mioyo, watu wangu."

150 Sasa, kumbukeni, hii ilikuwa ni, miaka mia saba na kumi na miwili. Angalia kwenye kichwa cha maneno pale, unaona. Miaka mia saba na kumi na miwili kabla yeye hajazaliwa, huyu hapa nabii akinena habari zake.

Watulizeni mioyo, watulizeni mioyo, watu wangu asema BWANA.

Semeni maneno ya kuutuliza Yerusalemu, kauambie kwa sauti kuu ya kwamba vita vyake vimekwisha, ya kwamba uovu wake umeachiliwa; kwa kuwa amepokea...Mkono wa BWANA adhabu maradufu kwa dhambi zake zote.

Sikiliza, ni kwa sauti ya mtu... akilia nyikani, itengenezeni njia ya BWANA; nyosheni jangwani njia kuu kwa Mungu wetu.

Na kila bonde litainuliwa, na kila mlima na kilima kitashushwa; palipopotoka patakuwa pamenyoka, na palipoparuzi... patasawazishwa;

Loo, jamani, jamani! Huyu alikuwa awe mtu wa namna gani! Unaona?

151 Sasa fungua Malaki, pamoja nami, Kitabu cha mwisho cha...nabii wa mwisho katika manabii wa Agano la Kale. Sasa, katika Malaki sikilizeni hapa. Malaki alichukua, ilipofika tu wakati wa mwisho, basi uhakikishe hutalisahau. Malaki, sura ya tatu.

Angalieni, namtuma mjumbe wangu, naye ataitengeneza njia mbele yangu; naye Bwana mnayamtafuta atalijilia hekalu lake ghafla; naam, yule mjumbe wa agano mnayemfurahia, angalieni, anakuja, asema BWANA wa majeshi

Angali akinena kuhusu Yohana, "Nitamtuma mjumbe Wangu mbele Zangu, kuitengeneza njia," Yesu alinena habari zake, katika Mathayo 11:10, alisema:

Kama mnaweza kulipokea, huyo ndie aliyenenwa habari zake, Tazama mimi namtuma mjumbe wangu mbele ya uso wangu,...

Unaona? Hiyo ni kweli.

152 Sasa, jinsi hawa wote walivyonena! Wakati, ilikuwa kwa miaka mia saba, kulikuwa kuwepo na mtangulizi atakayekuja kabla ya Masihi. Lakini wakati alipotokea jukwaani, katika urahisi namna hiyo, liliwapita. Liliwapita.

Kumbukeni, yeye alikuwa mwana wa kuhani. Vema, angalia jinsi jambo hilo lilivyokuwa haliji yeye kutoirithi kazi ya babaye, arudi kwenye seminari. Lakini kazi yake ilikuwa ni muhimu mno. Akiwa na umri wa miaka tisa, alikwenda jangwani. Na akatoka, akihubiri. Liliwapita. Alikuwa ni wa kawaida mno, rahisi kupita kiasi, kwa elimu yao ya hali ya juu kumwamini mtu kama huyo. Wakafikiria, wakati mtu huyu atakapokuja... 301 Vipi kuhusu, "Kila mahali palipoinuka patashushwa, na mabonde yote yatainuliwa, na mahali pote palipoparuzi patasawazishwa"? Daudi alilionga jambo hilo, na akasema, "Mimilima iliruka kama kondoo dume wadogo, na majani yakapiga makofi." [Ndugu Branham anapiga makofi mara kadhaa-mh.]

153 Ati nini? Yalitukia? Maskini jamaa mwenye masharubu kama huyo, asiye na elimu hata kidogo, amevaa kipande cha ngozi ya kondoo, akija huku anajikwawaa akitokea katika nyika za Yuda, akisema, "Tubuni, kwa maana Ufalme wa Mbinguni umekaribia. Na ninyi kundi la majoka, msifikirie kusema, 'mimi ni wa madhehebu fulani.' Mungu anaweza kutoka katika mawe haya kumuinulia ibrahimu watoto." Jamani! " Vema, huyo siye pale. Tunajua huyo siye."

Lakini alikuwa ndiye! Unaona, alikuwa akisafisha njia. Unaona? Hapo ndipo mahali palipoparuzwa paliponyooshwa. Hapo ndipo mahali palipoinuka paliposhushwa. "Msifikiri mna ibrahimu kama baba yenu. Msianze kuniambia upuuzi kama huo, maana Mungu anaweza kutoka katika mawe haya kumuinulia ibrahimu watoto." Maali palipoinuka palishushwa. Loo, jamani! Hivyo ndivyo ilivyo. Naam. Unaona tofauti yake?

154 Yeye alisema hilo ndilo lingetukia. Nao walipokuja, walidhani, loo, jamani, walikuwa tayari kumpokea, kama angekuja kwenye madhehebu yao wenyewe. Lakini kwasababu...Yeye alikuja kwa namna hiyo, katika njia rahisi namna hiyo. Hata hivyo, katika kuyafasiri Maandiko, mahali palipoinuka palishushwa. Wao hawakutaka kukubali jambo hulo, lakini walishushwa.

Loo, aliwanyoa. Aliwachuna ngozi kweli kweli. Kasema "Enyi kundi la majoka! Enyi majoka nyasini! Ninawaambia, shoka limewekwa penye shina la mti. Na kila mti ambao hauta zaa matunda, unakatwa na kutupwa motoni. Mimi kweli nitawabatiza kwa maji, lakini kuna Mtu anayekuja baada yangu, Ambaye ana nguvu kuliko mimi; yeye atawabatiza kwa Roho Mtakatifu na kwa Moto. Na pepeto Lake liko mkononi mwake. Atausafisha uwanda kweli kweli. Ataku-... atakayeteketeza makapi kwa moto; na kuiteleka ngano ghalani." Amina.

Hapo ndipo mahali palipoparuzwa paliponyoshwa, unaona, lakini watu hawakufahamu jambo hilo. Lakini ni kulingana tu na Neno, na vile vile tu Neno lilivyosema. Ni rahisi sana, hivi kwamba wakalikosa. Walikosa kuliona.

Usiwe kipofu namna hiyo. Unaona? Usiwe kipofu namna hiyo. Kwa hiyo, sikiliza sasa.

155 Wao walilikosa. Alikuwa wa kawaida mno, kwa yale waliyoweza kuamini kulingana na mtu kama huyo, hata wakalikosa. Tena, ilikuwa ni kitu gani? Mungu, ambaye ni Neno, akijificha katika urahisi; si kasisi mwenye ukosi uliupiduliwa, aliyekuwa mwerevu, ana elimu.

Yesu aliwauliza jambo lile lile. Alisema "Mlitoka kwenda kuona nini?" Wakati wanafunzi wa Yohana walipokuja. Kasema, "Mlikwenda kuona nini? Mlikwenda kuona mtu aliyevaa vazi la kuhani, wajua, na mavazi mororo," akasema, "mhubiri wa namna hi-hi-hi-hiyo?" Akasema, "Mlikwenda kumwona huyo?"

Kasema, " La. Watu wa aina hiyo hubusu watoto wachanga, na, wajua, na kuzika wafu. Wao, hawajui chochote kuhusu upanga ukatao kuwili katika mstari wa mbele wa vita. Walikuwa wako huko nje na hotuba ya kielimu, kwenye Kilabu cha Kiwani ama chochote kile, wajua. Wao wanajisikia sawa huko. Lakini inapohusu vita huku nje, kupigana hawajui lolote kuusu hilo. Wao-wao, wao wako kwenye nyumba za wafalme. Hujipumbaza na watu mashuhuri kama hao."

Lakini akasema, " Basi mlikwenda kuona nini? Mlikwenda unyasi ukutikiswa na upepo wowote? Mtu ambaye angeweza kusema...Mtu fulani aseme, 'Unajua, wewe ni wa-wewe ni wa Umoja; lakini kama utakuja huku kwa Waassemblies, nitakwambia nitakachofanya, tuta-tutalifanya ... Ninaamini nitafanya jambo hilo.' Aha! Ati unyasi, unaotikiswa? Si Yohana. La, la, La.

156 'Kama utakuja, uwe Msadukayo na si Mfarisayo, ama kitu fulani, halafu?' Hukuona mtu yoyote akitikiswa na upepo; si Yohana." La, Bwana, ndugu; si yeye.

Akasema, "Basi mlikwenda kuona nini? Nabii?" ingetakiwa nabii kufanya jambo hilo, unaona. Akasema ...Sasa hiyo ilikuwa ni ishara ya nabii, unaona, Neno la Mungu lilikuwa pamoja naye. Neno humjia nabii. Unaona? Kasema, "Mlikwenda kuona nini? Nabii?" Kasema, "Ndiyo, hiyo ni kweli. Lakini, ninawaambia, na aliye mkuu kuliko hata nabii, kwa maana alikuwa hivyo."

Kwa nini yeye alikuwa mkuu kuliko nabii? Yeye alikuwa ni mjumbe wa lile Agano, hakika alikuwa hivyo, kuunganisha njia kati ya torati na neema. Yeye alikuwa jiwe la pembeni, ndani pale, lililonenwa habari zake.

Akasema, "ikiwa mnataka kukubali huyu ndiye yule ambaye nabii alinena habari zake, 'Tazama,' katika Malaki 3, "Nitamtuma mjumbe Wangu mbele za uso Wangu, unaona, naye aliitengeneza njia mbele Zangu." Unaona? Loo, alikuwa wa kawaida mno. Mungu akijificha tena katika urahisi.

157 Basi angalia alilofanya. Alihubiri juu ya Kristo ajae mwenye nguvu sana, "Yeye ana pepeto mkononi Mwake. Ataninii...Anakuja akipepeta njiani Mwake. Loo, ninamaanisha, Yeye atausafisha uwanda Wake kweli kweli. Ataokota makapi na kuyafagilia mbali na kuyateketeza kwa moto, pia. Hiyo ni kweli. Atakusanya ngano na kuiweka ghalani." Unaona, yeye alikuwa amevuviwa.

Lakini wakati Yesu alipokuja, wao walikuwa wakitazamia...Na hao mitume wote, wajua walikuwa wanatazamia jambo fulani kubwa sana lije. "Jamani, jamani! Loo, Yeye anakuja. Hilo ndilo lililopo juu ya jambo hilo. Jamani, Yeye atakuwa mkuu. Atawafukuza hao Warumi watoke katika uso wa dunia. Jamani! Atawafanya Wayunani waende upande huu na Warumi waende upande ule, atakapokuja."

Wakati alipokuja, ni maskini jamaa mnyenyekevu akisukumwa huku na huku. ilikuwa ni nini? Mungu akijificha katika urahisi. Loo, jamani!

158 Ndipo akasimama mwishoni mwa Ujumbe Wake, na kusema, "Ni nani awezaye kunihukumu ya kwamba nina dhambi? Yote yale Biblia iliyosema kwamba ningefanya...Kama sizitendi kazi za Baba Yangu, basi nihukumuni. Lakini Maandiko yanasema ningefanya nini, ambacho sijakifanya?" Dhambi ni kutokuamini, mwajua. "Ni nani anayeweza kunilaumu? Kama nawatoa pepo kwa vidole vya Mungu, basi nionyeseni mnayofanya juu ya jambo hilo." Urahisi!

Hata alijinyenyekeza hata mauti! Lakini, loo, katika asubuhi ile ya Pasaka, haleluya, hapo ndipo aliposafisha uwanda. Akafagilia mbali makapi, vema, ndugu. Naam, kweli. Nayo ngano ilitiwa muhuri ikawekwa ghalani. ikilala pale ardhini, ikiwa na Uzima wa Milele umepumzika ndani, ikingoje ile Siku kuu ambayo tutanena habari zake, kule Kuja kwa Bwana, wakati uhai huo utakapopata Uzima; nasi tutafufuka katika ule ufufufo, tutanyakuliwa pamoja naye hewani na kukusanywa Ghalani. Nayo magugu yatateketezwa kwa moto kule; maganda yaliyofungwa, na kujaribu kuivuta hivi ama vile yatateketezwa kwa moto usiozimika. Amina. Loo, Yeye si ni wa ajabu! [Kusanyiko linasema "Amina."-Mh.]

Wao walimkosa, Mungu katika urahisi.

159 Kwa nini? Kwa nini? Yeye hata hakuhubiri katika maneno ya kidini. Hakuhubiri hivyo kamwe. Hakuhubiri kamwe kama mhubiri. Unaona? Alihubiri kama...Alitumia maneno ya urahisi ya Mungu, matamshi kama "shoka limewekwa," matamshi ya "mti," matamshi ya "majoka." Si mwalimu fulani wa seminari, kama vile dini za wakati huo, kama daktari wa Uungu, Daktari zulani. Hakufanya hilo. Alihubiri kama mtu wa mwituni huko machakani ndani ndani mahali fulani. Alizungumzia kuusu mashoka, na miti na majoka, na vitu kama hivyo, na ngano, na maghala, na kila kitu namna hiyo. Angefikiriwa, leo hii, nadhani, mhubiri wa mitaani. Nafikiri aliitwa "mhubiri mzushi wa mitaani" katika siku hizo, akiwa amesimama penye kisiki huko chini kwenye maeneo ya karibu na Yordani. Lab-...Mungu katika urahisi, akijificha mbali na hekima ya ulimwengu.

160 Sasa hebu na tuone. Yesu alisema, "Nakushukuru, Baba, uliwaficha mambo haya wenye hekima za dunia, na uliwafunulia watoto wachanga ambao wanaweza kujifunza." Unaona? Mungu akijificha katika urahisi, katika Kristo. Mungu akijificha katika urahisi, katika Yohana. Unaona? Ninii tu...Unaona, Yeye-Yeye alikuwa...Wazia tu jambo hilo, Mungu katika urahisi, akijificha Mwenyewe mbali na hekima ya ulimwengu

Sasa tutafunga, mnamo dakika moja tu, ama mbili, maana sitaki kuwaweka kwa muda mrefu zaidi tena.

161 Angalieni, hebu na tusimame kwa muda kidogo, jambo fulani la kibinafsi. Hebu wazieni siku hizi tunazoishi, tukimaliza hili sasa. Fikirieni siku hizi tunazoishi Mungu anapokuja katika maskini mahali padogo pa hali ya chini ambapo tumekuwa tukiishi, akiwaponya wagonjwa. Na watu matajiri, na wenye kiburi na wenye kisomo cha juu sana, "Siku za miujiza zimepita. Hakuna kitu kama uponyaji wa Kiungu."

Mnakumbuka ule Ujumbe niliuhubiri moja kwa moja kutoka ile ng'ambo ya pili ya kisehemu hiki cha ardhi, ile asubuhi niliyoondoka kuhusu Daudi na Goliathi?

Kasema "Utakabilianaje na ulimwengu wenye elimu huko nje, Ndugu Branham na

mambo yote Haya?"

Nikasema, "Siwezi kujizuia jinsi vile nitakavyokabiliana nalo. Mungu alisema, 'Nenda.'" Unaona? Ni hilo tu, unaona. Ni Neno Lake. Yeye aliahidi. Saa hiyo imewadia.

162 Wakati yule Malaika ambaye mnamuona katika ile picha pale, aliposhuka kule mtoni siku ile, miaka thelethini iliyopita Juni hii ijayo, ama miaka thelethini na mitatu iliyopita, hasa, Juni hii ijayo; na kusema, "Kama vile Yohana Mbatizaji alivyotumwa," mbele ya watu elfu tano ama zaidi, "saa imewadia ambapo Ujumbe wako utakapotambaa dunia nzima." 328 Mnakumbuka zile lawama, kama yeyote wenu alikuwapo pale. Nadhani, Roy Slaughter, ama baadhi ya wanaoketi hapa, wanaweza kukumbuka siku ile; ama baadhi yenu, Bibi Spencer, ama-ama yeyote yule angekuwa baadhi ya watu wale wa siku nyingi hapa ambao wangewangejua mnaona; George Wright, ama baadhi yao, unaona, wanajua jambo hilo, jinsi ilivyokuwa. Lakini je, Hilo halikutimia? [Kusanyiko "Amina"-Mh.] Lilitimia.

Na halafu katikati, walipoukataa, na kusema, " Ni uponyaji tu wa kimawazo." Ndipo Mungu akageuka moja kwa moja na kumleta maskini komba, asiyeweza kusema, pale ndani, naye akaponywa kwa Nguvu za Mungu.

163 Lyle Wood na Banks, wakati tulipokuwa tumeketi pale na kujua Kweli iliyothibitishwa na Mungu. Wakati maskini samaki mdogo wa mtoni aliyekufa, akielea majini. Na ndipo Roho Mtakatifu akanena, siku iliyotangulia, alikuwa anakwenda kuwaonyesha Utukufu Wake na kufanya jambo fulani juu ya hilo. Na hapo asubuhi hiyo, nikiwa nimesimama pale, Na Roho Mtakatifu akashuka ndani ya mashua hiyo, nami nikasimama na kunena na samaki huyo. Naye akiwa anaelea pale majini, amekufa, kwa nusu saa; mashavu yake na matumbo yalikuwa yametokeza mdomoni mwake. Akafufuka, na akaogelea na akaenda zake vizuri tu kama samaki mwingine yeyote. Ni kitu gani? Mungu akijificha katika urahisi.

164 Mungu anaweza kutoka kwenye mawe haya kumwinulia ibrahimu watoto. Mungu anaweza kumponya komba, ama samaki, ama chochote kile. Kama ataleta Ujumbe Wake, nao watu hawatauamini, Mungu anaweza kumuinua komba auamini. Haleluya! Mungu anaweza kumfufua samaki aliyekufa. Anaweza kumuinua komba aliyekufa. Yeye anaweza. Anaweza kufanya lolote analotaka kufanya.

Ni kemeo la jinsi gani kwa kizazi hiki! Wakati wanapojikwaa katika Hilo na kuzozana juu yake na, "Hukufanya jambo hili na kufanya lile." Na ndipo Mungu anamleta mnyama wa kawaida. Unaona? Ni kemeo la jinsi gani! ilikuwa ni nini? Mungu katika urahisi, unaona, akijionyesha Mwenyewe kuwa mkuu, loo, jamani, anawakemea watu hawa wa kizazi hiki, kwa kutoamini kwao.

165 Sasa, wanafikiri sasa kama vile walivyofikiria siku zote, halina budi kutendwa jinsi vile wao watakavyo. "Sasa, kama kuna kitu kama uponyaji wa Kiungu ..." Kama vile, mtu mmoja Mkatoliki alivyoniambia jambo hili. Jamaa mmoja, hivi majuzi usiku, aliniambia jambo hilo. Mnajua habari zake. Alisema ... Huyu Ayers, niliyekwenda kushughulikia habari za mvulana wake kule Houston, alisema-alisema, "Vema, sasa, kama-kama hiyo ni karama ya Mungu, ingepaswa kupitia katika kanisa Katoliki." Mnaona? Mnaona? Naam, Wamethodisti walidhani ingebidi ije kwenye kanisa lao. Na Wapentekoste walidhani ingebidi ije kwenye kanisa lao. Lakini haikuja katika lolote la hayo.

ilikuja katika Nguvu za kufufuka za Yesu Kristo akijidhihirisha Mwenyewe. Hiyo ni kweli. Hakika, Yeye hufanya hayo. Naam. Angalia tu jambo Hilo. Usiliache likupite. Liwekeni chini ya moyo we-wenu, na mlukumbuke. Litafakarini hilo.

Halina budi kuja wapendavyo wao, kwa ajili ya ninii yao, kutokana na madhehebu yao wenyewe. "Na isipofanyika hivyo, si Yeye, unaona. Ni saikolojia tu, ama ni Yule Mwovu. Ni-ni ninii...Si Mungu. Kwa sababu kama ingalikuwa ni Mungu, yeye angepaswa kuja," kwa njia yao wao wenyewe, unaona "jinsi vile sisi tulivyolifasiri."

166 Hivyo ndivyo Yesu alivyokuwa amekuja kwa Mafarisayo. ilipaswa iwe namna hiyo. Unaona? Kama ninii wao...Kama Mungu alikuwa anakwenda ku-kumtuma Ma-Masihi, walikuwa wameisha tafsiri kabisa jinsi ambavyo ilibidi Yeye awe. Na kwa sababu alikuja tofauti, basi "Haikuwa Masihi. Alikuwa kitu fulani haramu. Alikuwa Beelzebuli." Lakini ilikuwa ni Mungu akijificha katika urahisi.

Mtangulizi lazima awe ni mtu fulani mwenye elimu ambaye ninii yao...Vema, mtu,

hapana shaka...Kila siku kila mwaka ambapo wao, naam, walipochagua wahudumu wao na kuwatumia huko nje kama wamishenari, kuongoa na kuwaleta; kila mmoja wao alidhani, " Huyu ndiye atakayekuwa yule mtangulizi ajae." Lakini Mungu alimuinua kutoka jangwani ambako hakukuwako na seminari hata moja, unaona, na mambo kama hayo. Unaona? Mungu akijificha katika unyenyekevu na katika urahisi.

167 Lakini sasa ngoja. Katika kufunga, tunasema jambo hili. Lakini kuukata Ujumbe rahisi wa Mungu; ku-ku kuukataa Huo, njia rahisi ya Mungu, ni kuangamizwa Milele. Sasa, hivyo ndivyo kiasi ninii...Tunazungumza jinsi ulivyo rahisi, na watu wanafikiri, vema, wanaweza kuucheka na kutoujali, na kuufanyia lolote watakalo, lakini huko ni kutengwa Milele na Mungu.

Wale waliokufa katika zile siku za Nuhu, na hawakuusikiliza ujumbe wake, waliangamia. Naye Yesu alikwenda akawahubiri wakiwa katika vifungo vya giza katika mauti Yake, kabla hajafufuka. Ndipo akaenda kuzimu, akawahubiri roho waliokaa kifungoni, watu wasiotubu hapo zamani katika uvumilivu katika siku za Nuhu; wakati ujumbe rahisi wa Mungu, kwa mtu wa kawaida, ulikuwa unahubiriwa. Alikwenda. Alisema, "Nuhu alihubiri ya kwamba ningekuwa hapa, na ndipo mimi hapa nimekuja." Hivyo ni kweli. Unaona?

168 Wale walioshindwa kuusikiliza ujumbe wa nabii huyo, Musa huko jangwani, ambao aliupokea kutoka kwa Mungu, uliothibitishwa vizuri sana na Nguzo ya Moto, na kuongozwa huko jangwani. Na halafu wanajaribu kuinuka na kujiundia madhehebu kwa ujumbe huo, nao wakaangamia na wakafa jangwani kila mmoja wao, ukiondoa watu wawili, Yohana na Kaleb.

Na kule, Ma-mafarisayo walikuwa vipofu sana hawakuweza kuona jambo hilo, waliangalia nyuma na kusema, "Baba zetu walikula mana, walikula mana jangwani,"

Na Yesu akasema, "Nao, hao kila mmoja amekufa."

169 Waliona Utukufu wa Mungu. Walitembea katika Nuru ile...Walitembea katika Nuru. Walitembea katika ile Nuru ya Nguzo ya Moto. Walitembea katika Uwepo wa Nguvu zake. Walitembea kupitia sehemu ambazo Roho Mtakatifu aliwafanyia wapate kupita. Walikula mana iliyoshuka kutoka Mbinguni, ambayo Mungu aliwapa. Nao wakapotea, na kwenda kuzimu. "Hao kila mmoja wao, amekuza." Kama ukilichukulia Neno hilo, ni "kutengwa Milele" na Uwepo wa Mungu. "Hao, kila mmoja amekufa" Unaona?

170 Kila mtu aliyemkataa Yesu ameangamia. Unaona ninachomaanisha? Kukataa urahisi huo wa Mungu! Si kitu tu cha ninii...Unasema, "vema, nilifanya kosa." Hulifanyi namna hiyo. Mungu halipokei namna hiyo. Unaangamia Milele. Afadhali tuwe tunafikiria jambo fulani. Sasa, hauna budi kutambulishwa vizuri na Mungu, unaona, na halafu, kama umetambulishwa, unakuwa ni Neno lake. Unaona? Loo! Kama wale waliomkataa Musa, waliomkataa Eliya, waliomkataa Yohana, waliomkataa Yesu, katika siku zao.

171 Hapa, hebu niwaambie tu jambo dogo sana. Na, basi, natumaini siwaudhi kupita kiasi. Lakini, angalieni. Juzijuzi niliitwa huko Houston, Texas, kujaribu kumuomba mtu msamaha. Kwa kuwakusanya watu pamoja, kuhubiri ujumbe, na kupata watu kule ili kutia sahihi msamaha wa-wa jamaa huyu mvulana kijana na kijana msichana. Mnajua waliingia katika ile shida. Nadhani mmesoma habari zao katika gazeti. Na huyo alikuwa ni mwana wa kambo wa Bw. Ayers.

Na Bw. Ayers ndiye alipiga picha ya yule Malaika wa Bwana, ile mnayoiona halisi pale. Mromani Katoliki na mkewe alikuwa ni Myahudi.

172 Naye alimuoa msichana huyu wa Kiyahudi. Hawangezungumza mambo ya dini kati yao, na kadhalika, namna hiyo. Naye Ted Kipperman, aliyekuwa pamoja naye katika biashara, alikuwa tajiri wa studio za Douglas.

Na wakati alipokuja kule, ambapo Bw. Best, Dk. Best, kanisa la Kibaptisti, alipoweka ngumi yake chini ya pua ya ndugu Bosworth, na kumtishia na hiyo ngumi na kusema "Sasa nipigeni picha, wakati nikifanya hivyo." Kasema "Nitaichuna ngozi ya mzee huyo na kuitundika kwenye chumba changu cha kusomea, kama kumbukumbu ya uponyaji wa Kiungu."

Nami kabla sijaenda huko Houston Texas, Bwana Mungu aliniambia niende kule. Nami nilikuwako kule katika Jina la Bwana. Na nyote mnajua ule mjadala na mambo yaliyotokea. Mmeyesoma katika vitabu, na kadhalika. Na hivyo ndivyo ilivyokuwa. Na usiku huo...Nilikuwa tu nikijaribu kutembea kwa unyenyekevu.

"Mbona," wao walisema, "wao ni kundi la majuha" Dk Best alisema "Hao si kitu ila kundi la majuha." Kasema hakuna watu wanaoamini katika upuuzi wa kuponya Kiungu kama huo. Hilo ni kundi la watu wa nyuma." Hawajui ya kwamba ilikuwa ni Mungu katika urahisi. "Mbona" walisema, "mtu huyo mweyewe hana hata elimu ya sekondari."

Yeye alikuwa amehitimu kwa digrii zote za wanachuoni alizoweza, mpaka alidhani angeweza kumkaba koo Ndugu Bosworth, apendavyo. Lakini ilipofika kwenye Neno, hakuwa hata sehemu moja ya kumi yake kuweza kushindana naye. Unaona?

173 Naye Ndugu Bosworth alijua mahali alipokuwa amesimama. Watu wake wengi, walioketi hapa sasa hivi walikuwapo kwenye ule mjadala. Na hivyo ndivyo ilivyokuwa.

Ndipo akaturukia vizuri kabisa, akisema ya kwamba tulikuwa eti sisi ni kundi la majuha. Kasema, "Watu wenye mawazo ya maana hata hawaamini jambo hilo."

Ndugu Bosworth akasema, "Hebu kidogo." Akasema, "Ni watu wangapi katika mji huu," wa watu takriban elfu thelathini usiku huo, waliokuwa wameketi katikati yetu namna hiyo, "Ni watu wangapi wa mji huu hapa, wanaohudhuria makanisa haya makubwa, mazuri ya Kibaptisti, wanaoweza kudhibitisha kwa maandishi ya daktari ya kwamba wameponywa na Nguvu za Mungu tangu Ndugu Branham alipokuwa katika jiji hili, wasimame." Na watu mia tatu wakasimama. "Na hao je?"

174 Hilo lilitosha. Mungu alikuwa akijificha katika urahisi. Kisha akasema, "Ndugu..."

Akasema, "Mleteni huyo mponyaji wa Kiungu. Hebu nimwone akimnuiza mtu fulani, halafu hebu nimwaangalie mwaka mmoja kutoka siku ya leo." Naye Ted Kip...

Naye Ayers pale, yuleyule aliyepiga picha hiyo akasema, "Bw. Branham si kitu ila mnuizaji. Nilimwona mwanamke aliyekuwa na tezi shingoni, namna hiyo, na," kasema, "alimnuiza mwanamke huyo. Kesho yake nilizungumza naye, naye hakuwa na tezi yoyote," Kasema "Mtu huyo alimnuiza." Na, loo, alinidhihaki tu. Kasema napaswa nifukuzwe niondolewe humo mjini, naye ndiye anayepaswa kufanya jambo hilo, unaona, na mambo yote kama hayo. Maandishi makubwa-makubwa kwenye ukurasa wa mbele wa gazeti la Houston Chronicle.

Mimi kamwe sikusema neon. Nilikuwa niko kule kutenda mapenzi ya Baba yangu, na ni hivyo tu; kudumu na Neno hilo. Yeye alinituma kule, na ni wajibu Wake.

175 Usiku huo nilipokwenda kule, nilisema, "Mimi-mimi-mimi si mponyaji wa Kiungu. La . Kama mtu yoyote akisema jambo hilo, nikasema, "wamekosea." Kisha nikasema, "Mimi sitaki kuitwa mponyaji wa Kiungu." Nikasema, "Kama Dr. Best hapa anahubiri wokovu, basi yeye hangependelea kuitwa Mwokozi wa Kiungu." Na nikasema, "Basi, nahubiri uponyaji wa Kiungu, sitaki kuitwa mponyaji wa Kiungu. Lakini yeye anasema si mwokozi wa Kiungu, bila shaka, yeye siye. Wala mimi si mponyaji wa Kiungu. Lakini, 'Kwa mapigo Yake sisi tuliponywa, mimi nalielekeza kwenye jambo Hilo.'" Unaona?

Na hivyo, yeye, "Upuuz!," Unajua, akarandaranda huku na huko.

Basi nikasema, "Lakini kama Uwepo na karama hii ya Mungu, huyu Malaika wa Bwana, kama Hilo linatiliwa shaka, Hilo linaweza kuthibitishwa." Yapata wakati huo, huyu hapa akaja, akishuka chini kwa upepo wa kisulisuli. Nikasema "Hakuna haja ya kuzungumza sasa. Yeye tayari amenena kwa niaba yangu." Ndipo nikatoka.

176 Ndipo nikaenda huko Houston, jiji hilo kubwa, moja ya majiji mazuri sana yaliyopo nchini, mahali popote. Nilipoingia humo, juzijuzi, ilikuwa ni aibu kuuangalia mji huo. Mitaa yake ilikua michafu. Kaunta za mahali hapo, moja kwa moja kupitia Mtaa wa Texas; ndipo nikaingia kwenye Hoteli ya Rice, ambapo wacheza sinema maarufu walikuwa wakikaa, na nikashuka nikaenda kwenye orofa ya chini, ule mgahawa, na dari imeanza kuporomoka, na lipu iko kwenye sakafu, na uchafu na takataka. Na ghasia miongoni mwa wahubiri ambako sijawai kuishi wala sijawahi kusikia maishani mwangu.

Kwa nini? Kukataa Nuru ni kutembea gizani. Hao hapo watoto wao walingojea hukumu ya kifo. Kweli. Mungu akashuka wakati ule. Urahisi ulipoonyeshwa kisha ukakataliwa, ndipo Mungu akajionyesha Mwenyewe katika urahisi.

Na hapo wakapiga ile picha ambayo imesambazwa kote ulimwenguni. Hata wanasayansi walisema ndicho Kiumbe pekee cha Kimbinguni kilichowahi kupingwa picha katika historia yote ya ulimwengu; na imetundikwa huko Washington D.C, katika ukumbi wa sanaa za dini. iko hapo, urahisi ukadhiirishwa, basi. Unaona? Unaona? Mungu akijificha katika urahisi, kisha akijidhihirisha Mwenyewe. Mnaona?

177 Sasa, Yeye akijificha katika mauti ya Kristo, lakini akijidhihirisha katika ufufuo. Loo, jamani. Na kadhalika, unaweza, tunanani tu...tunaweza ...Hakuna mwisho wake; tunaendelea tu kusema. Lakini hivyo ndivyo ilivyo, unaona.

Kukataa kusema kuna nuru ya jua, ni kuingia kwenye orofa ya chini na kufunga macho yako usione nuru. Na hiyo ni kweli. Na, kumbuka, jinsi unavyoweza kukosea, ni kwanza kukataa kweli. Unaona? Na kukataa kufungua macho yako, utaishi katika giza. Unaona? Kama ukikataa tu kuangalia utaonaje? Uaona? Angalia mambo yaliyorahisi. Ni yale mambo madogo ulioacha bila kuyashughulikia, si yale mambo makuu unayojaribu. Loo, jamani!

178 Halafu, angalia hapa, hebu niwaambieni. Katika Mal...katika Mathayo 11:10, Yeye alisema, "Kama mnaweza kulipokea, huyu ndiye yeye." Mnaona? "Huyu ndiye aliyetumwa mbele Zangu." ilikuwa ni rahisi.

Yeye aliulizwa siku moja, kasema, "Ni kwa nini waandishi wanasema basi ya kwamba..."

Yeye, Yeye akasema, "Mwana adamu anakwenda Yerusalemu. Ninakwenda kutiwa katika mikono ya wenye dhambi, nao watamuua Mwana adamu. Naye atakufa, na siku ya tatu atafufuka tena. Kasema, "Msimwambie mtu yoyote ono hilo, kule juu."

179 Nao wale wanafunzi, sasa wazia jambo hil, wale wanafunzi waliokuwa wametembea na Yohana waliozungumza naye, wakala naye, huko jangwani, waliketi kingoni ndipo wakasema, "Kwa nini waalimu wanasema ya kwamba imempasa Eliya kuja kwanza? Wewe unasema unapanda kwenda kusulubiwa, na ati utafufuka. Wewe ni Masihi, utachukua kiti cha Enzi. Sasa kwa nini waandishi...Maandiko yetu yote yanasema hapa, Maandiko yanasema dhahiri, ya kwamba, kabla ya kuja kwa Kristo, ya kwamba Eliya atakuja kwanza." Naam. Unaona?

Akasema, "Amekwishakuja tayari, nanyi hamkultambua jambo hilo." Sasa, huyo alikuwa ni nani? Wanafunzi.

180 Hapa nitaumiza, kidogo, tu sasa, lakini simaanishi kufanya hivyo, mnaona; kwa dakika chache zifuatazo, unaona, dakika moja tu, ama mbili, lakini ili kwamba muwe na hakika kufahamu. Mnaweza kunisikia? [Kusanyiko linasema "Amina."-Mh.]

Angalia! "Mbona?" Hao watu waliokuwa wametembea pamoja na Kristo, "Mbona Maandiko, kwanza, yanasema ya kwamba imempasa Eliya kuja?" Nao walikuwa ni waongofu wa Yohana mwenyewe, hata hawakumjua. "Mbona Maandiko yamesema, hao waalimu?" Mnaona ninalomaanisha? Mnaona? "Mbona maandiko yanasema kwamba Eliya hana budi kuja kwanza? Wanafunzi waliotembea naye, "Kwa nini maandiko yanasema yeye hana budi kuja kwanza, kabla ya mambo haya, na kutengeneza mambo yote?" Alikuwa kwa watu yapata nusu dazani, na ni hao tu waliokuwako. Unaona? Hao tu ndio waliopaswa kulipokea. Hao ndio waliochagulia kuliona.

181 Yesu alisema, "Amekwishakuja tayari, wala hamkumtambua. Lakini alifanya yale tu ambayo Maandiko yalisema angefanya. Aliwarejesha, ninyi nyote mlionipokea Mimi na kuniamini Mimi. Alifanya kulingana kabisa na Maandiko yalichosema angefanya. Nao wakamfanyia yale Maandiko yaliyosema wangemfanya. Yeye amekwishakuja tayari, nanyi hamkumtambua."

Mko tayari? Ninataka kuwashtusha kidogo. Kunyakuliwa kutakuwa namna hiyo hiyo. Kutakuwa rahisi sana, hapana shaka kutakuwa vile vile, hata Kunyakuliwa kutatukia moja ya siku hizi wala hakuna mtu atakayejua kitu juu yake.

182 Sasa, msininii, msininii, msiamke sasa, lakini hebu chunguzeni kidogo tu. Hakika ninamalizia. Kunyakuliwa kutakuwa kwa njia rahisi sana hivi kwamba hukumu zitashuka, nao watamwona Mwana adamu, ndipo watasema, "Je, hatukupaswa kuwa na kadhaa na kadhaa? Na je, siss tulipaswa tutumiwe Eliya? Na si kulipaswa kuweko na Unyakuo?"

Yesu atasema, "Umekwishatukia tayari, nanyi hamkujua." Mungu katika urahisi. Mnaona.?

183 Sasa, juma hili tutaingilia mafundisho yenye kilindi sana juu ya...?.....Sasa, angalieni, Unyakuo, kutakuwako na wachache sana katika Bibi-arusi huyo! Haitakuwa...

Sasa mnaona jinsi waalimu walivyolipata? Wana michoro, nao wanakwenda, wanaonyesha watu milioni kumi waliokuja hapa; Wamethodisti wote, kama ni mhubiri wa Kimethodisti; kama ni Mpentekoste, Wapentekoste wote wakija. Kamwe haitaligusa

hilo.

itakuwa, labda mmoja aondoke Jeffersonville, mtu fulani tu akosekane. Wao watasema, "Vema, hujaninii kamwe..." Hao wengine hawatajua. Kutakuwa na mmoja atakayetoka Georgia. Unaona? Kutakuwa na mmoja atakayetoka Afrika. Na hebu tuseme kungekuwa na watu mia tano, walio hai, watakaohamishwa. Sasa huo-huo si mwili wa kanisa. Huyu ni Bibiarusi. Hilo si kanisa. Huyu ni Bibi-arusi. Unaona?

Ka-kanisa litafufuka kwa maelfu, lakini hilo ni katika ufufuo huo mwingine. "Hawakuwa hai hata itimie ile miaka elfu." Mnaona?

Lakini, katika Bibi-arusi, kama watu mia tano waliondoka duniani dakika ii hii, ulimwenguni haungejua kitu juu yake.

184 Yesu alisema, "Mmoja atakuwa kitandani; nami nitamchukua mmoja, nimwache mwingine." Huo ni wakati wa usiku. "Wawili watakuwa kondeni," upande ule mwingine wa dunia, "Nitamchukua mmoja na nimwache mwingine. Na kama ilivyokuwa siku za Nuhu, ndivyo itakavyokuwa kuja kwa Mwana adamu."

Wazia! Kila kitu kitatenda kazi kwa kawaida tu kiwezavyo. Ujumbe wa ushupavu wa dini utatolewa, na, jambo la kwanza wajua, jambo fulani, "Mhudumu huyu alikwenda mahali fulani, hakurudi. Labda alikwenda mwituni, kuwinda. Hakurudi tena. Na jamaa huyu alienda mahali fulani. Unajua kilichotukia? Ninaamini msichana huyo mdogo, hapana-hapana budi alitekwa nyara mahali fulani, wajua, mtu fulani alimpeleka msichana huyo huko na kumnajisi, labda amemtupa mtoni. Hakuwa na mtu yoyote." Nusu yake..tisini na tisa kutoka katika kila...Naweza kusema mmoja kutoka katika kila milioni mia moja atajua lolote juu yake; mnaona, iwe ni mtu ambaye anamjua, aseme, "Yule msichana hayupo. Mbona ,siwezi kufahamu. Yeye hajawahi kuondoka namna hiyo kamwe." La.

185 Na wakati wanaposema, "Ma- makaburi yatafuguliwa." Makaburi yatafungukaje? Wakati, si-sina muda wa kuingilia jambo hili, lile ninalotaka. itanilazimu kuchukua jambo hili, unaona, kuwaonyesheni tu urahisi wa Mungu. Na hiyo chumvi, shura, na kila kitu, wakati-wakati ...Kila kitu kilichoko ndani yako, maunzi na vinajaa kijiko kimoja tu. Hiyo ni kweli. Na vile hivyo vinavyofanya, vinavunjika-vunjika vikawa roho na uhai tena. Mungu atatamka tu, na Unyakuo utatukia. Si kwenda huko nje, na Malaika wanashuka na kuchimbua makaburi , na kuufukua mzoga wa kale hapa. Ni nini? Mwili huo ulizaliwa katika dhambi, kwanza. Unaona? Kama tu huu, tutakufa tena. Unaona? Hakuna mtu... mnasema, "Makaburi yatafunguka. Wafu watatoka." Hiyo yaweza kuwa kweli, lakini sio kufunguka jinsi unavyosema kufunguliwa. Unaona? Hiyo ni kweli. Unaona? Haitakuwa namna hiyo.

itakuwa ni siri, kwa sababu Yeye alisema atakuja "kama mwivi usiku."

186 Yeye tayari amekwisha kutuambia jambo hili, Unyakuo.

Ndipo hukumu zitapiga; dhambi, mapigo, maradhi, na kila kitu. Nao watu watalilia mauti iwachukue, wakati wa ile hukumu. "Bwana, kwa nini hukumu hii iko juu yetu, wakati Wewe ulisema kutakuwako na Unyakuo kwanza?"

Yeye atasema, "Umekwishatukia tayari wala hamkutambua." Unaona? Mungu akijificha katika urahisi. Loo, jamani! Vema. " Ni hivyo tu, hilo limetukia tayari, na hamkujua."

Kwa nini waamini hawaamini zile ishara rahisi za Kuja Kwake?

Wanatarajia mambo haya yote yaliyonenwa na Maandiko, na-na mwezi utatua mcha-...ama jua, litatua mchana, na kutakuwako na mambo ya kila namna. Loo, laiti tugalikuwa tu na... Nina mihtasari iliyoandikwa hapa juu ya hilo, unaona, kuwaonyesha mambo hayo ni nini. Nasi tutayapata katika kule kuvunjwa kwa Mihuri hii juma hili, hata hivyo, mnaona. Mnaona? Hilo hapo, mahali ambapo jambo hili limepita tayari, wala hamkutambua. Angalieni kama ndivyo ilivyo, kama Malaika wa Bwana ataivunja hiyo Mihuri kwa jambo hilo. Kumbukeni kumetiwa mhuri na hizo Ngurumo Saba za siri. Unaona?

187 Sasa ni nini? Kwa nini watu wasiamini urahisi wa kundi la watu wanyenyekevu, mnaona, na Sa-sauti ya ishara za Mungu? Kwa nini wasiamini jambo hilo? Ni kama vile tu ilivyokuwa siku zote, Neno la kweli la Mungu likidhihirishwa. Ni kwamba, wao ni werevu sana na wenye elimu sana hata hawawezi kuamini namna rahisi ya Neno

lililoandikwa. Wanataka kuweka fasiri yao wenyewe kwake "Halimaanishi hivi. Halimaanishi vile." Unaona? Linamaanisha hivyo.

Sikilizeni. Hebu niseme jambo hili, upesi sana sasa. Hata yale maono ambayo Mungu anayaonyesha mahali hapa, yanafahamika vibaya sana. Hiyo ndiyo sababu mnanisikia mimi kwenye kanda, nikisema, "Sema vile kanda znaivyosema. Sema vile maono yanavyosema."

188 Sasa, kama mko macho kabisa mtaona kitu fulani. Mnaona? Natumaini hainilazimu nikishike mkononi mwangu na kuwaonyesheni. Mnaona? Mnaona? Mnaona? Mnaninii ...Liko-liko hapa. Tuko wakati wa mwisho. Mnaona? Naam, Bwana. Watu werevu wenye elimu wanapitwa na jambo hilo. Yale maono rahisi, wakati yanapofunuliwa katika urahisi namna hiyo, mpaka linafunika juu ya vichwa vya watu. Unaona?

Kwa sababu niliona ono hilo, nikawaambia yote kuusu kwenda huko juu kuwinda, na, mwajua, jambo hilo linawakwaza tu watu. Na pale Mungu akalituma pale kwa kusudi hilo, kisha akarudi na kulifasiri moja kwa moja, kuonyesha kuaga dunia kwa mama yangu, na mambo kama hayo. Kisha nikarudi na kuwaambia jambo hilo kabla. Nalo likatukia kulingana kabisa na tu vile Yeye alivyosema litatukia. Unaona?

189 Na, hata hivyo, Yohana alikuja moja kwa moja kule nje na kukiri. Alisema, "Mimi siye Masihi, lakini mimi ni sauti ya mtu aliaye nyikani."

Na halafu wanafunzi wao hao wanasema "Mbona wanananii, waandishi wanasema Maan-...Maandiko yanafundisha ya kwamba Eliya hana budi kuja kwanza?" Unaona? Urahisi wa Mungu huenda, unapita tu moja kwa moja juu ya vichwa vya watu.

Hebu nichukue jambo hili kisha nimalize. Nitamaliza, kwa msaada wa Mungu. Unaona? Angalia. Sasa hebu na tulichambue jambo hili. Halafu nininasikitika kuendelea kuwaambia ninyi nyote nitaondaka, na halafu...Angalieni. Nasikitika kuwachelewesha. Lakini, masaa machache tu, tutarudi.

Angalieni, hebu na tuchukue tone la kawaida la wino

190 Kila kitu ni kwa kusudi fulani. Mmekusanyika hapa asubuhi hii kwa kusudi fulani. Ninakula kwenu, Charlie; Nellie, ulinipikia, kwa kusudi fulani. Mimi...Kila kitu ni kwa kusudi fulani. Kanisa hili limejengwa kwa kusudi fulani. Hakuna kitu kisicho naa kusudi wala sababu.

191 Hebu tuchukue tone la kawaida la wino sasa. Mnaweza kunisikia? [Kusanyiko linasema "Amina."-Mh.] Hebu tuchukue tone la kawaida la wino na tuliangalie. Ni kitu gani? Tone la wino. Lilitoka wapi? Vema. Hebu na tuchukulie tone hili la wino sasa, ni, na tuseme ni wino mweusi. Sasa wino huo upo kwa kusudi fulani. Unaweza kuandika msamaha wangu katika gere...kutoka garezani. Unaweza kuandika msamaha wangu kutoka kwenye jela la mauti. Hiyo ni kweli? inaweza kuandika Yohana 3;16, na kuokoa nafsi yangu kwa kuamini Hilo. Sivyo? ["Amina."] Ama unaweza kutia sahihi hati yangu ya kuuawa. Unaona? Unaweza kunihukumu mahakamani. Una kusudi fulani. Hiyo ni kweli? ["Amina."]

Vema, hebu na tuangalie wino huo mchache tuone mahali ulipotoka. Sasa, ni wino. Umeundwa, na kemikali na vitu mbalimbali, hata ukawa wino. Na ni mweusi. Ukiumwaga kwenye nguo zako, utazitia doa.

Lakini tumetengeneza kitu kinachoitwa kitakasaji. Ninyi wanawake mnatumia Kitakasaji cha Kloroksi. Vema, ninachukua tone moja la wino na kulitia kwenye beseni lenye-lenye kitakasaji, sasa ni kitu gani kimetokea kwenye wino huo? Mnaona? Mbona? Kitakasaji kimetengenezwa,, kimegunduliwa na kemikali zilizotengenezwa kiwandani, pamoja, ambazo zitavunjavunja hiyo rangi sana hata huwezi kuipata.

192 Sasa, sehemu ya kitakasaji hicho ni maji. Maji ni H₂O, ambayo ni haidrojeni na oksijeni. Na zote mbili haidrojeni na oksijeni, zote mbili, ni baruti hatari. Na tena, kwa kweli haidrojeni na oksijeni ni majivu. Hivyo ndivyo zilivyo, hiyo ni kweli, majivu ya kemikali, majivu tu ya kemikali. Sasa, sasa weka pamoja, nawe unapata maji. Lakini, zivunjevunje, nawe una haidrojeni na oksijeni, na unaendelea tu kurudi nyuma.

Sasa, katika kulipata jambo hili, hebu na tuchukue...Nami siwezi. Sasa huenda kukawa na wakemia wanaoketi hapa. Na sasa nataka kusema jambo hilo, maana kuta-kutakuwa na wakemia watakaosikiliza haya, mimi sijui fomula yake. Lakini nataka kuielezea kwa njia yangu wenyewe ya kinyonge, nikitumaini ya kwamba Mungu

atajifunua Mwenyewe katika jambo hilo.

193 Angalia, ninadondosha hilo tone la wino katika ki-ki kitakasaji. Nini kinatukia? Mara moja doa hilo jeusi limetolewa. Hautalionna tena. Nini kilitukia? Sasa, huoni chochote kikitoka kwake. Huoni. Kwa nini huoni? Kwa sababu limevunjwawunjwa.

Sasa, sayansi ingesema, "Lilirudi kwenye asidi zake za asili."

Hizo asidi zilitoka wapi? Unaona? Vema, unasema "Zinatoka-zinatoka kwenye vitu fulani." Vema. Tuseme, kwa mfano, kama vile, "Moshi uliotengeneza asidi." Moshi ulitoka wapi? Vema, ulikuwa, tutasema moshi ulitengenezwa na molekuli nyingi." Molekuli zilitoka wapi? Kutoka kenye elektroniki. Elektroniki zilitoka wapi? Hizo zilitoka wapi? "miali ulimwengu." Unaona, umerudi nyuma kabisa kusikojulikana, kwa wakemia, sasa. Na, kama hicho ni kitu cha asili na ni kiumbe, hakinabudi kutoka kwa Mungu.

Kwa hiyo, hamketi hapa kwa bahati.

194 Mimi siwashikili mpaka saa sita na nusu, ama saa saba, kwa bahati. "Hatua za mtu mwenye haki zaamrisha na Bwana." Unaona? Kuna sababu yake. Kuna sababu Fulani ya wewe kuamini. Kuna sababu ya wewe kutoamini. Kama tu kwa-kwa ule wino.

Sasa hebu na tuvunjevunje jambo hilo. Sasa, jambo la kwanza tuseme, baada ya sisi kurudi kwenye...Tunairudisha nyuma mpaka kwenye molekuli. Sasa tulichukua molekuli ningesema, namba 1 mara molekuli 9, mara molekuli 12. Sasa, kama ingalikuwa ni 11, ingelitokea nyekundu. Lakini ili-ilipaswa kuwa 12, ipate kuwa nyeusi.

Ndipo tutairudisha hiyo chini hata kwenye atomi. ilikuwa ni atomi. Na 96 mara +43, sawasawa na atomi 1611. Kama zingalikuwa 1612, huenda zingalikuwa ni rangi ya zambarau. Unaona? Ndipo unaendelea kuivunjavunja.

195 inaonyesha ya kwamba kulikuwako na kitu fulani kule nyuma, kwanza. Hiyo ni akili tu ya kawaida. Ni uumbaji. Hakina budi kuwa na Muumbaji. Nayo ilitoka kwenye muumba, ndipo ikaamriwa ikawekwa kwenye hizi, mbalimbali. Sasa, sayansi haiwezi kuchoma atomi B16 mara 12 mara14, mara chochote kile, nje namna hiyo kufanya jambo hilo. ilibidi Mungu kufanya jambo hilo.

Na ndipo inaletwa mpaka mahali ambapo inafika kwenye atomi, ndipo sayansi inapoweza kuanza kuigusa. Ndipo inatokea kwenye molekuli, ndipo wanaweza kuanza kuiona vizuri zaidi. Ndipo inashuka, kutoka hapo, inakuwa kitu kingine. Ndipo, jambo la kwanza inakuwa kemikali, kisha wanazichanganya pamoja

196 Sasa, wakati mwanadamu, kabla hajatenda dhambi. Ninafunga, lakini msilikose jambo hili. Wakati mwanadamu alipotenda dhambi, yeye alijitenganisha na Mungu, na kuvuka lile shimo kubwa, na kujitia katika mauti upande huu. Akaondoka. Hakuna njia ya kurudi. Kweli kabisa. Hakuna njia kwake kurudi. Lakini basi yeye alipofanya jambo hilo, Mungu alikubali kibadala, ambacho kilikuwa ni mwanakondoo, ama mbuzi, ama kondoo, ama kitu fulani, kwa ajili ya damu; ambayo Adamu alinena habari zake, ama-ama Habili alinena habari zake, upande ule mwingine wa lile shimo.

Upande ule mwingine, yeye ni mwana wa Mungu. Ni uzao toka kwa Mungu. Yeye ni urithi wa dunia. Anaweza kutawala maumbile. Anaweza kunena na ikawa. Ni kwa nini, yeye ni muumba, yeye mwenyewe. Yeye ni uzao wa Mungu.

197 Lakini, wakati alipovuka, yeye alijitenganisha uwana wake. Yeye ni mwenye dhambi, kwa maumbile. Yeye yuko chini ya mikono na utawala wa Shetani.

Naye Mungu alichukua dhabihu, kemikali, ya damu, lakini damu ya mafahali na mbuzi haikutaliki dhambi. ilifunika tu dhambi. Kama nina doa jekundu mkononi mwangu, na nilifunike kwa rangi nyeupe, lile doa jekundu bado lingalipo pale. Unaona, lingalipo pale.

Lakini Mungu alituma, kutoka Mbinguni, kitakasaji cha dhambi. ilikuwa ni Damu ya Mwanawe. ili kwamba, wakati dhambi yetu iliyongamwa inapodondoshwa kwenye kitakasaji cha Mungu, jaribu kuipata tena! ile rangi ya dhambi inarudi kupitia kwa wapatanishi, na kupitia katika wakati, mpaka kumfikia yule mshtaki, Shetani, na kukaa juu yake hata Siku ya Hukumu.

198 Ni kitu gani kinachompata mwana? Anakuwa katika ushirika mkamilifu na Baba tena, akiwa amesimama upande ule mwingine wa shimo, akiwa hana kumbukumbu la dhambi dhidi yake. Hata tena, hakuna tena doa la kitakasaji linaloweza kuonekana

mahali popote. Yeye yuko huru. Haleluya! Kama tu ile Kloroksi, ama ule wino usivyoweza kamwe kuwa wino tena, kwa sababu umevunjwavunjwa na kurudishwa tena. Na hapo wakati dhambi iliyotubiwa imetubiwa na imewekwa kwenye ... Mwanamume ama mwanamke ambaye ametumbukizwa katika Damu ya Bwana Yesu Kristo, inaua dalili zote. Na kila molekuli ya dhambi imemrudia Yule Mwovu, na kuwekwa juu yake hata ile Siku ya Hukumu, ambapo kikomo chake cha milele atatupwa kwenye Ziwa la Moto. Na lile shimo limewekwa daraja, wala halitakumbukwa tena. Na mtu anasimama amehesabiwa haki, kama mwana wa Mungu. Urahisi!

199 Musa, chini ya damu ya mafahali na mbuzi, na kukiri kwake Neno la Mungu! Naye Mungu angeweza kumchukua mtu huyo wa kawaida, na kuweka Maneno Yake katika kinywa chake. Naye alithibitisha ya kwamba alikuwa mtumishi wa Yehova, na kuwa angewaza kutembea huko nje na Yehova akanena naye kwa ono. Akatoka nje, akaonyesha mikono yake kuelekea mashariki

Na sasa, kumbukeni, Mungu alinena naye. Ni wazo la Mungu. Mungu humtuma mwanadamu. Mungu alinena naye. Ni kweli. Yeye alisema, "Nenda kanyooshe ile fimbo, iliyo mkononi mwako, kuelekea mashariki, na useme, 'Nzi!'"

200 Musa, chini ya damu ya mbuzi huyo, kondoo, alitoka huko nje na akachukua fimbo ilee, aakaelekezea mashariki. "BWANA ASEMA HiVi. Na kuwe na nzi!" Kamwe hakusikia nzi. Akarudi. Limenenwa tayari. Ni wazo, sasa limenenwa, limetamkwa. Sasa ni Neno la Mungu. Linaingia kwenye mdomo wa mwanadamu, mtu wa kawaida chini ya damu ya fahali, fahali ama mbuzi.

Muda si muda wajua, nzi wa kijani akaanza kuruka-ruka. Muda si muda unajua, walikuwa ratili tano kwa yadi. ilikuwa ni nini? ilikuwa ni Neno la Mungu lililonenwa kupitia kwa Musa, yule Muumba. Kwa sababu, chini ya damu, yeye alikuwa amesimama kwenye Uwepo wa Mungu, na Maneno yake mwenyewe hayakuwa ni Neno lake

201 "Mkikaa ndani Yangu, na Maneno Yangu yakae ndani yenu basi, basi ombeni mtakalo, nanyi mtapewa." Kanisa linasimama wapi?

"Na kuwe na vyura!" Na hakukuwepo na chura hata mmoja nchini. Katika muda wa saa moja walikuwa wenye kina cha futi kumi, katika sehemu nyingine. ilikuwa ni nini? ilikuwa ni Mungu, yule Muumba, akijificha katika mtu wa kawaida.

Sasa nataka kuwauliza jambo fulani. Kama damu ya fahali ama mbuzi ikitumiwa katika kitakasaji, ambayo inaweza tu kufunika, ingeweka mtu katika mahali ambapo angenena Neno la kuumba la Mungu na kufanya nzi wawepo, ungewezaje kukwazika kwenye kitakasaji cha Damu ya Yesu Ambaye angenena kindi ama kitu fulani kiwepo?

Usifanye hivyo, usikwazike juu ya urahisi. Amini ya kwamba Yeye anabakia kuwa Mungu. Loo, jamani! Msamaha wa dhambi! Loo, jinsi ninavyotamani ningaliweza...

Halafu, katika Marko 11:22, "Kama ukiambia mlima huu, 'Ng'oka' wala usione shaka moyoni mwako, ila uaamini ya kwamba hayo usemayo yatatukia, loo, yatakuwa yako."

202 Jamani, nina kurasa tatu ama nne. Hatuna budi kuyaachilia. Asanteni.

Mungu akijificha katika urahisi. Hamwoni? Kuna jambo fulani kasoro mahali fulani. Kuna jambo Fulani kasoro mahali Fulani. Wakati Mungu anapotoa tamshi, Yeye hawezi kusema uongo. Yeye alitoa ahadi. Unaona? Yeye hujificha katika urahisi. Ni rahisi sana!

Wenye elimu na wanachuoni wanasema, "A-ha, ni...Loo, ni kushirikiana mawazo ama chochote kile. Mwajua ni..."

203 Mungu anaweza kujirudisha kupitia katika mitiririko ya wakati, na kukwambia bila kukosea kule nyuma yale yaliyotukia hasa, akwambie vile ulivyo leo, na kile utakachokuwa baadaye. Hiyo ingali kwa kitakasaji cha Yesu Kristo, Ambaye anaweza kumchukua mwenye dhambi na kumsafisha aingie Pale, na anasimama katika Uwepo wa Mungu.

"Na mkikaa ndani Yangu, na Maneno Yangu yakae ndani yenu; mnaweza kuomba mtakayo, nayo yatatendeka. Yeye aniaminie Mimi, kazi nizifanyazo yeye naye atazifanya."

"Unanihukumiaje Mimi? Loo, je, sheria zenu wenyewe hazikusema ya kwamba wale waliojiliwa na Neno la Mungu, hao manabii, je, hamkuwaita 'miungu'? Na basi mnaweza

kunihukumu vipi ninaposema mimi ni Mwana wa Mungu?" Wanakosa kuliona. Wanakosa kuliona.

204 Sasa, enyi Kanisa, katika Jumbe zinazokuja tangu usiku wa leo na kuendelea, msikose kuliona. Unaona? Kuona siku tunayoishi. Na, kumbukeni, Damu ya Yesu Kristo inaondolea dhambi mbali sana na wewe, wakati hata hazikumbukwi na Mungu, tena. inaondoa mawaa yote.

Dhambi ilikuwa imeacha doa jekundu sana,

Akaiosha ikawa nyeupe kama theluji.

Basi mbele ya Kiti cha Enzi,

Ninasimama mkamilifu ndani Yake.

205 Loo, jamani ninawezaje kuwa mkamilifu? Ninawezaje kuwa mkamilifu? Kwa sababu ile Damu; si mimi, lakini ile Damu inasimama kati yangu na Mungu. Niliikubali. Naye aliiweka...mimi ni mwenye dhambi lakini Yeye ni Mungu. Lakini ile kemikali inasimama kati yangu, kile kiuu dhambi, kwa hiyo Mungu huniona tu mimi nikiwa mweupe kama-kama maji yaliyomo-yaliyomo kwenye kile kitakasaji. Dhambi yangu imeondoka. Haiwezi hata kumfikia Yeye, kwa sababu kuna Dhabihu ikaayo pale.

206 imani yetu iko wapi ya kuliadini Neno rahisi la Mungu? Yale Mungu aliyosema tu, mchukue kwenye Neno Lake. Mungu hujificha hivi sasa katika urahisi, katika kundi dogo nyenyekevu, lakini moja ya siku hizi atajidhihirisha Mwenyewe kama vile alivyofanya siku zote katika siku zilizopita. Mnampenda? [Kusanyiko linasema, "Amina."-Mh.]

Ninampenda, ninampend Kwani alinipenda kwanza Na kuununua wokovu wangu Mtini Kalvari.

207 Mnampenda? [Kusanyiko linasema :Amina."-Mh.] Jamani, je! Yeye si ni waajabu? ["Amina."] Ninatumaini na kuamini ya kwamba Ujumbe huu utatoa kilichokusudiwa kutoa, ya kwamba utakufikisha mahali ambapo huangalii mambo yanayovutia kwa uzuri. Ama ninii...Unapomwona Mungu katika ukuu, wewe uangalie jinsi jambo hilo lilivyo rahisi, na ndipo utamwona Mungu. Usimtafute Yeye....

208 Wakati Eliya aliporudi kule kwenye lile pango, moshi ulitoka, damu, ngurumo, umeme; na, unaona, aina zote hizi za msisimko tuliyokuwa nayo, damu, usoni na mikononi, na misimko na kila kitu. Haikumhangaisha nabii huyo. Yeye alikaa tu pale mpaka aliposikia ile Sauti ndogo tulivu (ilikuwa nini?) Neno, ndipo akafunika uso wake akatoka. Unaona, hilo lenyewe lilikuwa ndilo.

209 Kumbuka, ewe rafiki, usitafute ninii kubwa mno, kubwa...Unasema, "Mungu," Yeye hunena juu ya mambo makubwa, makubwa mno. Utakuja wakati kutakapokuwa na hiki, kile ama kile kingine, mambo makubwa mno." Natumaini mnashika ninalozungumzia. Mnaona? "Mambo makubwa, makubwa mno, unaona! Na, loo, wakati hili linapotukia, litakuwa jambo kubwa, kubwa namna hii."

Nalo litakuwa ni rahisi sana, utapitwa na jambo zima, na unaendelea moja kwa moja tu. Unaona? Nawe utaangalia nyuma na kusema, "Vema jambi hilo halitatukia kamwe..." Unaona, limepita moja kwa moja juu, na hata hukuliona. Lilipita tu. Unaona, ni rahisi sana. Unaona? Mungu anaishi katika urahisi, unaona, ili ajidhihirishe Mwenyewe katika ukuu. Ni kitu gani kinachomfanya kuwa mkuu? Kwa sababu anaweza kujifanya rahisi. 432 Mtu mkubwa, mkubwa mno hawezi kujifanya rahisi; hana budi kuwa mashuhuri fulani. Unaona? Lakini yeye bado si mkubwa vya kutosha. Atakapokuwa mkubwa vya kutosha, basi anashuka namna hii, unaona, anaweza kujinyenyekeza.

210 Kama yule mtakatifu wa kale alivyosema kule Chicago, "Jamaa huyo alipanda kule, akiwa na elimu tele na kadhalika." Kasema, "Akashuka, ameaibika, kichwa kimeinamia chini. Akatoka nje, aliyeshindwa." Mtu fulani akasema, "Kama angalipanda vile alivyoshuka, angalishuka vile alivyopanda." Vema, hiyo ni kweli. Unaona?

435 Jinyenyekeze. Jinyenyekeze tu. Usijaribu kuwa mtu wa ajabuajabu. Wewe mpende Yesu tu. Unaona? Sema, "Bwana, kama kuna hila yoyote moyoni mwangu, kama kuna ubaya wowote, Baba, sitaki kuwa namna hiyo. Uondoe. Sitaki kuwa namna hiyo. Loo, nataka kuhesabiwa kama mmoja wao, katika Siku ile, Bwana. Nami ninaona siku hiyo ikikaribia.

Mtaona Mihuri hii ikianza, kama Mungu ataifunua kwetu. Kumbuka, Yeye pekee

ndiye anayeweza kufanya hivyo. Tunamtegemea Yeye. Mungu awabariki.

211 Na sasa nadhani mchungaji wetu atasema nanyi, atawaongeleza; ama apate kusema, hasa, na-nanyi, kabla hatujakutana tena mchana wa leo. Nami nafikiri ibada itaninii ... ibada ya nyimbo saa kumi na mbili na nusu, mchungaji? Na ni ... [Ndugu Neville anasema, "Tuanze saa kumi na mbili na nusu."-Mh.] Saa kumi na mbili na nusu. Na ni ... ["Milango inafunguliwa saa kumi na mbili."-Mh.] Milango inafunguliwa saa kumi na mbili. ibada ya nyimbo itaanza saa kumi na mbili na nusu.

Na Bwana akipenda, nitakuwa nikihubiri, usiku wa leo, juu ya somo la kile Kitabu Kilichotiwa Mihuri Saba. Na halafu, Jumatatu usiku, yule mpanda farasi mweupe. Jumanne usiku ... Mpanda farasi mweusi, Jumatano usiku. Farasi wa kijivu, farasi mwenye rangi ya kijivujivu. Na yule mpanda farasi mwekundu. Na halafu tutakwenda kwenye ule wa sita ... wa nne, wa tano na wa sita, na halafu Jumapili usiku. Jumapili ijayo asubuhi, huenda ikawa ni ibada ya uponyaji. Sijui.

212 Sasa kumbukeni, tumejiweka wakfu kwa Bwana, sisi wenyewe pamoja na kanisa, kwa ajili ya utumishi wa Bwana. Mungu awabariki.

Ni-nimechelewa saa nzima. Mtanisamehe? [Kusanyiko, "Amina."Mh.] Si-sininii, unaona, simaanishi kufanya jambo hilo. Lakini, unaona, ninitakuwa tu pamoja nanyi juma hiliu, kisha nitaondoka tena. Nami sijui nitakakokwenda; mahali popote tu aniongozako. Nami ninataka kuchangia kila dakika niwezayo, kwa sababu ninataka kuishi Milele pamoja nanyi.

Mungu awabariki. Sasa, Ndugu Neville.



www.messagehub.info

Mahubiri Na
William Marrion Branham
"... katika siku za sauti ..." Ufu. 10:7